

تحقیقی مجلہ

کھوج

لاہور

چھپماہی

مسلسل شماره نمبر 68

مدیر

پروفیسر ڈاکٹر عصمت اللہ زاہد



شعبہ پنجابی یونیورسٹی اوری اینٹل کالج لاہور

ISSN: 1992-6545

مدیر	:	پروفیسر ڈاکٹر عصمت اللہ زاهد
نائب مدیر	:	ڈاکٹر نوید شہزاد
مجلس ادارت	:	ڈاکٹر سعید خاور بھٹا، ڈاکٹر ناہید شاہد، ڈاکٹر نبیلہ رحمن، ڈاکٹر انجم رحمانی، ڈاکٹر یونس احقر (پاکستان)، ڈاکٹر کرنیل سنگھ تھند (بھارت)
مجلس مشاورت	:	ڈاکٹر سید اختر حسین اختر، ڈاکٹر عبدالرزاق شاہد، ڈاکٹر ثریا احمد ڈاکٹر شاہد کاشمیری، عمران خالد (پاکستان)، ڈاکٹر ستیش کمار ورما (بھارت)
کمپوزنگ	:	محمد سدھیر
چھاپہ خانہ	:	پنجاب یونیورسٹی پریس، لاہور
پتہ	:	شعبہ پنجابی، پنجاب یونیورسٹی اوری اینٹل کالج علامہ اقبال کیمپس، لاہور (پاکستان)
ای میل	:	info.punjabi@pu.edu.pk
فون/فیکس	:	042-99210834
شمارے داخل	:	250/- روپے پاکستانی، بیرون ملک 10 امریکی ڈالر

چھیما ہی کھوج وچ چھپن والے مقالیاں بارے مقالہ نگاراں دی رائے نال ادارہ
کھوج دا متفق ہونا ضروری نہیں..... (مدیر)
چھیما ہی کھوج HEC ولوں منظور ہون توں وکھ حکومت دے
مراسلہ نمبر ایس۔ او (سی ڈی) 3-75/1 مورخہ 2 جنوری 1980ء
دے مطابق سارے پنجاب دے سکولوں تے کالجاں لئی وی منظور شدہ اے۔

تحقیق مجلہ
چھپماہی
کھوج

شماره نمبر 2

جنوری۔ جون 2012ء

جلد 34

مسلسل شماره نمبر 68

مدیر
پروفیسر ڈاکٹر عصمت اللہ زاہد

نائب مدیر
ڈاکٹر نوید شہزاد



شعبہ پنجابی، پنجاب یونیورسٹی اوری اینٹل کالج، لاہور

مقالہ نگار حضرات لئی

- 1- تحقیقی مجلہ کھوج وچ اچھے تحقیقی مقالے چھاپے جانداں نیں جیہڑے پنجابی زبان، ادب تے ثقافت دی ترقی دا سبب بن سکوں۔ ایس لئی ضروری اے کہ مقالہ نگار حضرات کھوج دے تحقیقی مزاج نوں سامنے رکھن۔
- 2- کسے وی مقالے وچ پیش کیتی جان والی رائے مقالہ نگار دی ذاتی رائے سمجھی جائے گی۔ ادارے دا اودے نال متفق ہونا ضروری نہیں۔
- 3- مقالہ نگار حضرات جیہڑی لکھت کھوج وچ چھپن لئی بھجوان، اوہ کسے ہور رسالے یا اخبار نوں نہ گھلن۔
- 4- کھوج وچ چھاپن توں پہلے ہر مقالے بارے گھٹو گھٹ دو ماہراں دی تحریری رائے (Blind Review) لئی جاندی اے تے ایسے رائے دی روشنی وچ مقالے کھوج وچ شامل کیتے جانداں نیں۔
- 5- مقالہ نگار حضرات مقالہ کمپوز کر کے پوری احتیاط نال پروف ریڈنگ کرن توں بعد سی ڈی سمیت بھجوان۔
- 6- مقالہ مناسب خط وچ کمپوز کیتا جاوے تے اصلاح/کانٹ چھانٹ لئی آسے پاسے تے فٹ نوٹ لئی مناسب تھاں چھڈی جائے۔
- 7- مقالہ مسلسل تحریر کیتا جاوے تے سارے حوالے آخر اُتے دتے جان۔
- 8- حوالے تحقیق دے معیاری طریقیاں مطابق دتے جان۔ مثلاً:
لکھاری داناں: کتاب داناں؛ مقام اشاعت، سن اشاعت، صفحہ نمبر
- 9- ہر قسم دی خط کتابت تھلے دتے ہوئے پتے اُتے کیتی جاوے۔

مدیر:

مجلہ کھوج۔ شعبہ پنجابی، پنجاب یونیورسٹی اوری اینٹل کالج علامہ اقبال کیمپس، لاہور (پاکستان)

E-mail: info.punjabi@pu.edu.pk

Ph&Fax: 042-99210834

بِسْمِ اللَّهِ الرَّحْمَنِ الرَّحِيمِ

رب دیا پیاریا! مدح تری نحس نحس مو مو پیا کردا
تیرے سوہنے قد دیاں گلاں سر و سر و پیا کردا
کملیٰ والیا! نظر کرم دی اج ہر نگھا بندہ
بے قدری دیاں پالیاں دے وچ ٹھرو ٹھرو پیا کردا

حفیظ تائب

فہرست

7	مدیر	☆	اداریہ
9	ڈاکٹر ناہید شاہد	-1	ڈاکٹر فقیر دی غزل
19	ڈاکٹر عاصمہ قادری	-2	ڈاکٹر اسلم رانا: حیاتی تے لکھتاں
39	پروفیسر ڈاکٹر عصمت اللہ زاہد	-3	فلمی دنیا دا اک گمنام شاعر گلزار خلیل
57	ڈاکٹر سعادت علی ثاقب	-4	پنجاب دی مڈھلی موسیقی (اک تاریخی مطالعہ)
69	پروفیسر ڈاکٹر نبیلہ رحمن	-5	وحدت عین عیان تے خواجہ غلام فرید دی شاعری
81	ڈاکٹر اقبال ثاقب	-6	سعدی شناسی وچ پنجابی لکھاریاں دا حصہ
89	ڈاکٹر ظہیر احمد شفیق	-7	ماں بولی بارے مذہبی نقطہ نظر
95	واصف لطیف	-8	وارث شاہ سے دا وارث
111	ڈاکٹر نوید شہزاد	-9	ہٹلر کا نظریہ قومیت و مقامیت



اداریہ

قارئین!

مجلہ کھوج دا سچرا شمارہ مختلف سرناویاں ہیٹھ سجیا ہویا اے۔ پہلے تن لیکھ پاکستانی دور دے سرکڈھویں لکھاریاں دے حوالے نال نیں۔ ڈاکٹر فقیر محمد فقیر تے ڈاکٹر اسلم رانا، دوویں شاعر وی سن تے کھوج کار، نقاد وی۔ جد کہ تیجا لیکھ معروف گیت نگار گلزار خلیل دے حوالے نال اے۔ چوتھے لیکھ وچ پنجاب دی مڈھلی موسیقی نوں موضوع بناندیاں ہویاں پنجاب وچ موسیقی دا سرالسنن دا آہر کیتا گیا اے۔ ”وحدت عین عیان تے خواجہ غلام فرید دی شاعری“ وجودی فلسفے دے پس منظر وچ فریدی کوتا نوں دیکھن وکھان دا جتن اے۔ سعدی شناسی دے حوالے نال پنجابی لکھاریاں دا حصہ فارسی دے استاد ڈاکٹر اقبال ثاقب دی تحقیقی لکھت اے۔ ”ماں بولی بارے مذہبی نقطہ نظر“ وچ مقالہ نگار نے مذہبی حوالے نال ماں بولی دی اہمیت تے افادیت نوں مختلف راواں راہیں اُگھیرن دا جتن کیتا اے۔ ”وارث شاہ سے دا وارث“ وارث شاہ دی تخلیق ہیر دی آفاقیت تے پنجابیت دے حوالے نال اے، جس وچ ادو کے تے اجو کے پنجاب دی زرعی رہتل دے مہاندریاں نوں مکھ رکھیا گیا اے۔

آخری اردو لیکھ ہٹلر دے قومیت تے مقامیت بارے نظریات دے حوالے نال پنجاب تے پنجابی معاشرے دی موجودہ صورتحال اُتے گل بات کردیاں ہویاں دسیا گیا اے کہ قوم پرستی دے جذبے نوں کیوں پنکرایا جاندا اے تے کس طرح ایہہ وراثت اک نسل توں دوجی نسل وچ

منقول کیتی جاندی اے۔

انج مجموعی طور تے ایس شمارے وچ شامل مقالے اپنے سرناویاں دے اعتبار نال پنجابی زبان، ادب تے رہتل دے مختلف پکھاں دی تصویر پیش کردے نیں۔ ایہہ سارا کجھ ایس اُمید اُتے کھوج وچ شامل کیتا جا رہیا اے کہ آن والے ویلے وچ تحقیق داسفراگے ودھ سکے گا۔

_____ مدیر

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June, 2012, pp 09-18

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

ڈاکٹر فقیر دی غزل

☆ ڈاکٹر ناہید شاہد

Abstract:

Dr. Faqir is a prominent writer of Punjabi literature. He has written on different journals of Punjabi literature. He also considered the torch bearer of classical Ghazal. This article is a study of his literary contribution as a Ghazal writer.

ڈاکٹر فقیر محمد فقیر 1900ء وچ پیدا ہوئے۔⁽¹⁾ ویہویں صدی دی دوجی دہائی وچ شعور دی اکھ کھولی تے اپنے چوگردے ول تکیا۔ اوہناں نوں اپنے من وچ نچدے موریاں دیاں پیلاں خواہشاں دے چکوراں نوں چن ول اڈدیاں تے چالو و ہار وچ رسے و سسے لوکاں دی حیاتی دا گیان ہولی ہولی ہون لگ پیا۔ ایہہ اوہو دور سی جدوں میاں محمد بخش² دی بھیتاں بھری شاعری روزمرہ دا ضروری رنگ بنی ہوئی سی۔ اردو مشاعریاں دا زور سی تے جیہدے وچ شاعر اپنیاں غزلاں سنا کے لوکائی توں داد و نڈے سن۔ ایسے رواج دا کجھ اثر پنجابی تخلیق کاراں دی لیا تے مولا بخش کشتہ ہوراں اپنیاں غزلاں دا دیوان چھپوایا۔ بھانویں دوہڑے کافی تے سی حرفی وی پنجابی زبان وچ لکھی جا رہی سی پر اپنے مخصوص موضوعات کارن اوس صنف وچ لکھنا ہاری ساری دا کم نہیں سی تے نہ ای لوکائی غزل دے مقابلے وچ دو جیاں صنفاں نوں کوئی پذیرائی دین تے

☆ ایسوسی ایٹ پروفیسر، شعبہ پنجابی پنجاب یونیورسٹی اوری اینٹیل کالج، لاہور

تیارسی۔ مشاعرے دی روایت نے ایس رجحان نوں ہور پکیاں کیتا تے پنجابی لکھن والے شاعراں وی ایس صنف نوں سینے نال لایا۔ ویکھیا جاوے تے ایس دور وچ لکھی جان والی غزل نوں ایس اردو فارسی دے تنقیدی سچیاں وچ رکھ کے ”روایتی“ داناں دے سکے آں۔ ڈاکٹر فقیر دی شاعری دے پس منظر وچ پنجابی شاعری دا ورثہ وی سی تے نویں زمانے وچ پنکرن والی نویں صنف، غزل دے نمونے وی۔ اوہ مولانا حالی دی اصلاحی شاعری تے تنقیدی خیالاں توں وی واقف سن تے اوہناں دے سامنے ڈاکٹر علامہ اقبال دی نظریہ ساز تے بلند آہنگ شاعری وی سی۔ ایسے لئی مولانا ظفر علی خاں نے فرمایا:

”مولانا حالی مرحوم نے جو کام اپنی شہرہ آفاق تصنیف ’مدرس مدو جزر اسلام‘

سے لیا ہے وہی کام ڈاکٹر فقیر نے اپنی کتاب ’مواتے‘ سے لیا ہے۔“ (2)

پنجابی زبان و ادب نوں ڈاکٹر فقیر نے جس خلوص نال نویاں جہتاں دتیاں اوہدا تذکرہ

واضح لفظاں وچ اچ ہويا:

”جس طرح مولانا محمد حسین آزاد اور مولانا حالی نے اردو زبان کو نئی ڈگر پر

لا کر حیات نو بخشی اسی طرح ڈاکٹر فقیر صاحب نے پنجابی کو ایک نئے روپ

سے آشنا کیا۔“ (3)

جناب انور مسعود اپنی اک نظم ”فقیر محمد فقیر تے پنجابی بولی“ دے اک شعر وچ

آکھدے نیں:

تیری ہر اک گل سی بابا پند نصیحت والی

تیرے اندر دونویں ڈٹھے عبدالحق تے حالی (4)

ایہوجہ اے کہ اوہ اپنی شاعری وچ وی کسے نہ کسے معاشرتی مسئلے دی اصلاح دے

چاہوان نظری آؤندے نیں۔ اوہناں دیاں رباعیاں ویکھو:

لاہندے او منہ توں شرم دی کیوں پئے لوئی تھی

آوے جو وچ من دے کرو پئے سوئی تھی

مذہباں دا بچ پا کے پے لڑنا خدا لئی

پہلاں خدا دا مذہب تے دسو کوئی تھی

بھٹھیاں وچ بے گناہ گلے نیں پئے
 اپنے سکے نویں ڈھلے نیں پئے
 بستیاں سڑ کے سواہ ہونیاں فقیر
 مذہب بمباں وانگراں چلے نیں پئے

ظاہر اے ایہہ گلاں اک باشعور تے باکمال بندہ ای کر سکدا اے جو جان دا اے پئی
 مذہب تے انساناں دی سلامتی تے فلاح لئی وجود وچ آئے تے رب ولوں اک تحفہ بن کے
 رسولاں راہیں انسان نوں ودیعت ہوئے پرگھٹ علم والے تے سطحی لوکاں اپنیاں دکان داریاں سجان
 لئی تے اپنی پگ دا شملہ اُچیاں رکھن لئی ایہناں وچوں وی نفرت دے بھانہ بھڑ کشید کر لئے تے معصوم
 لوکاں دے سجرے جذبیاں نوں تلوار بنا کے اک دو بے دے گل کٹوانے شروع کردتے۔

ڈاکٹر فقیر ہوراں دے تجربے تے مشاہدے وچ ویہویں صدی دے اکثر ملکی تے عالمی
 واقعات آئے۔ فرددی ذاتی تے اجتماعی حیاتی وچ ہون والی اتھل پتھل محکوم قوماں وچ آزادی دی
 بیداری، اپنے وطن تے زمین نال محبت تے ایہو جیسے کئی عنصر اے اوہناں دی شخصیت دی تخلیقی
 نسبت نوں بنایا سنواریا تے اوہناں دے سینے وچ دھڑکن والے دل نوں اپنے حقوق تے فرائض
 دا شعور بخشیا۔ 1965ء وچ جدوں ہندوستان تے پاکستان دی جنگ ہوئی تے فقیر دا قلم پاک
 سرزمین لئی تڑپ تڑپ کے اوہدے صدقے واری جان لگ پیتا تے اوہناں ایس جنگ وچ اپنی
 شاعری نال حصہ پایا۔ اوہناں نے ایساں نظماں لکھیاں جیہڑیاں فوج دے نال نال قوم دے وی
 حوصلے بلند کر رہیاں سن۔ اپنی کتاب ”ستاراں دن“ وچ اوہناں ہندو آں دی مکاری تے مکروہ
 چہریاں توں نقاب چکھیا اے۔ ڈاکٹر فقیر دیاں ایہناں قومی نظماں دا اسلوب وی بڑا من کھچواں تے
 دلچسپ اے تے ایہتوں ای اوہناں دا اوہ انداز وی سامنے آؤندا اے جیہدے وچ اوہ اپنی زبان
 پنجابی دی جڑت عربی تے فارسی نال کردے نیں۔

بابائے پنجابی ڈاکٹر فقیر محمد فقیر صرف اک شاعر ای نہیں سن اوہ مرتب، مترجم، ایڈیٹر، محقق،
 مورخ تے نقاد وی سن۔ صرف اوہناں دی شاعری اُتے ای اک جھات مار لئی جاوے تے ایہہ
 اندازہ ہو جاندا اے کہ اوہناں پنجابی وچ خورے ای کسے صنف نوں چھڈیا ہووے۔ سگول بعض
 اجیہیاں صنفاں وچ وی اوہناں دا قلم اپنیاں جولانیاں دکھاندا اے جیہناں دا استعمال ای بڑا گھٹ

ہو یا اے۔ جویں ”دامن“، جنید اکرم اپنے مضمون ”بلبل پنجاب“ وچ ایس بارے لکھدے نیں:

”دامن پنجابی دی اجیہی صنف اے جیہدے تے اچ تک بہت گھٹ شاعران طبع آزمائی کیتی اے۔ اچ تیکر پنجابی وچ صرف تن استاد شاعر اجیہے ملے نیں جیہناں دامن لکھے۔ ایہدے وچ وی عشقیہ قصے نوں نظم کیتا جاندا اے۔ استاد عشق لہر ہوراں حضرت یوسف زلیخا دے عشق دا دامن لکھیا، پیر فضل گجراتی ہوراں سوئی مہینوال دے عشقیہ قصے نوں اپنے دامن دا موضوع بنایا تے ڈاکٹر فقیر ہوراں دو دامن لکھے، اک نعتیہ دامن تے دو جاسی تے پنوں دا دامن، ایہہ سارے دامن منظوم قصہ گوئی دا شاہکار نیں۔“⁽⁵⁾

ساڈی جاچے جس شاعر دے تخلیقی سفر وچ اپنی وسعت ہووے اوہدے ہر کچھ تے علیحدہ علیحدہ غور ہونا چاہیدا اے، پر اچ نہیں ہو یا۔ بقول جنید اکرم ”ڈاکٹر فقیر نوں پنجابی غزل وچ اوہ مقام نہیں دتا گیا جو اوہناں دا حق سی۔“⁽⁶⁾

ایس بارے کیوں غور نہیں کیتا گیا ایہدیاں کئی وجہاں ہو سکدیاں نیں پر اہتھے ایہہ ساڈا موضوع نہیں۔ سگوں ایس مضمون وچ ساڈی ساری توجہ فقیر دی غزل تے ای رہوے گی تے جو کجھ ایس مضمون وچ اسیں کچھ لکھ آئے آں اوس تے اک نظر ماریاں بنا فقیر دی غزل نوں نہیں سمجھیا جاسکدا۔ کیوں جے کسے وی شاعر دے تخلیقی ہنر دا اک مرکزی نقطہ ہوندا اے تے جدوں تاں ایں اوس مرکزی نقطے تیک نہ اپڑیا جاسکے اودوں تاں ایں اوہدے فن نال انصاف نہیں ہو سکدا۔ بھانویں غلام مصطفیٰ بسمل تے حافظ سرشار ہوراں غزل بارے اپنیاں لکھتاں وچ ڈاکٹر فقیر دی غزل نوں سواہرے انداز نال زیر بحث لیاندا اے پر ساڈی جاچے ایہہ غزل ایس توں وی زیادہ توجہ دی مستحق اے۔ اچ لگدا اے جیوں فقیر ہوراں دی من پسند صنف غزل ای سی تے اوہ غزل دی ریت روایت دے چنگے جانوں سن تے ایہدے رمز و ایما والے وصفان نوں پسند کردے سن۔ اوہناں دی اک غزل جیہدی ردیف ”غزل دا“ اے، اچ اے:

آوے نال خیال کسے دے جدوں خیال غزل دا
 حسن جمال کسے دا بن دا حسن جمال غزل دا
 بن کے بھڑک کسے دے رخ دی بھڑکے تاب غزل دی
 زلف سنہری وانگ کسے دی لشکے جال غزل دا

لفظ بن کنناں دے بندے مصرعے ہار گلاں دے
 دین طبیعت دے تاء جس دم سونا ڈھال غزل دا
 ہار پروندیاں جاوَن اکھاں لے پکاں تھیں موتی
 ابلدے دل وچوں اُٹھے جدوں ابال غزل دا
 بن مستانیاں نظراں کردیاں ناچ نشے دیاں تاراں
 دیوے جدوں طبع دا ساقی جام اچھال غزل دا
 نچدا گاؤندا ، وگدا سوماں ٹور رواں غزل دی
 باغ طبع دیاں بنے بہاراں لگ نکال غزل دا
 کابلا پے کے نال اداسی ولوں کدی جے اُٹھے
 جا بہہ درد وچھوڑا کوئی ڈیرا بھال غزل دا
 نکتے غین غزل دے اگے لمکی ”دل“ سہانی
 ویکھے اڈدی زلف غزل دی بیٹھا خال غزل دا
 درد وٹاندے اک دوچے دا راہ ایہہ مٹھ قدیموں
 دل دی محرم حال غزل ، دل محرم حال غزل دا
 نال غزل دے دل پاگل نے خوب نبھائیاں سانجھاں
 ہجر وصال اوہدے دا محرم ہجر وصال غزل دا
 ہین قصیدے حسن اوہدے دے شعر فقیر غزل دے
 رکھے کول کوں نہ تحفہ یار سنبھال غزل دا⁽⁷⁾

اُپر دتی گئی ڈاکٹر فقیر ہوراں دی غزل دراصل غزل دی پوری بوطیقا نوں زیر بحث
 لیاندیاں ساڈے سامنے خود اوہناں دا اپنا نقطہ نظری واضح کردی اے کہ اوہ غزل نوں کئی موثر تے
 اہم شعری صنف سمجھدے سن۔ اوہ چاہندے سن کہ غزل دی اک تعریف زانائیاں نال گلاں کرن
 والی تے دوجی ہرن دی بے بسی وچ نکلی اوہ چیخ ہے جیہڑی درد بھری تے عبرت ناک اے۔ صرف
 ایہناں دوہاں گلاں اُتے ای غور کیتیاں غزل دی وسعت گہرائی تے گیرائی دیاں کجھ حد تک
 اڑیا جاسکدا اے۔ غزل دی زبان بڑی شائستہ تے مہذب ہوندی اے۔ ایہہ انجیہ لفظاں تے
 اکھراں نوں قبول نہیں کردی جیہڑے کھر درے ہون تے جیہناں دی موجودگی وچ گلاں دا حسن

کوچھ وچ بدل جاوے۔ غزل دا لہجہ اداس، غمگین تے رومانی ہوندا اے۔ ایہدے وچ بے بسی وی اے تے امید دیاں نظر آؤندیاں کرناں وی۔ ایہہ وصل دیاں راتاں دا شعور وی بخشدی اے تے ہجر دیاں کلفتاں وی اپنی وگن وچ رکھدی اے پر ایہدے نال ای نال ہر زمانے تے معاشرے وچ آن والیاں فطری تے غیر فطری تبدیلیاں وی بڑے نامعلوم تے غیر محسوس طریقیاں نال غزل دا موضوع بندیاں رہیاں نیں۔ ناقد آکھدے نیں جے ہر عہد اپنے نال نویں مسائل تے نویں موضوع لے کے آندا اے۔ جدوں زمانہ رخ بدلا اے تے ایہدے موضوع وی بدل جاندا اے۔ ہاں لکھن والے تے تخلیق کار ایہدا اثر اپنی اپنی طبیعتاں تے کیفیتاں مطابق لیدے نیں۔ کجھ تخلیق کار نویں محاورے تے نویں مسئلیاں نوں سبج سبھا قبول نہیں کردے تے پرانی ڈگر دے اسیر رہندے نیں پر تھوڑی یاں بہتی تبدیلی اوہناں دے ہاں وی آ ہی جاندی اے۔ لکھن والا کیوں جو ویلے دا نبض شناس ہوندا اے تے عام لوکاں دی نسبت حساس تے باریک بین وی ہوندا اے۔ ایس لئی اوہ دو جیاں دے مقابلے وچ چھیتی ای بدلے تقاضیاں نوں سمجھ لیددا اے تے تبدیلی دے نتیجے وچ سامنے آن والے موضوعات وچ اپنی پسند دے موضوع چن لیددا اے تے ایہناں موضوعات دے نال ای اوہدی زبان اسلوب تے محاورے وچ وی تبدیلی آنی شروع ہو جاندی اے۔ ڈاکٹر فقیر دا شعری سفر نامہ وی کجھ انج دا ای اے جے اوہناں نے بدلے تقاضیاں دی ککھ وچوں جنم لین والے موضوعات نوں اپنی طبیعت تے مزاج مطابق چنیا تے اپنی شاعری دی بوطیقا ترتیب دتی۔ ساڈی جاچے اوہناں دی غزل وی ویلے دیاں بدل دیاں قدراں دے سے وچ سامنے آن والے نویاں تجریاں تے مشاہدیاں دی ای اک شکل اے۔ اوہناں دے عہد وچ کشتہ تے پیر فضل غزل دے حوالے نال اپنا تھاں تے ناں رکھدے سن۔ کشتہ ہوراں فارسی تے اردو غزل دے تجربے تے مشاہدے نوں پنجابی غزل دا حصہ بنایا تے نال ای پنجابی زبان دے سبھا نوں وی مکھ رکھیا۔ پیر فضل نے کشتہ دے چھوہے کم نوں ہوراگانہ ودھایا تے اردو فارسی اثر دے باوجود اوہ ایہنوں پنجابی مزاج دے بالکل نیڑے لے گئے۔ جدوں کہ ڈاکٹر فقیر دے قلم نے پنجابی غزل نوں پنجابی زبان دا تہذیبی نکتہ نقشہ عطا کیتا:

خورے کیوں من متا بندہ کردا منوں وچار نہیں
صدیاں دے سامان نیں اتھے گھڑیاں دا اعتبار نہیں

پرتے بھرویں پور نہ جیہڑے بھری اراروں پار گئے
کیہڑا بندا ٹھٹھا جیہڑا دُبا ادھ وچکار نہیں (8)

باغاں دے کول اے رُخ تند ہواواں دا اے وی
دھڑکو اے بہاراں نوں خزاواں دا اے وی

جوہاں بیلیاں دے وچ ویکھے پھر دے وانگ لٹوراں
ٹوراں موراں نوں بھل گئیاں ویکھ اوہناں دیاں ٹوراں
شکر کراں میں سر میرے احسان چڑھائے یاراں
شکر کراں میں نال میرے نہیں کرنیاں کیتیاں ہوراں (9)

کینیاں گُو نیں اوہدے پیار دیاں اج بھکھاں تساں کیہ دساں
کیہ میتھوں دل دیاں چکھدے او میں دل دیاں دساں کیہ دساں (10)

اُپر دتے شعراں دی زبان تے غور کیتا جاوے تے ایہہ کہتے زیادہ صاف تے پنجابی
محاورے وچ گنھی ہوئی دسدی اے۔ بھانویں ایس زبان راہیں بیان کیتے خیال اک خاص طرح
دی فضا ول اشارہ کردے نیں پر گل عام گل بلبل، شمع پروانہ، زلف، عشوہ، غمزہ توں ذرا اگانہہ دی
اے۔ ایہناں وچ زندگی دی بے اعتباری دا تذکرہ وی اے تے انسان نوں ایس حقیقت بارے
جانکاری وی دے دتی گئی اے۔ ایس شاعری دا استعاراتی نظام فارسی ریت توں ای پیدا ہويا
اے۔ علامتاں تے اشاریاں وچ وی اوہو فضا نظری آؤندی اے پر ہن ایہناں استعاریاں
علامتاں تے اشاریاں دے معنی بدل گئے نیں۔ انداز تے سجاوی اوہو عشق تے محبت والا ہے پر
عاشق تے معشوق، گل تے خار، ہجر تے وصال دے معنی بدل گئے نیں۔ ایہہ استعارے انفرادی
سطح توں اُچیاں ہو کے اجتماعی روپ وچ ڈھل رہے نیں۔ سماجی ناانصافی، معاشرتی عدم توازن،
طبقیاں دی ونڈ، امیر تے غریب، غدار تے مجاہد، انقلابی تے دہشت گرد اپنی اپنی تھانواں توں ہل
کے نویں محل وقوع وچ آگئے نیں۔ ڈاکٹر فقیر دا اک شعر دیکھو:

دل دی وسدی وستی اُجاڑ میری واسی آپ میں کتے سدھار چلے
 رونا دے کے میریاں اکھیاں نوں لے کے دل دا صبر قرار چلے
 ایہہ شعر اودوں دا اے جدوں فقیر کمسن سن تے اوہناں تے والد دی وفات پہاڑ بن کے
 ڈگی سی۔ اپنی ایس من پیاری ہستی دی جدائی نے اوہناں نوں ہجرتے وچھوڑے دے ویہناں وچ
 روٹھ دتا سی۔ ایس سیاق سباق نوں اک پاسے رکھدیاں جے اُپر دتے شعر نوں ویکھیا جاوے تے
 ایہہ اپنیاں کئی پرتاں سامنے لیا وندا اے تے اک انفرادی تجربے نوں اجتماعی مشاہدے وچ بدل
 دیندا اے۔ غزل دے شعر ایسے وصف نال مالا مال ہوندے نیں جتھے اک ذاتی داخلی تجربہ، صرف
 ذاتی نہیں رہندا سگوں ہر پڑھن سُنن والے دے کسے تجربے دی آواز بن کے احساس وچ رس
 بس جاندا اے:

جان آؤن دا گلی اوہناں دی چھڈیا نہ دستور گیا
 جا کے دل مڑ آیا اوہوں آکے مڑ مجبور گیا
 آپ مہاڑے نال اساڈے ہاسے رو سے چلدے رہے
 لنگھیا کدی اوہ ہسدا ہسدا کدی اوہ لنگھدا گھور گیا
 بن گئی راہ دی مٹی سسی ، موڑ مہاڑ نہ آیا اوہ
 نکل تھلاں وچ پنوں بھیڑا خورے کڈی دور گیا⁽¹¹⁾

غزلیہ شاعری دا اک وصف اوہدا تلمیحانہ انداز ہوندا اے۔ کیوں جے شاعر کسے اک
 تاریخی یاں قدیمی واقعے دا پورا مفہوم اک اشارے وچ بیان کر جاندا اے۔ ڈاکٹر فقیر نے اپنی
 شاعری وچ ایس وصف نوں دی خوب ورتیا اے تے اپنی شاعری دیاں معنوی حدوں نوں ہور
 کھلاریا اے:

ایتھوں تیکر کیہ کوئی دسے پہنچ گیا اے کیکر اوہ
 ساڈیاں اکھیاں سامنے سولی تیکر سی منصور گیا
 ایسے غزل دے دو شعر ہور ویکھو:

عشق مچایا بھانہ بھڑ جیہڑا عاشق باجھ بھاندا کون
 جد تک ہوش چ آئے موسیٰ ، تد تیکر سڑ طور گیا

اوسے نور اوڑک چمکائے کالے کوٹ پہاڑاں دے
چاہلی ورھے ہنیریاں غاراں دے وچ جیہڑا نور گیا⁽¹²⁾

غزلیہ شاعری تصوف دے مضموناں نوں بیان کرن دا پورا پورا سلیقہ رکھدی اے تے
ذہین تے باکمال فنکار ایہناں مشکل منزلاں دے تجربے تے مشاہدے نوں بڑی سہولت تے
آسانی نال اپنے شعر وچ پرودیندا اے۔ ڈاکٹر فقیر دی شاعری وچ انج دے شعروں ملدے نیں:

وچھڑے ملاپ توں نہ وچھوڑے ملاپ دے
رہ کے ہمیش نال رہیا اے جدا خدا
کرنا سی انج ظلم کیوں میں آپ جان تے
کہہ کے الست پائی میرے گل بلی خدا⁽¹³⁾

ڈاکٹر فقیر تے پیر فضل بڑے گہرے شاعر ہون دے نال نال بڑے گہرے دوست وی
سن۔ ایہوجہ اے کہ دوواں شاعراں دی غزلیہ شاعری وچ کئی تھاواں تے اکو جیہیاں بھراں تے
زمیناں وچ غزلاں لبھدیاں نیں تے ایس سلسلے وچ باقاعدہ اک عملی اشتراک نظر آؤندا اے۔
دوواں شاعراں دے کلام نوں آمنے سامنے رکھ کے پڑھیاں بعض موضوعات تے وی اکو جیسے شعر
نظر آؤندے نیں پر دوواں شاعراں دی پرواز تے انداز دا گھیرا دکھو دکھرا اے۔ دونوں شاعر
پنجابی دے مہان تے محسن نیں۔ دوواں نے پنجابی ادب دی ترویج تے ترقی لئی دن رات کم کیتا
تے آج اوہناں ای بزرگاں دا بالیا ہو یا ایہہ دیوا آسمان تے چن وانگ چمک کے اپنی چاننی دکھیر
رہیا اے۔ آخر وچ ڈاکٹر فقیر دی اک خوبصورت غزل دے کجھ شعر ویکھو:

کیتا سی کدی پیار بڑی دیر دی گل اے
دو اکھیاں سن چار بڑی دیر دی گل اے
آیا سی بہاراں تے کدی باغ جوانی
کھڑیا سی ایہہ گلزار بڑی دیر دی گل اے
بجلی دی نری لشک سی اک اکھ دی شوخی
اک نظر سی تلوار بڑی دیر دی گل اے

اوہ دسدی اے خالی پرایہ اوہوای اے گردن
 اک بانہہ سی جیہدا ہار، بڑی دیر دی گل اے
 شاماں توں فجر تیکراں رہندا سی وچ اکھاں
 اک چن دا پروار بڑی دیر دی گل اے
 تھاں تھاں نیں فقیراج میرے فقر دے چرپے
 ہے سہاں میں گناہگار بڑی دیر دی گل اے⁽¹⁴⁾

O

حوالے

- 1- مولانا بخش کشتیہ: پنجابی شاعراں دا تذکرہ؛ عزیز پبلشرز، لاہور 1988ء ص 459
- 2- تعارف مواتے از مولانا ظفر علی خان 1969ء
- 3- ارشد میر: مہر و ماہ، یادگار فقیر مدیر ابو الطاہر فدا حسین فدا
- 4- ڈاکٹر فقیر محمد فقیر: دیوے تھلے؛ مرتب۔ جنید اکرم، بزم فقیر، لاہور 1997ء ص 14
- 5- جنید اکرم: مضمون مطبوعہ ”لہراں“، ڈاکٹر فقیر محمد فقیر نمبر، جون 2000ء
- 6- ایضاً
- 7- فقیر محمد فقیر: سوہل، ملوک کلیاں؛ سنگ میل پبلی کیشنز، لاہور 2000ء ص 41
- 8- ایضاً ص 35
- 9- ایضاً ص 57
- 10- ایضاً ص 55
- 11- ایضاً ص 52
- 12- ایضاً ص 53
- 13- ایضاً ص 19
- 14- ایضاً ص 87

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June. 2012, pp 19-37

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

ڈاکٹر اسلم رانا: حیاتی تے لکھتاں

☆ ڈاکٹر عاصمہ قادری

Abstract

Dr. Aslam Rana is the famous Punjabi writer. His claim to fame is research and poetic work. He has been teaching Punjabi language and literature at Punjab University. His role promotion in the Punjabi language is matchless. This article deals with his life and his literary contribution in Punjabi language.

پنجاب دی سدا سہاگن دھرتی اُتے انسانی وسیب دی تاریخ اونی ای پرانی اے جی کہ دھرتی دی اپنی تاریخ اے۔ نیلی باردا علاقہ پرانے سمیاں توں انسانی تہذیب، تمدن تے ثقافت دا گڑھ رہیا اے۔ وہاڑی شہرنوں نیلی باروچ اک خاص اہمیت حاصل اے۔ ”وہاڑی“ لفظ بارے کلیم شہزاد ہوراں نے غلام رسول انصاری دے حوالے نال لکھیا اے:

”چونکہ پرانے زمانے میں بستیوں کا محل وقوع تجویز کرتے وقت پانی کی موجودگی اولین اہمیت رکھتی تھی اور ندی نالوں کی گزرگاہوں کے قریب پانی

☆ اسٹنٹ پروفیسر شعبہ پنجابی، پنجاب یونیورسٹی اوری اینٹل کالج، لاہور

کم گہرائی پر پایا جاتا تھا اور شیریں ہوتا تھا چنانچہ ان برساتی نالوں کے قریب کئی بستیاں آباد ہوئیں جو لفظ ”ویاہ“ کی نسبت سے ”ویاڑی“ اور پھر ہوتے ہوتے ”وہاڑی“ کہلایا۔ اس علاقے میں اس نام کی کئی بستیاں مثلاً ”وہاڑی سموراں والی“ اور ”وہاڑی ملاں والی“ وغیرہ ہیں۔ وہاڑی دراصل ”وہاڑی لڑکیاں والی“ نام کی ایک معمولی بستی تھی جو اس جگہ آباد تھی جہاں آج کل اسلامیہ ہائی سکول واقع ہے۔ رفتہ رفتہ اس لہجے کا تخصیصی حصہ ”لڑکیاں والی“ کثرت استعمال سے حذف ہو گیا اور اس پرانی بستی کی جگہ جو اب ناپید ہو چکی ہے نئی آباد ہونے والی بستی صرف ”وہاڑی“ کہلائی۔“ (1)

وہاڑی شہر جیہڑا اُن صدر مقام وی اے تے ایہدی تاریخ تے اپنی پرانی نہیں۔ کلیم شہزاد ہوراں دے آکھن موجب:

”22۔ اکتوبر 1956ء نوں میونسپل کمیٹی دا درجہ دتا گیا۔“ (2)

ایہہ قصبہ یکم جولائی 1976ء نوں ضلع دا درجہ اختیار کر گیا تے بورے والا، میلسی تے وہاڑی تحصیلاں ایس دی ذیل وچ آؤندیاں نیں۔ وہاڑی دے علاقہ نوں ایہہ مان حاصل اے کہ برصغیر پاک و ہند دے عظیم صوفی حضرت حاجی شیر محمدؒ (چاولی مشائخ) ہوراں دا جسد مبارک ایسے علاقے وچ دفن اے تے ایہتوں ای علم تے روحانیت دا پہلا چائن برصغیر پاک و ہند وچ کھنڈیا۔ ایس مزار مبارک اُتے حضرت بہاؤ الدین زکریاؒ ملتان تے حضرت بابا فرید الدین مسعود گنج شکرؒ ورگے عظیم ولی اللہ تے انسان دوست وی حاضری دیندے رہے نیں۔ بابا فرید نوں تاں نیلی بار دا ایہہ علاقہ بہت پسند سی تے ایہو کارن اے کہ اوہناں نے دلی تے ملتان ورگے شہراں نوں چھڈ کے استھہ ٹھکانا کیتا تے آکھیا جاندا اے کہ نیلی بار دے کئی قبیلے اوہناں دے ہتھ اُتے ای مسلمان ہوئے۔ بابا فریدؒ ہوریں پنجابی زبان دے موڈھی شاعر وی نیں تے ایس طرح ایس علاقے دی ادبی حوالے نال وی اہمیت ثابت ہوندی اے۔ جتھوں تیکر عسکری روایتاں دا تعلق اے تاں وہاڑی دے وسنیکاں نے آزادی مگروں اپنے سوہنے دیس لئی کئی انملیاں قربانیاں دتیاں نیں۔ میجر طفیل محمد شہید (نشان حیدر)، کیپٹن ظفر اقبال شہید (تمغہ جرأت)، میجر تیمور علی

شہید، محمد رمضان شہید (ستارہ حرب) وغیرہ نے اپنی جانوں کو نذرانے دے کے دیس دے تقدس دا بھرم رکھیا اے۔ وہاڑی دا علاقہ سیاسی سماجی اہمیت، ادبی تے ثقافتی مانتا، علمی ادبی روایت تے جرأت بہادری دی علامت دا روپ وٹا کے پنجاب دی تاریخ اندر زندہ استعارے دی شکل وچ تابندہ اے۔

پنجابی زبان تے ادب دے اُچے تے سچے پارکھ، نویکلے کہانی کار، شاعر تے ادب دے عظیم استاد ڈاکٹر اسلم رانا ہوراں دا ساٹکا ایس دھرتی دے غیور تے آنکھی راجپوت قبیلے نال سی۔ ایس خاندان دیاں عظمتاں تے بہادری دے کارنامے برصغیر پاک و ہند دی تاریخ دے ورقیاں اُتے کھلے ہوئے نیں۔ ڈاکٹر اسلم رانا ہوراں دا تعلق راجپوتاں دے پنوار نامی قبیلے نال سی جو راجا جگدے سنگھ دی اولاد سی۔⁽³⁾ اج ایس گل دا کھڑ اپنا تاں کوئی سوکھالی گل نہیں کہ راجپوتاں دی پنوار گوت کدوں اپنے مرکز راجپوتانہ توں پنجاب دے میدانی علاقیاں وچ آن وی، پر ایس خاندان دیاں زبانی روایتاں مطابق ایہہ قبیلہ چراں توں قطبی والا تحصیل نکودر ضلع جالندھر دا واسی سی۔ ڈاکٹر اسلم رانا ہوراں دی بھین صدیقہ اقبال ہوراں دے آکھن موجب:

”ہمارے دادا اور دادی قطبی والا گاؤں میں ہی پیدا ہوئے اور وہیں وفات

پائی۔ پاکستان بننے سے پہلے ان کا پیشہ ملازمت تھا۔ دادا کا نام عبدالرحمن

تھا اور دادی کا نام نوران بی بی تھا۔“⁽⁴⁾

ڈاکٹر اسلم رانا ہوراں دے والد ماجد رانا خیرات اللہ وی ایسے پنڈ وچ جمے اوہناں نے میٹرک تیکر تعلیم حاصل کیتی تے ایہدے مگروں محکمہ مال وچ پٹواری ہو گئے۔ رانا خیرات اللہ ہوراں دا ویاہ رشیدہ بیگم ہوراں نال ہویا تے اوہناں دیاں دو دھیاں تے اک پتر سی۔ سب توں وڈی صاحبزادی رفیقہ بیگم تے فیر صدیقہ بیگم تے پتر داناں محمد اسلم رانا سی۔

رفیقہ بیگم ہوریں قصبہ گگو تحصیل بورے والا ضلع وہاڑی رہندے نیں تے اوہناں دے چار پتر نیں جیہناں دے ناں ترتیب وار انج نیں: شاہد، عمران، عرفان تے عدنان۔ صدیقہ بیگم ہوریں راولپنڈی رہندے نیں تے اوہناں دے دو پتر تے اک دھی اے۔ اوہناں دے وڈے پتر داناں خرم، نکلے داناں منعم تے دھی داناں سمیرا اے۔

ڈاکٹر اسلم رانا ہوریں 18 اگست 1941ء نوں قطبی والا، تحصیل نکودر ضلع جالندھر وچ

پیدا ہوئے۔⁽⁵⁾ ”ضلع وہاڑی“ دے لکھاری کلیم شہزاد نے اوہناں دی تاریخ پیدائش 18 اگست 1947ء لکھی اے۔⁽⁶⁾ اساڈی جاچے اوہناں دا جمن ورہا ایس لکھاری نے درست نہیں لکھیا۔ اوہناں دے مڈل سکول والے سرٹیفکیٹ تے ہائی سکول دی سند اُتے جمن ورہا 18 اگست 1941ء ای لکھیا ہویا اے۔ اوہ اے جے چھ ورہیاں دے ای سن کہ برصغیر پاک و ہند دی ونڈ ہوگئی تے 14 اگست 1947ء نوں دنیا دے نقشے اُتے پاکستان اک عظیم اسلامی مملکت دے طور تے اُبھریا۔ دیس دی ونڈ ویلے آبادی دا تبادلہ ہویا تے نال ای پنجاب دی دھرتی اُتے اجیہا خونی کھیل کھیڈیا گیا جیہدی مثال انسانی تاریخ وچ نہیں ملدی۔ وسدے گھرانے اُجڑ پجڑ گئے، دھیاں دی عصمت دی راکھی لئی اپنیاں ہکاں ڈاہ کے عزتاں دے راکھے، رل وسدیاں دیاں تیراں، باناں کرپاناں نال چھلنی ہو کے جام شہادت نوش کردے رہے تے لکھاں لاشاں دے ڈھیر تے خون دیاں ندیاں تر دا ایہہ قافلہ مشرقی پنجاب توں پاکستان دی پوتر دھرتی ول ٹر پیا۔ ایس قافلے وچ جالندھر دے پنوار خاندان دا اک نکا جیہا سہیا ہویا بال محمد اسلم رانا وی شامل سی۔ چھ ورہیاں دے بال نے جدوں اپنیاں اکھاں اگے لکھاں لاشاں ویکھیاں ہون گیاں تے اوہ دے دل اُتے کیہ بیتی ہووے گی۔ ایس قتل و غارت وچ ڈاکٹر اسلم رانا دے خاندان دے کئی جی وی شہید ہوئے۔ اسلم رانا ہوراں نے اپنیاں نوں کرپاناں اُتے پروتا ویکھیا تے خوف دی اک لہر ہمیش لئی اوہناں دی شخصیت دا حصہ بن گئی۔ پاکستان اپڑن مگروں اسلم رانا ہوراں دے والد رانا خیرات اللہ ہوراں 365/E-B تحصیل بورے والا، ضلع وہاڑی وچ آن ڈیرے لائے تے ایسے پنڈ وچ ای اوہناں نوں زمین الاٹ ہوئی۔ اتھے آ کے اوہ دوبارہ پٹواری لگ گئے:

”پاکستان آ کے والد صاحب قصبہ قبولہ وچ پٹواری لگ گئے۔ ایہہ وسوں

عارف والا دے نیڑے وے۔“⁽⁷⁾

اسلم رانا ہوریں اے نکی عمرے ای سن جدوں قسمت نے اک ہور دُکھ اوہناں دی جھولی وچ پادتا تے اوہناں کولوں ماں ورگی عظیم ہستی کھوہ لئی۔ والد صاحب نے دوجا ویاہ کر لیا تے دوجی ماں اوہ پیار نہ دے سکی جیہڑا ایس بال دا حق بن داسی۔ اسلم رانا ہوراں نے اپنا بچپن اپنی پھوپھی ”فاطمہ بی بی“ کول لنگھایا۔ شریف کنجاہی ہوراں دے ناں اک چٹھی راہیں اپنے بچپن بارے دسدے نیں:

”میں نے زندگی میں بہت دکھ اٹھائے ہیں، بڑے صدمے برداشت کیے ہیں نہ ماں کی ممتا، نہ باپ کی شفقت، نہ کوئی اور پیار نصیب ہوا۔ بچپن ہی سے کرب کے سمندر میں دھکیل دیا گیا۔“ (8)

نکی عمرے ماں دی ممتا توں محروم ہون نال اسلم رانا ہوراں دی شخصیت وچ اک خلا پیدا ہو گیا۔ ایہہ خلا پُر ہو جاندا جے باپ دی پوری توجہ لہدی:

”ماں دے بارے گل کردیاں جذباتی ہو جاندا سن۔ روندے نہیں سن پر اوہناں دیاں اکھاں وچ اُداسی آ جاندی سی۔“ (9)

اسلم رانا ہوراں نے پرائمری تعلیم 349/E-B دے پرائمری سکول توں حاصل کیتی۔ چھویں توں اٹھویں تیکر اپنے پنڈ دے نواحی قصبے گگو وچ پڑھدے رہے۔ اوہناں مڈل دا امتحان اینگلو ورنیکلر امیدوار دی حیثیت نال 1956ء وچ پاس کیتا۔⁽¹⁰⁾ ایس سارے عرصے وچ اوہ پنڈ تے قصبے دے سکولاں دے ہاسٹلاں وچ رہندے رہے، جتھے کوئی زیادہ سہولتاں وی میسر نہیں ہونداں۔ گھر دے حالات بارے اپنے آپ ساری گل کھل جاندی اے۔ اسلم رانا ہوراں نے بال پن توں ای تہائی نوں اپنا ساتھی بنا لیا۔ اوہ کیہڑی کیہڑی محرومی دا شکار نہ ہوئے ہوں گے جدوں گھروں خرچ وی گھٹ آوے تے چھٹیاں وچ وی کلیاں ہاسٹل وچ رہنا پووے۔ اوہ بال تے اودوں ای نامکمل رہ جاندا اے جدوں کوئی اوہدے چاء کرن والا تے اڑیاں منن والا نہ ہووے۔ ایس طرح تہائی، ڈر، خوف تے وہم اسلم رانا ہوراں دے نال ای جوان ہوئے۔ اک چٹھی وچ اسلم رانا شریف کنجاہی ہوراں نوں لکھیا:

”جب بچے روئیں تو انہیں ایک پناہ گاہ ایسی میسر آتی ہے جس میں داخل ہو کر سارے دکھ اور غم مٹ جاتے ہیں یعنی ماں کی گود یا پھر سہارا بنتی ہے باپ کی شفقت۔ مجھے یہ دونوں میسر نہ آئے ماں مر چکی تھی اور باپ، اس کا سایہ شفقت سوتیلی والدہ کے سائے میں مدغم ہو چکا، تھا اس طرح بے شمار محرومیاں اور ان گنت نامرادیاں تو بچپن ہی میں مقدر بن گئیں۔“ (11)

اسلم رانا ہوریں ستویں جماعت وچ گگو منڈی (تخصیل بور یوالہ) ہائی سکول وچ داخل ہوئے تے اوتھوں ای میٹرک کیتا۔ اودوں اوہ دس میل دا فاصلہ روز طے کردے سن۔ 4 سال

تک سائیکل تے سوار ہو کے سکول جاندے رہے۔ اوہناں میٹرک دا امتحان 1958ء وچ پاس کیتا۔⁽¹²⁾ شام نوں 365/E-B دے گراؤنڈ وچ والی بال تے فٹ بال کھیڈ دے سن۔⁽¹³⁾ کالج داخلہ لیا پر والد صاحب دی بیماری پاروں تعلیم جاری نہ رکھ سکے والد صاحب دی جی جان نال تیمارداری کیتی پر صدمات دے اک نہ مکن والے سلسلے وچ ایہہ صدمہ وی شامل ہو گیا جے والد صاحب وی ایس دنیا توں مکھ موڑ گئے۔ اوس ویلے اسلم رانا ہوراں دی عمر 18 سال سی۔ بقول اسلم رانا:

”میرے والد نے کبھی مجھے گلے نہیں لگایا، کبھی شفقت سے گود میں نہ بٹھایا، کبھی بلائیں نہ لیں، میری پیشانی ترستی رہی کہ اس پر کبھی ان کے لبوں کا لمس محسوس ہو۔“⁽¹⁴⁾

والد صاحب دی وفات مگروں سوتیلی والدہ نے خرچہ دینا بند کر دتا تے اسلم رانا ہوریں پنڈ چھڈ کے لاہور آ گئے۔ اک دو ملازمتاں کیتیاں فیر بورڈ آف ریونیو وچ کلرک بھرتی ہو گئے۔ اوتھے ای اردو ادب دے معروف نقاد ریاض احمد ہوراں نال ملاقات ہوئی۔ حیاتی وچ کجھ سکون آیا تے تعلیم دا ٹیٹا ہو یا سلسلہ فیر جڑیا۔ پنجابی فاضل 1961ء وچ کیتا، پرائیویٹ ایف۔ اے دا امتحان 1971ء وچ پاس کیتا، بی۔ اے 1973ء وچ تے ایم۔ اے پنجابی پنجاب یونیورسٹی توں 1975ء وچ کیتا۔ لاہور لاء کالج توں ایل ایل بی دا امتحان 1978ء وچ پاس کیتا۔⁽¹⁵⁾ اسلم رانا ہوراں نے کجھ اخباراں وچ وی کم کیتا ”روزنامہ سیاست“ وچ 70ء، 71ء وچ ”لاہوریاں“ دے عنوان نال کالم لکھدے رہے۔ حنیف رائے ”نصرت“ تے ”مساوات“ کڈھدے سن تے اسلم رانا شام نوں بلا معاوضہ اوتھے کم کردے سن۔ انگریزی توں اردو افسانیاں دا ترجمہ کردے سن۔ اسلم رانا نے کئی مکاں دی سیر کیتی، جیویں بلغاریہ، جرمنی، ترکی تے ایران گئے۔ یورپ دا سفر وی کیتا۔ سماجی تے معاشرتی انقلاب لیان لئی کجھ تحریکاں نال وابستہ رہے۔ پوری دیانت داری نال کم کردے رہے تے ایس گل تے خوش سن کہ اے دنیا وچ کجھ لوگ انصاف، مساوات، رواداری، امن تے پیار نوں قائم رکھن والے موجود نیں، پر جدوں اوہناں لوکاں دی منافقت دا پردہ چاک ہو یا تے بڑے دکھی ہوئے۔ پنجاب یونیورسٹی وچ عارضی لیکچرر دے طور تے 4۔ اپریل 1977ء توں کلاساں پڑھانیاں شروع کیتیاں تے ایسے سے ای

LLB وی کیتا۔

علم تے ادب نال لگاؤ اوہناں نوں سکول دے زمانے توں ای سی۔ ”تصدیق“ دے دیباچے وچ لکھدے نیں:

”مجھے لکھنے کا شوق ضرور تھا۔ سکول کے زمانے میں بے ڈھنگی نظمیں اور کالج کے ابتدائی مراحل میں بے ہنگم افسانے لکھتا تھا۔ میٹرک میں جب میرا پہلا مضمون لاہور کے ایک رسالے ”مسلم راجپوت“ میں چھپا تو میں کئی راتیں سو نہیں سکا تھا۔ پھر جب سکول کی الوداعی پارٹی میں ایک نظم پر ہیڈ ماسٹر نے دس روپے انعام اور ایک قلم تحفے میں دیا تھا تو میں دوسرے ہم جماعتوں سے ذرا الگ الگ پھرنے لگا تھا۔ لیکن جب میں نے لاہور میں اپنا پہلا افسانہ لکھ کر ریاض احمد کی خدمت میں برائے اصلاح پیش کیا تو اس میں کالی سیاہی کی عبارت کم کیا نہ ہونے کے برابر تھی اور سرخ سیاہی کی اصلاح ہی اصلاح نظر آ رہی تھی۔ میں بڑا نادم ہوا تھا کہ میرا زعم ریت کی دیوار ثابت ہوا اور یہی حال میرے پہلے مضمون کا بھی ہوا تھا۔ لیکن میرے تیسرے افسانے اور دوسرے مضمون میں سرخ نشان خال ہی نظر آیا اور اسی طرح انہوں نے ہی اصل میں میرے ہاتھوں میں قلم تھائی۔ مجھے اردو اور انگریزی افسانوں کے بہترین مجموعے اور چوٹی کے ملکی اور غیر ملکی ناول پڑھنے کی ترغیب دی۔ مشہور اور رجحان ساز مشرقی اور مغربی نفاذوں کی کتابیں پڑھنے کی جوت جگائی اور اس طرح مجھ میں کچھ ٹوٹا پھوٹا لکھنے کی سکت پیدا ہوئی۔“⁽¹⁶⁾

جدوں تنویر ظہور ہوراں پنجابی رسالہ ”سانجھاں“ کڈھیا تے اسلم رانا ہوراں پہلے شمارے وچ ”اُچے برج لہور دے“ ناں نال کالم لکھنا شروع کیتا۔ ایہہ اسلم رانا ہوراں دی پہلی پنجابی تحریر سی۔⁽¹⁷⁾ اسلم رانا 5 فروری 1979ء نوں پنجاب یونیورسٹی شعبہ پنجابی وچ مستقل لیکچرر ہو گئے۔ 14 اپریل 1987ء نوں اسٹنٹ پروفیسر مقرر ہوئے تے 14 اپریل 1991ء توں 21 جون 1996ء تک ایسوسی ایٹ پروفیسر دے عہدے تے رہے۔ ایس توں پہلے اوہ کچھ عرصہ شعبہ پنجابی دے

چیمز مین وی رہے۔ اوہ سول سروسز اکیڈمی وچ وزنگ لیکچرر 1980ء وچ بنے۔ اسلم رانا ہوراں جدوں درس و تدریس دا پیشہ اپنایا تے بطور استاد اک ایہو جیہا عملی نمونہ پیش کیتا کہ شاگرداں دے دلاں وچ گھر کر لیا۔ اوہناں دے شاگرد ڈاکٹر ناہید شاہد ہوریں دسدے نیں:

”نہ صرف کلاس روم وچ بہت اچھا پڑھاندے سن بلکہ اوہ ہمہ وقت استاد سن۔ سماجی، سیاسی یا تعلیمی مسئلے توں علاوہ کوئی دیگر مسئلہ ہونا گھر یلو یا نجی تے اسیں رانا صاحب نال بغیر کسے خوف دے ڈسکس کر لینا۔“ (18)

اسلم رانا اپنے استادوں وچ پروفیسر شریف کنجاہی ہوراں دے بوہتا نیڑے سن۔ باپ دے پیار دا پرچھانواں اوہ شریف کنجاہی ہوراں وچ لہدے سن۔ اک ہور ہستی جیہدے نال رانا صاحب نوں بڑی عقیدت سی اوہ شعبہ فارسی دے چیمز مین ڈاکٹر بشیر حسین سن۔ ڈاکٹر بشیر حسین دے نال بڑی محبت کردے سن اوہناں دی وفات نے دل تے ڈاھڈا اثر کیتا۔ شریف کنجاہی ہوراں دی موجودگی نے ایس دُکھ نوں گھٹ کیتا۔ شریف کنجاہی ہوراں دے ناں اک چٹھی وچ لکھدے نیں:

”آپ کا دم میرے لئے ایسے ہی ہے جیسے مرتے انسان کے لئے آکسیجن کا ٹیٹ ہوتا ہے اگر آپ کا سہارا نہ ہوتا تو یقین مانیئے گا کہ لاہور میں کچھ بھی ہمارا نہ ہوتا۔“ (19)

اسلم رانا نے اپنا تخلیقی سفر اک کہانی کار دی حیثیت نال شروع کیتا فیر شاعری ول وی دھیان دتا پر اوہ اپنی پچھان کہانی کار دے طور تے کروانا چاہندے سن۔ تنقید لکھنی شروع کیتی تے اوہناں دیاں لکھیاں کتاباں نوں انعام ملے۔ کلاسیکی شاعری اُتے تنقیدی کتاباں لکھیاں گئیاں پر جدید شعراء تے جنی بھروسے تنقید اسلم رانا ہوراں نے لکھی اوہ کسے ہور دے حصے وچ نہیں آئی۔ اسلم رانا دی حیاتی اُتے اک اچاویں جیہی نظر ماریئے تے غماں تے محرومیاں دی تیز دھپ وچ اک سڑدا بلدا بال دسدالے۔ جیہڑا اہے بالین دی عمر وچ سی کہ اوہدے کولوں ماں جیہی ٹھنڈی چھاں کھس گئی۔ اہے شعور دی پہلی پوڑی نہیں سی چڑھیا جے پیو اکلا چھڈ گیا۔ پنڈتوں لاہور شہر آئے تے ایس شہر نے اوہناں نوں نکلی عمرے ای وڈے وڈے تجربیاں توں لنگھا دتا پر اوہ پیر پیر اگے ودھدے رہے۔ اک ڈر، خوف، وہم، احساس کمتری تے بزدلی دے مارے ہوئے شخص نے کیہ

دُکھڑے پھولنے نہیں۔ حیاتی وچ لہمن والے سارے دُکھاں تے محرومیاں نوں اپنے اندرای
دُفن کردے رہے تے حیاتی سٹردی بلدی روہی بن گئی۔ رنگاں بھری کائنات اوہناں لئی بے رنگ
ہو گئی۔ شریف کنجاہی ہوراں نوں لکھدے نیں:

” میں نے زندگی میں بہت دُکھ اُٹھائے ہیں۔ بچپن ہی سے کرب کے
سمندر میں دھکیل دیا گیا اور پھر زندگی نے اور معاشرے نے فٹ بال کی
طرح اپنے پاؤں کے آگے رکھ لیا اور آج تک جب اس کی ٹاکیاں اور
ٹانگے اکھڑ گئے ہیں ابھی تک زمانے کی ٹھوکروں کی زد میں ہوں۔“ (20)

پنجابی زبان و ادب نال اوہناں دا بڑا ڈونگھا رشتہ سی۔ اک کامیاب استاد سن۔ یونیورسٹی
آف لندن دے سکول آف اورینٹل اینڈ افریکن سٹڈیز دے سربراہ پروفیسر ڈاکٹر سی شیکل نال
خط و کتابت سی۔ کسے فقہی یا فروعی مسلک یا ذات پات دے حوالے نال طلباء وچ تفریق نہیں سن
کردے۔ دو جیاں دے دُکھاں نوں وی اپنی جھولی پالین والا انسان اندروں چھتتی کمزور ہو جاندا
اے۔ اوہناں دا دل وی کئی سالاں توں دُکھ سا نبھ رہیا سی۔ اخیر کدوں تیک، تقریباً 3 ورھے
پہلاں ایس دل نے الارم دجا دتا سی کہ ہن اوہدے اندر کوئی تھان خالی نہیں رہی مزید دُکھاں
لئی۔ اک ہلکا جیہا ہارٹ اٹیک ہو یا سی تے نال ای 6 مہینے بعد فالج دا اٹیک ہو یا۔ ڈاکٹر دا کہنا
سی کہ کسے قسم دا دباؤ دماغ تے نہیں ہونا چاہیدا۔ 20 جون 1996ء نوں پنجابی سال اول دا پرچہ
سی طبیعت ٹھیک نہ ہون دے باوجود کالج آگئے۔ پرچے بارے فکر مند سن نظر صحیح کم نہیں سی کر
رہی۔ کجھ دیہاڑے پہلاں ای دوبارہ ہارٹ اٹیک ہو یا سی۔ چھٹیاں لے کے پنڈ چلے گئے۔
اوسے رات اُلٹی آئی تے حالت بوہتی خراب ہو گئی۔ ڈاکٹر نے آکھیا لاہور لے جاؤ پر ہسپتال
اڑن توں پہلاں ای روح دا پنچھی اُڈاری مار گیا۔ ایہہ 21 جون 1996ء سی جتھے آکے تاریخ
کھلو گئی تے اسلم رانا اپنے دُکھاں سمیت ایس دنیا توں تڑ گئے۔ پنجابی ادب اپنے اک سچے
عاشق توں محروم ہو گیا۔ پروفیسر شریف کنجاہی ہوریں لکھدے نیں:

” میں ضرور اک ایسی بندے دی سنگت توں محروم ہو گیاں جس دی مینوں
اک طرح دی Addiction ہو گئی سی تے لہور سچ تاں ایہہ دے بے اوس
بوٹے وانگ لگدا اے جس دا اکوای پھل وی کھوہ لیا گیا ہووے۔“ (21)

ڈاکٹر اسلم رانا دی یاد وچ تعزیتی جلسے تے اکٹھ ہوندے رہے۔ جیہناں توں اندازہ لایا جاسکدا اے کہ اوہ چپ چپینا کلم کلا بندہ اپنے متراں وچ کنا من پسندی۔ ڈاکٹر اسلم رانا اک محبوب استاد سن۔ ساریاں نال سانجھا پیار کردے سن، چڑاسی توں لے کے پڑھیاراں تیکر تے استادان توں لے کے متراں تک جو وی اوہناں دے نیڑے آیا ہوو نیڑے ہوندا لگا گیا۔ پروفیسر سہیل احمد خاں نے رانا صاحب دی وفات تے افسوس کردیاں آکھیا:

”سانوں سٹے ضمیراں نال روون دی بجائے مونہہ چھپا کے رونا چاہیدا اے
کہ اک انسان ہوو مر گیا اے۔“ (22)

اوہناں دی حیاتی اتے فن دے حوالے نال پی ایچ۔ ڈی دی سطح تے مقالہ لکھوان دا آہروی کیتا گیا، جیہڑا امیدوار دی عدم دلچسپی پاروں ویلے سر مکمل نہ ہو سکیا۔

لکھتاں

ڈاکٹر اسلم رانا ہوویریں ساری حیاتی حرفاں نال ای کھیڈدے رہے۔ اوہ حرفاں دے بنے ہوئے سن تے حرفاں نال ای ٹٹ جاندے سن۔ ایس کائنات وچ جے کوئی اوہناں دا ساتھی، ہمدرد، دوست، یار، بیلی سی تاں اوہ اوہناں دا علم تے کتاباں سن۔ معاشی اوکڑاں دے باوجود اوہناں دا تعلیم حاصل کرنا ایس گل دی گواہی دیندا اے کہ اوہناں نوں علم نال پیار بچپن توں ای سی۔ ڈاکٹر اسلم رانا دی اپنی لکھی ہوئی فہرست مطابق اپریل 1995ء تک 132 مضمون اوہناں نے مختلف رسالیاں وچ لکھے جیہڑے اردو تے پنجابی دے اعلیٰ معیار دے رسالیاں وچ چھپدے رہے۔ کجھ اہم رسالیاں وچوں ”سانجھاں“، ”رچناب“، ”سورج مکھی“، ”لوک رنگ“، ”اقراء“، ”قرطاس“، ”پنجابی زبان“، ”ماہ نو“، ”بادبان“، ”لہراں“، ”شام و سحر“، ”لکھاری“، ”لشکارے“، ”پنجابی ادبی سانجھ“، ”اورینٹل کالج میگزین“، ”ماہنامہ ”جھوک“، ”ماہنامہ ”تخلیق“، ”جنرل آف ریسرچ سوسائٹی آف پاکستان“، ”جدید ادب“، ”Sunrise“، ہفت روزہ ”چٹان“، ”شاخ ادب“ تے سہ ماہی ”ادبیات“ تے مجلہ ”کھوج“ شامل نیں۔

علم و ادب نال اوہناں دا تعلق آخری ساہواں تیکر رہیا اوہ آخری مضمون افضل احسن رندھاوا بارے لکھ رہے سن، جیہڑا مکمل نہ ہو سکیا۔ اوہناں نے پنجابی کہانیاں وی لکھیاں سگواں اوہ تاں اپنا تعارف اک کہانی کار دے حوالے نال ای کرواندے سن۔ شعبہ پنجابی وچ لیکچرر لگ گئے تے فیر پورا دھیان طالب علماں ول دتا۔ ایم۔ اے دی سطح اُتے اوہناں دی نگرانی وچ ہوون والے تحقیقی مقالیاں دی فہرست کجھ انج اے:

صفحہ	سال	عنوان
128	1984	1- ضلع اوکاڑہ دے پنجابی لکھاری
182	1984	2- پاکستانی پنجابی ناول نگاری، تنقیدی جائزہ
360	1985	3- پاکستانی پنجابی افسانہ، تاریخ تے تجزیہ
212	1987	4- پاکستانی پنجابی غزل، تاریخ تے تجزیہ
304	1987	5- پاکستانی پنجابی نظم، تاریخ تے تجزیہ
141	1988	6- پنجابی ادب وچ سفر نامے دی روایت
248	1988	7- ضلع جھنگ دی پنجابی شاعری
145	1989	8- سچل سرمست: حیاتی تے پنجابی/سرائیکی شاعری
186	1990	9- مولوی محمد مسلم: حیاتی فکر تے فن
302	1990	10- ڈاکٹر رشید انور: حیاتی فکر تے فن
325	1990	11- قیوم نظر: حیاتی تے ادبی خدمات
241	1991	12- مولوی عبدالستار: شخصیت تے شاعری
372	1991	13- ضلع سرگودھا دے پنجابی شاعر
377	1991	14- اقتدار واجد: حیاتی فکر تے فن
283	1993	15- اختر کاشمیری: شخصیت فن تے فکر

پی ایچ۔ ڈی دے جیہڑے مقالات ڈاکٹر اسلم رانا دی نگرانی وچ ہوئے اوہناں دی ترتیب انج اے:

- 1- پنجابی زبان وچ اسلامی تبلیغی ادب 1988 306
- 2- وارث شاہ تے اوہدی ”ہیر“ دے کرداراں 1991 752
- تے اوہناں دے نکائیاں دا تحقیقی جائزہ

تیجا مقالہ ”دائم اقبال دائم..... جان پچھان تے علمی ادبی کارنامے“ اُتے اوہ کم کروا رہے سن پر قدرت نے اوہناں نوں بوہتی و بہل نہ دتی۔ بعد وچ شاہد کاشمیری ہوراں دا ایہہ تحقیقی کم ڈاکٹر عصمت اللہ زاہد ہوراں دی نگرانی وچ مکمل ہويا۔ ڈاکٹر اسلم رانا ہوراں دیاں علمی تے ادبی کاوشاں دا دائرہ بہت وسیع اے۔ اوہ اردو تے پنجابی دے سچے پارکھ، پنجابی کہانی کار تے مقبول استاد سن تے اوہناں نے ہر کھیت وچ اپنیاں صلاحیتاں دا لوہا منوایا پر اوہناں دے اندر اک شاعر وی چھپیا سی، جیہنوں علمی، ادبی، ثقافتی تے تدریسی رجھویاں پاروں باہر آون دی و بہل نہ ملی۔ ڈاکٹر اسلم رانا ہوراں اپنیاں نظماں تے دو جیاں شعری تخلیقاں رسالیاں وچ وی کدی نہیں چھپوائیاں سن۔ خورے اوہ شعر کہن دا ذوق پورا کر رہے ہون پر 1984ء وچ اوہناں دی شاعری دی پہلی کتاب ”تپدی تریل“ چھاپے چڑھی تے ایہدے مگروں وی شعری تخلیق دا عمل جاری رہیا۔ اسیں اتھے اوہناں دیاں اردو تے پنجابی تخلیقی، تنقیدی تے درسی کتاباں بارے جانکاری دیندے آں:

الف: پنجابی کتاباں

-i شاعری

-1 تپدی تریل:

ایہہ اوہناں دی پنجابی شاعری دی پہلی کتاب اے جیہڑی 1984ء وچ تلاش پہلی کیشنز لاہور ولوں پہلی واری چھپی۔ ایہدا دیباچہ منیر نیازی نے ”نفی اثبات دی شاعری“ دے عنوان نال لکھیا۔ ایہہ پنجابی نظماں دا مجموعہ اے۔ ایہدا انتساب ”ڈاکٹر بشیر حسین (مرحوم) دے ناں اے تے کتاب دے 168ء صفحے نیں۔ پاکستان رائٹرز گلڈ ولوں ایس کتاب نوں 1984ء دی بہترین کتاب ہون تے ایوارڈ ملیا۔

2- ساون سُننے:

پنجابی نظماں دی دوجی کتاب 'ساون سُننے' پولیمر پہلی کیشنز لاہور ولوں 1990ء وچ چھپی ایہدے 152 صفحے نیں تے دیباچہ ریاض احمد ہوراں 'اسلم دی شاعری' دے ناں نال لکھیا۔ کتاب داسر ورق تنویر مرشد نے بنایا اے۔

-ii تنقیدی

1- رنگ سنگ:

ایہہ جدید پنجابی ادب بارے تنقید دی کتاب اے تے نیلی بار اکیڈمی لاہور ولوں 1978ء وچ پہلی وار چھپی۔ پہلے ایڈیشن دے صفحاں دی تعداد 184 سی۔ ایس کتاب نوں پاکستان رائٹرز گلڈ ولوں 1978ء وچ بہترین کتاب دا ایوارڈ دتا گیا۔ ایہہ کتاب پنجاب یونیورسٹی لاہور دے ایم۔اے پنجابی دے نصاب وچ شامل اے۔ 'رنگ سنگ' C.S.S دے نصاب وچ وی شامل رہی اے۔ دو جا ایڈیشن اپریل 1984ء وچ عزیز پہلی کیشنز لاہور نے چھاپیا۔ تیجا ایڈیشن 1987ء وچ تے اضافہ شدہ آخری ایڈیشن 1991ء وچ آیا۔ اخیر لے ایڈیشن دے صفحاں دی تعداد 222 اے۔

2- یار فرید:

نیلی بار اکیڈمی لاہور ولوں 1978ء وچ چھپی۔ صفحاں دی تعداد 112 اے۔ ایہہ خواجہ غلام فرید دی شاعری بارے تنقیدی کتاب اے۔

3- ادب کہانی:

ایہہ نظری تنقید دی کتاب اے۔ جیہدے وچ تنقید دے مغربی تے مشرقی رویاں نوں زیر بحث لیاندا گیا اے۔ نیلی بار اکیڈمی لاہور ولوں ایہہ کتاب اپریل 1979ء وچ چھپی۔ ایہدے 120 صفحے نیں۔

4- نوک پلک:

نوک پلک وچ جدید پنجابی شاعری دا تنقیدی جائزہ لیا گیا اے تے 192 صفحاں دی ایہہ کتاب 1981ء وچ ضیائے ادب لاہور ولوں چھاپی گئی۔ ایس کتاب نوں پاکستان رائٹرز گلڈ ولوں 81-82ء دی بہترین کتاب ہون دا ایوارڈ دتا گیا۔

5- رمزروایت:

ڈاکٹر اسلم رانا دی ایہہ انعام یافتہ کتاب اے۔ ایہہ انعام مسعود کھدر پوش ٹرسٹ ولوں رمزروایت نوں 1986ء وچ ”پنجابی کھوج“ دی سب توں ودھیا کتاب ہون تے دتا گیا۔ عزیز پبلشرز لاہور ولوں جولائی 1988ء وچ چھپی، صفحیاں دی تعداد 304 اے۔ ایہہ موضوع صوفیانہ پنجابی شاعری دا تحقیقی تے تنقیدی مطالعہ اے۔

6- پرکھ پریت:

”پاکستانی پنجابی ادبی پرھیا لاہور“ ولوں ستمبر 1988ء وچ چھپی۔ ایہہ 144 صفحے نیں۔ ایہہ موضوع جدید پنجابی شاعری دا تجزیاتی مطالعہ اے۔

7- تخن خزینے:

پنجابی لکھاریاں دے احوال و آثار اُتے ایہہ کتاب 1988ء وچ عظیم اکیڈمی لاہور ولوں چھپی۔ ایہہ 204 صفحے نیں۔

8- سرد سوچاں:

عزیز پبلشرز لاہور ولوں 1987ء وچ چھاپے چڑھی۔ 144 صفحیاں دی ایس کتاب وچ جدید پنجابی شاعراں دا تحقیقی تے تنقیدی مطالعہ اے۔

9- سانجھ سویر:

ایس کتاب دا موضوع جدید تر پنجابی شاعری دا تنقیدی مطالعہ اے۔ ضیائے ادب لاہور ولوں 1989ء وچ چھپی تے 152 صفحے نیں۔

10- حرف حقیقت:

قدیم تے جدید پنجابی شعر و نثر دا تحقیقی تے تنقیدی جائزہ اے۔ 1989ء وچ عظیم اکیڈمی لاہور ولوں شائع کیتی گئی تے صفحیاں دی تعداد 352 اے۔

11- سچل سرمست:

عزیز پبلشرز لاہور ولوں 1989ء وچ چھپی۔ 128 صفحیاں دی ایس کتاب وچ سچل سرمست دے احوال و آثار تے اوہناں دی منتخب شاعری دا معروضی مطالعہ اے۔

-iii- ترتیب تے تدوین

ڈاکٹر اسلم رانا نے بہت ساریاں کتاباں ترتیب دتیاں تے نصابی لوڑاں نوں مکھ رکھ کے کتاباں لکھیاں جیہڑیاں طالب علماں لئی بڑیاں مفید ثابت ہوئیاں۔ درسی تے نصابی کتاباں دی ترتیب انج اے:

1- چونواں پنجابی ادب:

بی۔اے دے نصاب لئی ایہہ کتاب ڈاکٹر اسلم رانا ہوراں نے ہور لکھاریاں نال رل کے ترتیب دتی۔ ایس کتاب دا پہلا ایڈیشن 1981ء وچ سامنے آیا۔ ہن تک ایہدے کئی ایڈیشن چھپ چکے نیں۔ چھاپن ہارتاج بک ڈپولا ہور اے۔

2- تنقیدی وچار:

بی۔اے دے پرچہ ب، لئی ایہہ کتاب 1981ء وچ تاج بک ڈپولا ہور ولوں چھاپے چڑھی۔ ایہدا موضوع عملی تے نظری تنقید اے تے ایہہ کتاب وی اوہناں ہور لکھاریاں نال مل کے ترتیب دتی۔

3- ادبی مہکاں:

بی۔اے وچ آپشنل مضمون دے طور تے پنجابی نصاب دی ایہہ کتاب مرتب کیتی تے ایہدے وچ 1947ء توں 1979ء تیکر دے پنجابی ادب دا چونواں انتخاب اے۔ ایہہ کتاب وی 1981ء وچ تاج بک ڈپولا ہور ولوں چھپی۔ صفحاں دی تعداد 112 اے۔

4- پھل پھلواڑی:

ایہہ ایف۔اے دے نصاب دی مکمل شرح اے تے 1986ء وچ عزیز پبلشرز لاہور ولوں چھپی۔ ایہدے 638 صفحے نیں۔ قدیم تے جدید پنجابی شعر و ادب دی شرح تے مصنفین دے احوال نیں۔

5- ادب خزینے:

ادب خزینے حصہ اول، دوم انٹرمیڈیٹ دی نصابی کتاب اے۔ جیہڑی پنجاب ٹیکسٹ بک بورڈ لئی ڈاکٹر اختر جعفری تے ڈاکٹر عصمت اللہ زاہد نال مل کے 1994ء وچ مرتب کیتی گئی۔ پہلا حصہ

152 صفحات دا اے تے دو جے حصے دے صفحے 136 نیں۔ ہن تک ایہہ کتاب نصاب دا حصہ اے۔

6- سسی ہاشم شاہ (مرتب):

عزیز پبلشرز والیاں نے 1988ء وچ چھاپی۔

7- اہیات باہو (مرتب):

حضرت سلطان باہو دے کلام نوں ترتیب دتا اے۔ عزیز پبلشرز نے 1988ء وچ چھاپی۔

8- مرزا صاحبان پیلو:

ایس کتاب دی ترتیب و تہذیب وی ڈاکٹر اسلم رانا نے کیتی تے 1989ء وچ عزیز پبلشرز لاہور ولوں چھپی۔ ایہدے 56 صفحے نیں۔

9- انتخاب کافیاں (خواجہ غلام فرید):

ایہہ کتاب 1992ء وچ عزیز پبلشرز ولوں چھپ کے سامنے آئی۔ خواجہ غلام فرید دیاں کافیاں دا انتخاب اے۔ ترتیب و تہذیب ڈاکٹر اسلم رانا نے کیتی ایہدے 110 صفحے نیں۔

10- اوڑک ہوندی لو (مرتب):

ایہہ شریف کجاہی ہوراں دیاں جدید پنجابی نظماں تے غزلاں دا مجموعہ اے تے ایہدے چھاپن ہار پولیمر پبلی کیشنز لاہور نیں تے چھپن ورہا 1995ء اے۔ کتاب دے کل صفحے 164 نیں۔

11- اکھیاں دے پرچھاویں (مرتب):

الطاف قریشی دیاں نظماں دا مجموعہ اے۔ تدوین، تعارف تے مقدمہ ڈاکٹر اسلم رانا نے لکھیا اے۔ عزیز پبلشرز ولوں 1992ء وچ چھپی۔ 136 صفحے نیں۔

iv- نظر ثانی

1- ادبی نکھار:

بی۔ اے دے نصاب دی مکمل شرح عظیم اکیڈمی لاہور نے 1990ء وچ چھاپی۔
صفحیاں دی تعداد 728 اے۔

2- رنگ ریت:

عزیز پبلشرز لاہور ولوں 1986ء وچ 152 صفحات دی ایہہ کتاب چھپی۔ جدید پنجابی شعر و ادب دی شرح اے۔ ڈاکٹر اسلم رانا نے نظر ثانی کیتی اے۔

3- ساڈی سوہنی دھرتی:

مصنف سميع اللہ قریشی نیں۔ 1981ء وچ عزیز پبلشرز لاہور ولوں چھپی۔ ایہدے
62 صفحے نیں۔

ب: اردو کتاباں

☆ درد کی چھاؤں میرا گاؤں:

ڈاکٹر اسلم رانا دیاں اردو نظماں دا مجموعہ اے۔ پولیمر پبلی کیشنز لاہور ولوں 1992ء
وچ چھپ کے سامنے آیا۔ ایہدے 180 صفحے نیں۔ ایس کتاب دا دیباچہ ذوالفقار احمد تالیش
نے لکھیا اے۔

ترتیب تے تدوین

1- آداب الطالبین:

ایس دے مترجم ڈاکٹر محمد بشیر حسین (مرحوم) تے جمع و تدوین ڈاکٹر اسلم رانا نے کیتی
پروگریسو بکس لاہور ولوں 1984ء وچ چھپی ایہدے وچ رموز طریقت تے صوفیانہ مسائل و
احوال بارے فارسی توں مختلف رساں دا حوالہ اے۔

2- سوانح حیات مہر محمد صوبہ:

1980ء وچ ایہہ کتاب عرفانی پبلشرز لاہور ولوں چھپی۔ 82 صفحیاں دی ایس کتاب
وچ مہر محمد صوبہ دے احوال و آثار درج نیں۔

3- دریاب:

ریاض احمد ہوراں دے اردو ادب تے شعرا تے تنقیدی مضامین دا مجموعہ جیہوں ڈاکٹر
اسلم رانا نے ترتیب دتا اے۔ پولیمر پبلی کیشنز لاہور ولوں 1986ء وچ چھپی تے ایہدے 204
صفحے نیں۔

4- تنقیدی مسائل:

ریاض احمد ہوراں دی ایہہ کتاب وی ڈاکٹر اسلم رانا نے ترتیب دتی اے۔ 1991ء
وچ پولیمر پبلی کیشنز لاہور ولوں چھپی تے موضوع اردو ادب تے تنقیدی مضمون نیں۔ 168

صفحیاں دی ایس کتاب دے دو ایڈیشن چھپ چکے نیں۔

5- تصدیق:

ایہہ ریاض احمد ہوراں دے اردو شعر و ادب بارے تنقیدی مضموناں دا مجموعہ اے۔
جیہنوں ڈاکٹر اسلم رانا ہوراں ترتیب دتا اے۔ پولیمر پبلی کیشنز لاہور ولوں 1994ء وچ چھپی تے
ایہدے 240 صفحے نیں۔ ڈاکٹر اسلم رانا نے ایہدے مقدمہ وی لکھیا اے۔

6- دہان زخم:

ریاض احمد دا شعری مجموعہ اے ایہدے مرتب اسلم رانا ہوریں نیں تے اوہناں دا لکھیا
مقدمہ وی کتاب وچ شامل اے۔ ایہدے وچ اردو نظماں تے غزلاں نیں۔ ایہہ کتاب ضیائے
ادب ولوں 1983ء وچ چھپی تے ایہدے 192 صفحے نیں۔



حوالے

- 1- کلیم شہزاد: ضلع وہاڑی؛ پاکستان پنجابی ادبی بورڈ لاہور، 1994ء ص 113
- 2- ایضاً ص 114
- 3- چٹھی: عمران اصغر (بھانجھا ڈاکٹر اسلم رانا) 23 فروری 1997ء
- 4- گل بات: صدیقہ اقبال (بھین ڈاکٹر اسلم رانا) 4 ستمبر 1997ء
- 5- سند ٹڈل سکول امتحان
- 6- کلیم شہزاد: ضلع وہاڑی؛ ص 454
- 7- گل بات: صدیقہ اقبال 12 اگست 1997ء
- 8- چٹھی: ڈاکٹر اسلم رانا، شریف کنجاہی دے ناں یکم جولائی 1994ء
- 9- گل بات: ڈاکٹر ناہید شاہد 26 مئی 1997ء
- 10- رزلٹ کارڈ ٹڈل
- 11- چٹھی شریف کنجاہی دے ناں یکم جولائی 1994ء
- 12- میٹرک دی سند
- 13- گل بات: صدیقہ اقبال 12 اگست 1997ء
- 14- چٹھی: ڈاکٹر اسلم رانا، شریف کنجاہی دے ناں یکم جولائی 1994ء
- 15- بی-اے، ایم-اے تے ایل-ایل-بی دی ڈگری
- 16- ریاض احمد: تصدیق؛ دیباچہ ڈاکٹر اسلم رانا، پولیمر پبلیکیشنز لاہور، مئی 1994ء ص 20
- 17- تنویر ظہور: سانجھاں؛ سانجھاں پبلیکیشنز، 9 اے شاہ عالم مارکیٹ لاہور، مارچ 1976ء
- ص 67-74
- 18- گل بات: ڈاکٹر ناہید شاہد 26 مئی 1997ء
- 19- چٹھی: ڈاکٹر اسلم رانا، شریف کنجاہی دے ناں 26 جنوری 1994ء
- 20- ایضاً 24 جنوری 1993ء
- 21- شریف کنجاہی: اداس گلاب؛ مجلہ شرق، اورینٹل کالج لاہور، 96-1995ء ص 236
- 22- گل بات: پروفیسر سہیل احمد خان (مرحوم)

آدمیاں دا عشق محبت قول قرار زبانی
اچرک توڑی نال نبھاہو ، جاں جاں نویں جوانی
میاں محمد بخش

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June, 2012, pp 39-56

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

فلمی دنیا دا اک گمنام شاعر گلزار خلیل

☆ پروفیسر ڈاکٹر عصمت اللہ زاہد

Abstract

Composing song is an art. Punjabi language is replete with folk songs. Wing to complicated technicalities of song, only an expert poet can compose it. Gulzar Khalid is an eminent filmi songs writer of the past, who has penned many songs. This article deals with his life and his literary contributions as a filmi writer.

پنجابی زبان، تہذیب تے ثقافت نوں زندہ رکھن وچ جتنے بہت سارے شاعران، ادیبان، نقاداں تے محققاں نے اپنا اپنا کردار ادا کیتا اے او تھے ساڈیاں پنجابی فلماں ایس کم وچ قابل قدر تے اہم حصہ لیا اے پرایہ بڑی عجیب گل اے کہ پنجابی فلمی لٹریچر نوں اج تیکر پنجابی ادب دانہ تے حصہ سمجھیا گیا اے تے نہ ای ایس پاسے سنجیدگی نال غور کیتا گیا اے کہ ایس


☆ چیئرمین شعبہ پنجابی، پنجاب یونیورسٹی اورینٹل کالج، لاہور

اپنیاں فلماں دیاں کہانیاں جاندار مکالمے، من کچھویں گیت تے نغمیاں نوں کیہڑے کھاتے وچ پا سکنے آں۔ حالانکہ ایہہ سارا کجھ او سے طرح ساڈی زندگی دا حصہ اے جس طرح ادب دیاں مختلف صفاں تے ادبیاں دیاں کاوشاں ساڈی حیاتی دے رویے بنان وچ اہم کردار ادا کردیاں نیں۔ ایس نوں اج تک ادبی حوالے نال شاید ایس لئی نہیں پرکھیا گیا کہ ایہہ سارا کجھ اک خاص منصوبہ بندی تے مقصدیت دے تحت شعوری طور تے وجود وچ آؤندا اے۔ جدوں کہ ادب خاص طور تے شاعری (تخلیق) وچ منصوبہ بندی دا زیادا دخل نہیں ہوندا سگوں اوہ اپنے آپ تخلیق ہوندی اے تے اوہدے وچ شاعر دا تخیل پوری طرح آزاد ہوندا اے پر ذرا غور کر کے دیکھئے تے ہر شاعر دے تحت الشعور وچ ایسے حالات یاں اثرات ضرور ہوندے نیں جیہڑے اوس نوں کوئی ادب پارا تخلیق کرن اُتے مجبور کردے نیں تے انج اوہدی تخلیق اوہناں حالات دا عمل یاں رد عمل ہوندی اے۔ ایس طرح اک لحاظ نال اوہدی تخلیق دی تہہ وچ وی کوئی نہ کوئی مقصدیت ضروری چھپی ہوندی اے پر ایہہ مقصدیت کیوں جے اوس طرح واضح تے عام نہیں ہوندی جس طرح کسے ڈرامے یاں فلمی کہانی دی ہوندی اے۔ شاید ایہو وجہ اے کہ اج تک ادب دے نقاد تے محقق فلمی کہانیاں تے گیتاں نوں ادب دا حصہ قرار دیندیاں ہوئیاں ہچکچاہٹ محسوس کردے چلے آ رہے نیں۔ حالانکہ فلمی کہانیاں تے فلمی گیتاں نوں تخلیق کرن والیاں وچ اپنے عہد دے ہمیشہ نامور تے زرخیز ذہناں دے شاعر ادیب شامل رہے نیں۔ ایہہ کنی حیران کن حقیقت اے کہ جدوں ایہہ شاعر یاں ادیب ادبی مخطلاں وچ ہون تے ہر کوئی اوہناں نوں اکھاں تے بٹھاندا اے تے جدوں ایہہ فلمی دنیا دا رخ کردے نیں تے ادبی حلقیاں وچوں ایہہ گمنام ہو جاندا اے تے ایہہ گمنامی بعض ویلے شاعر نوں ہمیشہ لئی گمنام کر کے رکھ ہوندی اے۔ چنانچہ فلمی دنیا دے بہت سارے شاعر ایسے نیں جیہڑے کدی لوکاں دے دلاں دی دھڑکن سن تے اوہناں دے ورھیاں پرانے گیت اج وی روحاں وچ سکون تے جذبیاں وچ ہلچل پیدا کر دیندے نیں پر ادبی تاریخ دے ورقتے اوہناں بارے چُپ ساڈھی بیٹھے نیں۔ زیادہ دُور جان دی لوڑ نہیں، کچھلی دہائی اُتے ای نظر مار لو کہنے اوہ نامور فلمی شاعر اج ساڈے وچ موجود نہیں جیہڑے فلمی دنیا دے حوالے نال پچھانے جاندا سن پر اج کسے نوں اوہناں دا ناں تک یاد نہیں۔ حالانکہ فلمی دنیا توں ہٹ کے وی اوہناں کول بے شمار گیت، نظماں تے غزلاں موجود سن

پراہہ زمانے دی ناقدری دے ہتھوں لوکاں دی پچھان وچ نہیں رہے۔ گلزار خلیل وی ایجیے زرخیز ذہن رکھن والے شاعراں وچوں اک سن، جیہڑے اک عرصہ تک فلمی دنیا دے معروف شاعر دے طور تے زندہ رہے پر اچ اوہناں بارے گل بات کرن والے اصولوں گھٹ نیں۔ ساڈی ایہہ خوش قسمتی اے کہ اوہناں دے پڑ، بھتیجے تے کجھ یار دوست موجود نیں۔ ایہناں مہرباناں دی یادداشت تے تعاون دے سہارے ایہہ مقالہ مکمل کیتا جا رہیا اے۔

اصل ناں تے خاندانی پچھوکڑ

گلزار خلیل ہوراں دا اصل ناں گلزار احمد سی تے ادبی حوالے نال اپنا ناں گلزار خلیل لکھدے سن۔ گلزار خلیل 26 اگست 1935ء نوں لاہور وچ چودھری سردار محمد ہوراں دے گھر محلہ کھائی پانی والا تالاب وچ اوس جگہ پیدا ہوئے جتھے اجکل سٹی سینما اے۔⁽¹⁾ آپ راجپوت قوم دے چشم چراغ سن۔⁽²⁾ ایہناں دے وڈ وڈیرے سہارنپور دے رہن والے سن۔ ایہناں دے بزرگاں وچوں میاں قطب الدین سہارنپورتوں ہجرت کر کے 1800ء وچ امرتسر آ گئے تے مڑ ایتھے دے ای ہو کے رہ گئے۔⁽³⁾ ایہناں دا شجرانسیب انج دسیا جاندا اے:



تعلیم، جوانی تے روزگار

گلزار خلیل ہوراں جدوں شعور سنبھالیا اوس ویلے آزادی دی تحریک زور پھڑ رہی سی۔ ہر پاسے انگریزاں دے خلاف جلسے جلوس تے ہنگامے ہوندے سن۔ سیاسی افراتفری تے غیر یقینی حالات وچ مسلمان بالاں دا تعلیم حاصل کرن لئی باقاعدگی نال سکولاں تے مدرسیاں وچ جانا ایڈا سوکھا نہیں سی۔ اُنج وی مسلمان ہر قیمت اُتے انگریزاں کولوں آزادی تے ہندو دے ظلم توں نجات حاصل کرن لئی دن رات اک کمیٹی بیٹھے سن۔ ایجیے حالات وچ گلزار خلیل اپنی تعلیم جاری نہ رکھ سکے۔ اُنج اوہ گھر وچ اپنے طور تے اپنے والد صاحب کولوں کجھ نہ کجھ ضرور پڑھدے رہے پر جدوں پاکستان دنیا دے نقشے اُتے اک آزاد تے خود مختار مملکت دے روپ وچ اُبھریا تے فیروہناں نے سٹی مسلم ہائی سکول شاہ عالمی لاہور وچ داخلہ لے لیا تے 1960ء وچ ایسے ای سکول توں میٹرک دا امتحان تھرڈ ڈویژن وچ پاس کیتا۔⁽⁴⁾

شروع شروع وچ اوہناں نے اپنے والد دے نال ہتھ وٹان لئی خرا د مشین دا کم وی کیتا۔⁽⁵⁾ اوہ دن نوں اپنے والد دے نال کم کردے تے پچھلے پہر پڑھن لئی جان دے سن۔ ایس طرح اوہناں نے اپنی ذاتی ہمت تے کوشش نال بعد وچ ایف۔اے تک تعلیم مکمل کیتی۔⁽⁶⁾ ایس توں بعد گھر دیاں ذمے واریاں نے تعلیم دا سلسلہ جاری رکھن دی اجازت نہ دتی تے اوہناں نے اپنے پھپھیا حاجی غلام محمد کولوں خرا د مشین تے فٹر دا کم سکھ لیا تے کوئی چھٹی ورھے اوہناں دے نال ای ایہہ کم کردے رہے۔⁽⁷⁾

گلزار خلیل اُچے لمے قد تے اکھرے بدن دے مالک سن۔ رنگ گندمی، ہلکیاں چھجاں، پینٹ شرٹ تے ہلکے کریم رنگ دی شلوار قمیض اوہناں دا من پسند لباس سی۔ بڑے ہنس مکھ، نیک ورتارا رکھن والے، سادا طبیعت انسان سن۔ چنے چاول تے ماہہ چھولیاں دی دال تے قورما زیادہ پسند کردے سن۔⁽⁸⁾

مشغلے

گلزار خلیل بنیادی طور تے شریف طبع تے محنتی انسان سن۔ کم کار دے نال نال کھیڈاں نال وی واہوا دلچسپی رکھدے سن۔ سافٹ بال اوہناں دا من پسند کھیڈ سی۔ پاکستان بنن توں بعد پہلی وار لاہور وچ سافٹ بال دی کھیڈ متعارف کروان لئی جیہڑی ٹیم بنائی گئی

اودے کھڑا ریاں وچ گلزار خلیل وی شامل سن۔ ایس ٹیم دے مقامی کوچ لالہ ماسٹر سن جیہڑے اوس ویلے چٹی مسجد اندرون بھائی رہندے سن بعد وچ اوہ گلبرگ منتقل ہو گئے۔ ایہناں دے نال نال ایس کھیڈ دے کجھ انگریز کھڈاری لاہور بلائے گئے جیہناں نے پاکستانی ٹیم دی تربیت دا فرض وی ادا کیتا۔ ٹریننگ مکمل ہون توں بعد پاکستانی ٹیم دا پہلا باقاعدہ میچ امریکی ٹیم نال ہويا۔ امریکی ٹیم وچ اوہ سارے کھڈاری شامل سن جیہڑے بنیادی طور تے پاکستانی ٹیم دی تربیت لئی آئے سن پر عجیب گل ایہہ ہوئی کہ پاکستانی ٹیم نے امریکی ٹیم نوں بڑے اعلیٰ طریقے نال ہرا دتا۔ ایہہ میچ لاہور وچ 1961ء نوں ہويا۔ بے شمار تماشاکیاں نے ایہہ میچ تکیا۔ مغربی پاکستان سافٹ بال چیمپین شپ جتن دے موقعے تے مہمان خصوصی جنرل محمد موسیٰ خاں ہوراں گلزار خلیل ہوراں نوں ٹرائی، سٹوفکیٹ تے اک سرخ ٹائی وی دتی جیہدے اُتے جنرل محمد موسیٰ خاں ہوراں دے دستخط سن۔ ایہہ انعامات گلزار خلیل ہوراں دے بالاں کول محفوظ نیں۔ سافٹ بال توں وکھ علاقے دے سماجی کماں وچ وی اوہ ودھ چڑھ کے حصہ لیندے سن۔⁽⁹⁾

شادی

گلزار خلیل ہوراں دی شادی 1964ء وچ اوہناں دی پھپھی زاد عزیز بیگم نال کریم پارک لاہور وچ ہوئی۔ جیہدے وچ اوہناں دے کھڈاری، شاعر تے فلمی دنیا دے نامور ستاریاں شرکت کیتی۔ اللہ تعالیٰ نے اوہناں نوں چار پتر تے تن دھیاں توں نوازا۔

شاعری دی ابتداء

گلزار خلیل ہوراں دے خاندان وچ اُنج تے کوئی شاعر نہیں سی جیہدے توں متاثر ہو کے اوہناں نے شعر کہنے شروع کیتے ہون پر شعر پڑھن تے گنگنات دا شوق شروع توں سی۔ شاید ایسے عمل نے اوہناں دے اندر دے سستے ہوئے شاعرنوں اک دن انگڑائی لے کے بیدار ہون اُتے مجبور کر دتا تے اُنج تیرھاں چودھاں ورھے دی عمر وچ شعر کہن لگ پئے۔ پہلے پہل اوہناں اک غزل کہی جیہد اک شعر ایہہ سی:

میں دکھیاری، غماں دی ماری، پنڈ وچ پھردی وانگ سوداکیاں
سانول جھڑیاں لایاں لیراں، مار دتا دکھاں دیاں تیراں⁽¹⁰⁾

بعد وچ اوہ انڈیا دے معروف شاعر نکلیل لدھیانوی ہوراں دے شاگرد ہوئے تے اوہناں کولوں
خط پتر راہیں اپنے شعراں اُتے اصلاح لیندے رہے۔

فلمی دنیا نال تعلق تے فلمی شاعری

گلزار خلیل ہوراں تیرھاں چودھاں ورھے دی عمر توں شاعری شروع کر دتی سی تے
1960ء وچ جدوں اوہناں میٹرک دا امتحان پاس کیتا اوس ویلے اوہناں دی عمر کوئی 25 ورھے
دی سی۔ ایس دوران اوہ نکلیل لدھیانوی ہوراں کولوں اصلاح وی لیندے رہے سن۔ ایس لئی دس
بارھاں سال دی ریاضت توں بعد اپنے اندر بڑے جاندار گیت تے نظماں کہن دی صلاحیت
پیدا کر چکے سن۔ اوس سسے دے معروف فلمساز میاں عبداللہ دے پتر تے جانی پچھانی فلم سٹار
فردوس دے بھرا میاں صفدر حسین ایہناں دے کلاس فیلوسن۔ اوہناں نے گلزار خلیل ہوراں دیاں
شاعرانہ صلاحیتاں نوں ویکھدیاں ہویاں ایہناں نوں اپنے والد میاں عبداللہ نال ملایا تے انج
گلزار خلیل فلمی دنیا دے شاعر بن گئے۔

گلزار خلیل ہوراں پہلی وار فلم ’زن‘، ’زرتے زمین‘ لئی تن گانے لکھے۔ ایہہ فلم 1970ء
وچ شروع ہوئی تے 1973ء وچ مکمل ہوئی۔ ایہدے فلمساز تے موسیقار فیروز نظامی سن۔ ایہہ
عالباً ایہناں دی آخری فلم سی ایس توں بعد فیروز نظامی اللہ نوں پیارے ہو گئے سن۔ ایس فلم
دے ہدایتکار عارف نظامی، پیش کار یوسف رشید، مصنف تنویر کاظمی، شاعر گلزار خلیل، خواجہ پرویز
امین چودھری، جہانگیر چودھری تے افتخار شاہد سن۔ جدوں کہ ستارے سدھیر، فردوس، زمرہ، مسعود
اختر، فضل محمود، ناصرہ، عطیہ اشرف، راجا ریاض، گلریز، منور ظریف، علی اعجاز، چُن چُن، اسد
بخاری تے مظہر شاہ سن۔⁽¹²⁾ شاہ نور سٹوڈیوز وچ بنن والی ایف آر پروڈکشنز دی پیشکش ’’زن
, زرتے زمین‘‘ لئی گلزار خلیل ہوراں دا لکھیا پہلا گیت 3 اگست 1970ء نوں تصور خانم دی آواز
وچ ریکارڈ ہویا۔⁽¹³⁾ جیہدے ابتدائی بول ایہہ سن:

میںوں کسے دانہ ڈر

تیرے نال لاکے دل بڑا پچھتانی آں

سمجھ نہ آوے تینوں بڑا سمجھانی آں

تینوں کہندے میرے مین
 نہیوں تیرے بنا چین
 وے میں آئی آں ایہو تینوں کہن لئی وے
 مینوں کسے دانہ ڈر

گلزار خلیل ہوراں دا دو جا گیت وی ایہناں ای دنوں وچ مالا دی آواز وچ ریکارڈ ہويا
 جیہدا مکھڑ ایہہ سی:

ڈولے جوانی بچنا، ڈولے جوانی بچنا
 تیریاں راہواں وچ، تیریاں چاہواں وچ
 ڈولے جوانی بچنا!

ادھناں دا تیجا گیت 5 دسمبر 1970ء نوں مالا نے اپنی آواز وچ ریکارڈ کروایا۔⁽¹⁴⁾
 جیہدے مڈھلے بول ایہہ سن:

پہلی واری نال پیار دے سوہنے مینوں تکیا اے
 پیار میرے نے لڈیاں پائیاں میرا انگ انگ نچیا اے
 ایس توں بعد گلزار خلیل ہوراں فلم ”جگ والا میلا“ لئی گیت لکھے۔ ایس فلم دی ابتداء
 باری سٹوڈیو لاہور وچ 21 جون 1970ء نوں ہوئی۔⁽¹⁵⁾ ایہدے فلمساز صفدر حسین، پرویز ملک،
 مصنف ذکی بی اے، شاعر خواجہ پرویز، گلزار خلیل، موسیقار طافو، افتخار خاں، ظفر یوسف تے
 ستارے فردوس، اعجاز، زمرہ، اسد بخاری، الیاس کشمیری، سلمی، ممتاز، منور ظریف، خلیفہ نذیر،
 سیماں، رضیہ، نگو، طاہرہ، مینا چودھری، فضل حق، گلریز، نعیم انور، نجم اقبال تے نعیم یوسف
 سن۔⁽¹⁶⁾ ایہہ فردوس دی ذاتی فلم سی۔ ایہدے لئی گلزار خلیل ہوراں دا پہلا گیت 14 جون
 1970ء نوں طافو دی موسیقی تے مالا دی آواز وچ ریکارڈ ہويا۔ مکھڑ ایہہ سی:⁽¹⁷⁾

دل نال دل وٹا لے سوہنیا
 اج مینوں اپنا بنا لے سوہنیا

ایسے فلم دا دو جا گیت 15 اکتوبر 1970ء نوں مالا دی آواز تے ظفر یوسف دی موسیقی
 وچ ریکارڈ ہويا۔ شروع دے بول سن:

نہ توں ڈنڈیاں گھڑائیاں

نہ توں جھانجراں پوائیاں

بہہ کے باجرے دی راکھی اساں کیہ کھٹیا (18)

خلیل گلزار ہوراں دیاں ڈانڑیاں توں پتا چلدا اے کہ اوہناں نے اک ادھ اردو فلم لئی وی گیت لکھے جیویں فلم ”میرا دل تیرا غم“ لئی اوہناں نے دو گیت ریکارڈ کروائے۔ عبداللہ فلمز کارپوریشن لاہور دی ایہہ فلم بڑے زور شور نال بنی شروع ہوئی۔ ایہدی کہانی تے مکالمے ایم۔ آر رضا دے سن۔ جدوں کہ ستاریاں وچ فردوس، محمد علی، زیبا، حنیف، آزاد، لڈن، عباس نوشہ، خاور، انیتا، شہلا، البیلا تے اشرف جوہر شامل سن۔ پر کسے وجہ نال ایہہ فلم مکمل نہ ہو سکی۔ گلزار خلیل دے ایس فلم دے پہلے گیت دا مکھڑا اسی:

آجا پیا ، دھڑکے جیا
آئے دن بہار کے
کیسے کہوں ، رہ نہ سکوں
آئے دن بہار کے

ایہہ گیت مالانے گایا جدوں کہ دوجا گیت فضل حسین دی آواز وچ ریکارڈ ہويا۔ بول سن:

لے لو لے لو یہ غبارا
ننھے منے کا ہے پیارا
یہ ہے لال یہ ہے پیلا
یہ ہے سبز یہ ہے نیلا
یہ ہے چندا یہ ہے تارا
لے لو لے لو یہ غبارا

وفات

وفات توں کچھ ورھے پہلے گلزار خلیل نوں شوگر دا مرض ہو گیا۔ جیہڑا مردے دم تک رہیا۔ اخیر کوئل سوچاں تے گداز جذبیاں نوں گیتاں دا روپ دین والا ایہہ شاعر 13 دسمبر

1991ء جمعے والے دیہاڑے اچانک دل دے دورے ہتھوں اللہ نوں پیارا ہو گیا۔ قبر میانی صاحب وچ اے۔

گلزار خلیل دا شعری سرمایہ

گلزار خلیل ہوراں دے چند اک گیت تعارفی فلمی پمفلٹاں وچ چھپے سن۔ اوں توں علاوہ اوہناں دا سارا کلام ان چھپیا اے۔ جیہڑا تن مختلف بیاضاں دی صورت وچ موجود اے:

بیاض نمبر 1

سائز 14 x 22 سم، کل صفحے 116، کاغذ ہلکا نیلا، جلد سُرخ ریکسین دی۔
 ایہہ دراصل گلزار خلیل ہوراں دی ہتھ لکھت اے جیہدے وچ 50 گیت نیں۔ بیاض دے شروع وچ ہر گیت دے پہلے مصرعے دے حساب نال اک فہرست دتی گئی اے۔ کجھ گیت نیلے تے کجھ کالے تے اک ادھ گیت سرخ قلم نال لکھیا ہویا اے۔ جیہڑے گیت اوہناں نے فلم لئی ریکارڈ کروائے اوہناں اُتے تاریخاں وی درج کیتیاں ہوئیاں نیں۔
 فلم توں علاوہ کجھ گیت عوامی گلوکاراں نے وی گائے نیں۔ اجیہے گیتاں اُتے وی گلوکاراں دا ناں لکھیا ہویا اے پر ریکارڈنگ دی تاریخ درج نہیں اے۔ عوامی گلوکاراں وچوں متیق نیاز تے چند اک دو جے عوامی فنکاراں دے ناں شامل نیں۔ ایس بیاض وچ کجھ دوہڑے تے اک منقبت حضرت شہباز قلندر ہوراں دی نذر اے۔ کجھ گیت بھنگڑا تے بولیاں دی طرز اُتے شامل نیں۔ ایہہ بیاض شاعر دے اپنے ہتھ دی اے پر عجیب گل ایہہ اے کہ دو تن گیتاں توں وکھ کسے وی گیت وچ شاعر نے اپنا تخلص نہیں ورتیا۔ شاید ایس دی وجہ ایہہ اے کہ فلمی گیتاں وچ اکثر شاعر اپنا تخلص نہیں ورتدے۔

بیاض نمبر 2

سائز 16 x 21 سم، کل صفحے 32، کاغذ سفید لکیر دار۔
 ایہدے وچ کوئی 20 گیت پنجابی تے دس گیت اُردو دے نیں۔ ایہدے وچ اک خط وی اے جیہڑا اوہناں ریڈیو دے کسے پروڈیوسر نوں لکھیا جیہدے وچ دیس پیار دا اک گیت

گھلن دا ذکر اے۔ شاعر دی ہتھ لکھت اے پر روتے اُلٹ پلٹ نیں۔ نیلے تے کالے مارکر نال گیت نقل کیتے گئے نیں۔ کئی گیتاں اُتے کٹ وڈھ وی ہوئی اے، جیہدے توں اندازا ہوندا اے کہ ایہہ گیت اے شاعر نے درست کر کے اصلی بیاض اُتے چڑھانے سن پر موت نے اپنی مہلت نہیں دتی۔

بیاض نمبر 3

سائز 17 x 21 سم، کل صفحے 110، کاغذ سفید عام لکیر دار۔

ایہدے وچ اردو گیت تے غزلاں نیں۔ جیہناں دا مزاج اوہو ای اے جیہڑا پنجابی گیتاں دا اے۔ ایہہ وی بنیادی طور تے فلمی گیت تے غزلاں نیں۔ ایس بیاض دے اک ورق اُتے 1966ء درج اے۔ ایس توں اندازہ ہوندا اے کہ ایہہ شاعری 1966ء توں پہلے دی اے تے ایہدے وچ کوئی زیادہ پختگی وی نہیں اے۔ ایہو وجہ اے کہ ایس بیاض وچوں کوئی گیت یاں غزل ریکارڈ نہیں ہو سکی۔ ایہہ تنوں بیاضاں گلزار خلیل ہوراں دے پتر محمد الیاس دے کول محفوظ نیں۔

فلمی گیت تے گلزار خلیل ہوراں دے گیت

جدید زمانے وچ فلم تفریح دے بہترین ذریعہاں وچوں اک اہم تے بھرواں ذریعہ اے۔ گلزار خلیل ہوراں جس ویلے گیت لکھنے شروع کیتے اوں ویلے تیکر ٹیلی ویژن اے گھر گھر دی رونق نہیں سی بنیا تے تھیٹر وغیرہ وی میلیاں ٹھیلیاں اُتے ای لگدے سن۔ ایس لئی عام بندے دی تفریح دا سب توں وڈا ذریعہ فلماں ای سن۔ کسے سماج وچ تفریح دا اہتمام کرن ویلے انسانی نفسیات نوں مکھ رکھ کے کئی گلاں دا خیال رکھنا پیندا اے۔ فلم بنیادی طور تے کیوں جے انسانی جیون دی ای کتھا ہوندی اے تے نالے جیوندے جاگدے اوہناں انساناں لئی ہوندی اے جیہناں نوں ان گنت سماجی مسئلیاں دا آنا سامنا ہوندا اے ایس لئی ہر فلمی کہانی دی بنیاد سوچ تے فکر دیاں اوہناں کڑیاں نال جڑی ہوندی اے جیہڑی سوچ تے فکر انسانی جیون دے مسئلیاں تے اوکڑاں نوں گھٹ کرن دا ارمان رکھدی اے۔ انج مڈھلی سطح توں ای فلمی کہانی مقصدیت دا شکار ہوندی اے۔ ایہہ وکھری گل اے کہ ایہدے اُتے بعض ویلے لچر پنے دا اینا کو رنگ غالب

آجاندا اے کہ دیکھن والیاں دی اکثریت اپنے بال بچے نوں سیما گھر جان دی اجازت دین وچ شرم محسوس کردے نیں۔

فلمی کہانی تے گیت نوں اک دوہے توں دکھ کر کے نہیں دیکھیا جاسکدا۔ فلمی کہانی وچ گیتاں دی اہمیت ایس لئی وی مٹی جاندی اے کہ ایہہ کہانی نوں ٹیسی تیکر لے جا کے اوہدے منطقی انجام تیکر اپڑان لئی دیکھن والیاں دے جذبات، احساسات تے خیالات نوں لطافت بخش کے فلم دی کامیابی دی دلیل ثابت ہوندے نیں۔ سگوں جے ایہہ آکھیا جاوے کہ فلمی کہانی دی کامیابی دا دارومدار گیتاں اُتے ہوندا اے تے شاید غلط نہ ہووے گا۔ جس طرح اک عام بیانیہ کہانی تے فلمی کہانی دی تکنیک وچ فرق ہوندا اے ایسے طرح عام گیت تے فلمی گیت وچ وی بڑا فرق ہوندا اے۔ فلمی گیت دی سب توں پہلی تکنیکی خوبی ایہہ ہوندی اے کہ اوہدا بنیادی خیال، فلم دی کہانی دے تقاضیاں نوں پورا کردا اے۔ دوجی گل ایہہ اے کہ اوہدے وچ موقع محل (Situation) نوں مکھ رکھ کے گل کیتی جاندی اے۔ تہی گل ایہہ اے کہ ایہدے وچ وقت دی خاص پابندی دا خیال رکھیا جاندا اے تے عام طور تے اک گیت تن بنددا ہوندا اے۔ جیہڑا گائیکی وچ چار منٹ توں زیادہ نہیں ہونا چاہیدا۔ چوتھی گل ایہہ اے کہ گیت وچ پوری پوری مقصدیت ہووے پر ایہدے نال نال فن دا وی اعلیٰ نمونہ ہووے۔ پنجویں شرط ایہہ اے کہ گیت عوامی مزاج رکھدا ہووے، جیہڑا ناظرین دے ذوق دی بہتر تسکین کر سکے۔ چھویں گل ایہہ اے کہ گیت وچ نغمگی دی فضا پوری طرح قائم رہوے تے جدوں اوہنوں گایا جائے تے اوہدیاں لفظی تے معنوی خوبیاں اپنے آپ پڑھن والے اُتے اثر انداز ہوں۔ ستویں خوبی ایہہ ہووے کہ عوام دی پسند تے ناپسند دا خیال رکھیا جاوے۔ اٹھویں گل ایہہ کہ انسانی تے فطری جذبات نوں پوری صداقت تے سچائی نال اپنے اندر سمو سکے۔ ناویں صفت ایہہ ہووے اپنی تہذیب تے ثقافت دی بھرپور عکاسی کردا ہووے۔ دسویں گل ایہہ اے کہ زبان و بیان وچ تکلف نہ ہووے سگوں گیت دا بول سُن کے ہر بندہ ایہہ کہوے کہ ایہہ میرے دل دی گل اے، جیہڑی شاعر نے میرے کہن توں پہلے ای کر دی اے۔ ایہہ ساریاں خوبیاں اک فلمی گیت نوں کامیاب بنان وچ بڑا اہم کردار ادا کردیاں نیں۔

جتھوں تیکر گلزار خلیل ہوراں دے فلمی گیتاں دا تعلق اے اوہناں بارے بڑے وثوق

نال ایہہ گل کیتی جاسکدی اے کہ اوہناں دے اکثر گیت اجیہے نہیں جیہڑے پڑھن سُنن والے دے دل وچ اُتر دے جاندے نیں۔ ملاحظہ کرو نمونے دا ایہہ گیت جیہدے وچ تکنیکی خوبیاں وی نیں تے پنجاب دے دیہاتی ماحول دی عکاسی دے نال نال سچے تے سچے جذبیاں دی مہکاری وی اے:

نہ توں ڈنڈیاں گھڑائیاں ، نہ توں جھانجراں پوائیاں
 بہہ کے باجرے دی راکھی اسماں کیہ کھٹیا

o

گورے گورے ہتھاں نال پانی میں تے لاندی رہی
 شکر دوپہر چنا واڈھیاں کراندی رہی
 وے توں قدراں نہ پائیاں ، اسماں نیندراں گوائیاں
 بہہ کے باجرے دی راکھی اسماں کیہ کھٹیا

o

ہان دیاں گڑیاں نے رچ مارے طعنے وے
 کر کر تھکیاں میں لکھاں ای بہانے وے
 اکھاں تیرے نال لائیاں ، گلاں لوکاں توں کرائیاں
 بہہ کے باجرے دی راکھی اسماں کیہ کھٹیا
 گلزار خلیل الہڑ جوان جذبیاں دی ترجمانی بڑی خوبصورتی نال کردے نیں:

میری چڑھدی جوانی

میری اکھ مستانی

جٹ ویکھ کے ہو گیا کملا نی کملا

کول تیرے آئی آں میں اج پہلی واروے

تکھی کچلے دی ڈوری ، سوہنی چن توں چکوری

جٹ ویکھ کے ہو گیا کملا نی کملا (19)

لوک گیت ہووے تے بھاویں فلمی کہانی لئی لکھیا گیا گیت ہووے، اوہدے وچ تاثر

دی خوبی دا ہونا بڑا ضروری اے تے ایہہ خوبی انسانی جذبیاں تے رویاں دے سہارے پیدا کیتی جاوے تے گیت دلاں تے ذہناں دے نیڑے رہ کے اپنا تاثر دکھاندا اے۔ انسانی حیاتی وچ غم تے جدائی دا تاثر ہمیشہ نقش چھڈ جاندا اے۔ جدوں کہ خوشی دے لمحے پروہنیاں دی طرح ای آؤندے تے ٹر جانداں نیں تے غم ہمیشہ ایسے طرح انساناں دے نال ساتھ بھاندا اے جس طرح گھر والے گھر والیاں نال بھانداں نیں۔ گلزار خلیل ہوراں دے گیتاں وچ ایہہ فطری رویا پورے تاثر نال موجود اے۔ ذرا ملاحظہ کرو ایہہ اک گیت جیہدے وچ ذاتی محرومیاں دا ذکر وی اے تے معاشرتی دکھ تے کرب دی گونج وی سنائی دیندی اے:

پتا کیہ سی اپنے بیگانے بن جان گے
جگ وچ ساڈے افسانے بن جان گے
بالاں گی میں اکھیاں دے دیوے تیری راہ وچ
عُمر اں گزاراں گی میں چنا تیری چاہ وچ
لہ لہ نین دیوانے بن جان گے
پتا کیہ سی اپنے بیگانے بن جان گے

o

چن وی نہ چڑھے گا، تارے وی نہ آؤن گے
بہار وی نہ آوے گی تے پنچھی وی نہ گاؤن گے
سارے پاسے میرے لئی ویرانے بن جان گے
پتا کیہ سی اپنے بیگانے بن جان گے (20)

پورے فلمی گیت وچ عام طور تے اکو مضمون یا خیال ہوندا اے تے انج زبانی وحدت نوں قائم رکھنا ضروری ہوندا اے۔ اوہدے پس منظر وچ بھاویں وکھرے وکھرے منظر نامے دکھائے جانداں نیں پر جے غور کر کے دیکھیے تے ایہناں سارے منظر نامیاں وچ مکانی وحدت دا اک تاثر وی ملدا اے۔ ایہہ دونوں خوبیاں فلمی گیت نوں کامیاب بنان وچ بھرواں کردار ادا کردیاں نیں۔ گلزار خلیل ہوراں دے گیت وچ وی ایہہ خوبی موجود اے۔ حوالے دے طور تے اوہناں دے اک گیت وچوں ایہہ بول ملاحظہ فرماؤ، جیہناں وچ مقصدیت وی اے، تاثر وی

اے تے اک نہ جھٹلائی جان والی حقیقت تے سچائی وی اے:

کسے گل دا نہ کر اتھے مان بندیا
 ایس جگ اُتے توں ایں مہمان بندیا
 ماڑیاں یاں محل نیں، ایہہ ساریاں سراواں نی
 ساڈیاں نیں اج، کل کسے دیاں تھاواں نی
 رکھ وانگ توں پروہنے دے سامان بندیا
 کسے گل دا نہ کر اتھے مان بندیا⁽²¹⁾

گلزار خلیل ہوراں دے گیتاں وچ علم دوستی تے دیس پیار دی خوشبو رچی وی ہوئی
 اے۔ ایہدے توں صاف پتا لگدا اے کہ اوہناں نے صرف فلمی ضرورت لئی ای گیت نہیں لکھے
 سگوں دیس پیار دے جذبے وچ سرشار ہو کے اوس فرض نوں ادا کرن دی کوشش وی کیتی اے
 جیہڑا فرض ملک تے قوم ولوں اک شاعر اُتے آندا اے:

دیوے بال کے علم دے سارے جگ وچ چانن کرنا ایں
 آون والے سکھ دے کارن دُکھ وی پوے تے جرنایں
 انشاء اللہ مل کے سارے ، انشاء اللہ

o

تاریاں وانگوں دھرتی چمکے ہو جائے دور انھیرا
 کالیاں راتاں مک جاون تے آوے نواں سویرا
 پھل خوشی دے کھڑ پین اتھے غم دا اُجڑے ڈیرا
 ہر اک گل اے آپے کرنی ، کسے وی کجھ نہیں کرنا ایں
 دیوے بال کے علم دے سارے جگ وچ چانن کرنا ایں

o

اک دوجے دا دُکھ ونڈا کے نال خوشی دے سہنا
 سچی گل نوں مونہہ تے کہنا ، کدی نہ ڈر کے رہنا
 جان جاوے تے جاوے بھاویں ، جھوٹھ کدی نہ کہنا

جھوٹھ دی خاطر جینا بھیڑا ، سچ دی خاطر مرنا ایں
 دیوے بال کے علم دے سارے جگ وچ چان کرنا ایں⁽²²⁾
 گلزار خلیل ہوراں دے گیتاں دی سادگی تے روانی اوہناں دے گیتاں دا اُسن اے:

ونگاں اک واری فیر چھنکا
 نی شالا تیری خیر ہووے
 نال گیت کوئی پیار دا سنا
 نی شالا تیری خیر ہووے

o

اُچی لمی سوئی میرے ہان دی ایں توں
 میرے دل دیاں گلاں سبھ جاندی ایں توں
 میری من کے تے اپنی منا
 نی شالا تیری خیر ہووے⁽²³⁾

گلزار خلیل ہوراں دی غزل

گلزار خلیل ہوراں دی بیاض وچ گنتی دیاں کجھ غزلاں وی نیں۔ انج لگدا اے جو ایں
 اوہناں نے ایہہ غزلاں صرف تجربے دے طور تے لکھیاں نیں۔ بظاہر ایہہ غزل دی ہیئت وچ
 ضرور نیں پر اصل وچ ایہہ وی گیت ای نیں۔ کیوں جے ایہناں دے مضمون تے پوری فضا
 گیتاں والی اے۔ ایس لئی ایہناں نوں اسیں اوس طرح دی غزل نہیں آکھ سکدے جس طرح
 دی غزل اجوکے دور وچ لکھی جا رہی اے۔ کجھ ایہو جیہی صورت حال ای اوہناں دیاں اُردو
 گیتاں، غزلاں دی اے۔ گلزار خلیل ہوراں دیاں تئاں بیاضاں نوں پڑھن توں بعد اندازہ ہوندا
 اے کہ اوہ بڑی چھیتی ایس نتیجے اُتے اپڑ گئے سن کہ اوہناں نوں غزل دی تھاں گیت وچ ای طبع
 آزمائی کرنی چاہیدی اے۔ ایس لئی ایہناں تئاں بیاضاں وچ زیادہ تر گیت ای نیں۔ جیہڑے
 زبان و بیان دے حوالے نال اپنے اندر بڑی دلکشی رکھدے نیں۔ ایس لئی اسیں اوہناں نوں
 گیتاں دی مہکار دا سلکھنا شاعر آکھ سکے آں۔ بعض ویلے گیتاں دی تخلیق توں پہلے فلمی منظر

دے محل وقوع دے حوالے نال موسیقی پہلے ترتیب دے دتی جاندی اے تے ٹیون دے مطابق گیت لکھنا پیندا اے تے ایہہ ہور وی اوکھا کم اے۔ ایہدے اُتے ہر شاعر پورا نہیں اُتر سکدا۔ ایہدے لئی خاص مہارت دی ضرورت ہوندی اے۔ گلزار خلیل ہوراں نے ایس سلسلے وچ وی اپنیاں بہترین صلاحیتاں توں فائدہ اُٹھایا اے تے بڑے خوبصورت گیت پنجابی زبان نوں دتے نیں، جیہڑے اوہناں نوں فن دی دنیا وچ زندہ رکھن لئی ضمانت داکم دین گے۔

O

حوالے

- 1- میٹرک دے سرٹیفکیٹ اُتے ایہہ تاریخ درج اے۔
- 2- گلزار خلیل ہوراں دے وڈے پُتر محمد الیاس نال گل بات ، رہائش پلاٹ نمبر 13، بلاک نمبر 1، کریم پارک، راوی روڈ لاہور
- 3- گلزار خلیل ہوراں دے چاچے بابو ظہور الدین ہوراں نال گل بات، عمر 74 ورھے، رہائش مکان نمبر 25، گلی نمبر 4، حبیب گنج، لاہور
- 4- میٹرک دی سند رول نمبر 7531
- 5- گلزار خلیل ہوراں دے نئے بھرا طاہر سجاد ہوراں نال گل بات۔
- 6- گلزار خلیل ہوراں دے بھتیجے عقیل اللہ شافی ہوراں نال گل بات، جیہڑے آپ دی پنجابی دے شاعر نیں۔
- 7- گلزار خلیل ہوراں دے نئے پُتر محمد ادریس نال گل بات۔
- 8- گلزار خلیل ہوراں دی بیوا عزیز بیگم نال گل بات۔
- 9- محمد الیاس نال گل بات۔

- 10 ایہہ شعر گلزار خلیل ہو راں دی کسے بیاض وچ درج نہیں ایہدے راوی محمد الیاس نیں۔
- 11 محمد الیاس نال گل بات۔
- 12 بحوالہ تعارفی پمفلٹ فلم ”زن، زرتے زمین“
- 13 بیاض نمبر 1، گلزار خلیل ص 6
- 14 بیاض نمبر 1، گلزار خلیل ص 4
- 15 روزنامہ مشرق، لاہور 22 جون 1970ء
- 16 روزنامہ مشرق، لاہور 14 اگست 1970ء
- 17 بیاض نمبر 1، گلزار خلیل ص 3
- 18 بیاض نمبر 1، گلزار خلیل ص 2
- 19 بیاض نمبر 1، گلزار خلیل ص 5
- 20 بیاض نمبر 1، گلزار خلیل ص 19
- 21 بیاض نمبر 1، گلزار خلیل ص 44
- 22 بیاض نمبر 1، گلزار خلیل ص 59
- 23 بیاض نمبر 1، گلزار خلیل ص 21

عشق کرن تے تیغ دی دھار کپن ، نہیں کم ایہہ بھگھیاں تنگیاں دا
جیہڑے مرن سو فقر تھیں ہون واقف ، نہیں کم ایہہ مرن تھیں سنگیاں دا
سید وارث شاہ

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June, 2012, pp 57-68

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

پنجاب دی ڈھلی موسیقی (اک تاریخی مطالعہ)

☆ ڈاکٹر سعادت علی ثاقب

Abstract:

This article deals with start of music in Punjab. Author provides much fruitful information about the evaluation of deferent forms of music, poetry & painting through the cultural history of Punjab. Author unfolds that the orthodox shapes of music is divided into two forms, i.e. religious music and folk music. He also proves that all the kinds of music such as religious or classical, kinds of singing such as Dhurpad, Khial, Hori, Thumry, Dadra, Ghazal and Geet are existed by the folk music.

پنجاب دی تاریخی تے جغرافیائی حیثیت ایس گل دی پکی شاہدی بھردی اے کہ ایہہ خطہ کسے اک قوم دا کدے وی نہیں رہیا۔ صدیاں پہلے توں آل دوالے دیاں پرچوہیاں دے وسنیک اتجھے آندے رہے تے ایہہ جوہی اوہناں دے اپنی دل لگی کہ اوہ ایہتھوں دے ای ہو

☆ اسٹنٹ پروفیسر پنجابی، پنجاب یونیورسٹی اور یونیٹل کالج، لاہور

کے رہ گئے۔ ایس طرح کئی نسلاں دے ملاپ نال جتھے پنجاب دے وسنیک ظاہری حسن وجہوں وکھو دکھ قد وقامت تے چہریاں مہریاں والے ہو گئے اوتھے اوہناں دی سوچ، علم تے فکر دے انداز، رہتل، ثقافت تے تمدن وچ وی اک خاص تنوع (Variety) پیدا ہو گیا۔ ایس تنوع نے جتھے علم دے سارے شعبیاں نوں متاثر کیتا اوتھے فن وی ایس توں وانجانہ رہ سکیا۔ فیر موسیقی دا فن جیہدا تعلق انسان دی مڈھلی فطرت نال اے، ایس توں سکھنا کیوں رہندا۔ ایہو کارن اے جے پنجاب دی موسیقی اپنی زیادہ وسیع تے وسیع اے کہ ایہدی مثال دنیا دی کسے ہور موسیقی وچ ملنی مشکل اے۔ جے اتھے اسیں پنجاب وچ رچی جان والی موسیقی دے سارے پکھاں اُتے گل کرن لگیے تے ایہہ چھوٹا جیہا مضمون خورے ایہدا کھلار اپنے دامن وچ نہ سمیٹ سکے۔ ایس لئی اسیں اپنے سرناویں نوں تاریخی وجہوں دو پکھاں نال پرکھن دا آہر کیتا اے۔ یعنی مذہبی موسیقی تے عوامی موسیقی۔

تاریخی لحاظ نال دیکھیے تے پنجاب اُتے آبادی دے باقاعدہ آثار پنج چھ ہزار ورھے پہلاں توں ملدے نیں۔ باہروں لوک چاہے واہرواں دی صورت وچ اتھے آندے یاں سپاٹواں دی صورت وچ۔ ایس علاقے وچ پائیاں جان والیاں قدرتی نعمتاں یعنی ہموار دھرتی پیر پیر تے وگدے شفاف پانی دے وڈے وڈے دریا، تماہی بدلیاں رُتاں، کھڑے ہوئے ہریالیاں بھرے کھیت تے قدرتی پھلاں پھلاں نال لدے ہوئے رکھ تے جھاڑ بوٹے آئے لوکاں نوں مجبور کر دیندے کہ اوہ ایہتوں دے وسنیک ای بن جان۔ انج اتھے پہلوں افریقی فیر نیگریٹو، منڈا، دراوڑ، آریا، پنی تے اُسرائوس آئے۔ ایہناں توں بعد یونانی، ترکی، عربی، ایرانی، پرتگالی، فرانسیسی تے برطانویاں ایس دھرتی اُتے پیر نکایا⁽¹⁾۔ اناج تے خوراک دی فراوانی نے جیہڑی خوشحالی دتی اوس نے مقامی لوکاں نوں ذہنی طور تے سکون مہیا کیتا۔ ایسے ذہنی سکون نے ایہناں لوکاں وچ احساسات تے جذبات دی اک دنیا وسادتی۔ انج ایہناں لوکاں نے فنون لطیفہ ول دھیان دینا شروع کر دتا۔ ایہتوں ای پنجاب وچ موسیقی تے دو جے فنون یعنی مصوری، مجسمہ سازی، تعمیرات تے شعر و شاعری نے جنم لیا۔ اسیں اگے جا کے ایس دا ذکر کراں گے کہ پنجاب دے وسنیک صرف پُرسکون خوشحالی والی حیاتی ای نہیں ہنڈاندے سن سگوں اوہناں نوں اتھے ودھیریاں دکھاں تے مصیبتاں نال وی واہ پیندا رہندا سی۔

ایہہ گل منن جوگ اے بے موسیقی دا تعلق گان و جان نال اے ایس لئی جدوں موسیقی دا ذکر آوے گاتے گان و جان دی گل وی نال ای نال چلے گی۔ موسیقی صرف سُر، سُردی قیمت، اودھی فریکوینسی تے اودھی دگن توں لے کے اودھیاں سپتکاں معلوم کر لین دا ناں ای نہیں سگوں ایہہ گلے دے ذریعے سُردی ادائیگی دا ناں وی اے۔ اج توں کوئی چار یاں پنج ہزار سال پہلاں آریا اتھے آئے تاں مقامی لوک نہ صرف مذہبی موسیقی وچ کافی ترقی کر چکے سن سگوں اوہ عوامی موسیقی وچ وی ماہر سن۔ تاریخی طور تے ایہہ گل ضرور ثابت ہوندی اے کہ پنجاب دی دھرتی اُتے مذہبی موسیقی دا آغاز مندراں وچ بھجن گان توں ہويا۔ ہر دو بے فن دی طرح موسیقی دافن وی ہر دور وچ وگدے دریا وانگوں اگے ای اُردا رہیا اے۔ ہند دا خطہ تے بہت وڈا سی پر اتھے بوہتا ترقی یافتہ تے خوشحال علاقہ پنجاب تے سندھ دا ای سی۔ ایس پاروں اسیں ویکھنے آں کہ ہندو مذہب دی مڈھلی کتاب ”رگ وید“ بھائیں لکھی سنسکرت وچ گئی پر اودھی لکھن تھاں دا شرف پنجاب دھرتی نوں ای حاصل ہويا۔

موسیقی یاں گانے دا عمل کدے رُک نہیں سکدا۔ اسیں اگے لوک گیتاں بارے بحث کردیاں ہوياں دساں گے کہ ہند تے خاص طور تے پنجاب دے ایس خطے وچ گان و جان دا عمل آریاواں دے آن توں پہلے توں جاری اے۔ سام وید ہندوواں دیاں چار مقدس کتاباں وچوں اک اے۔ اودھے اشلوک گا کے پڑھے جانداے سن۔ ویلے دی اتھل پتھل نے جتھے حیاتی دے ہر شعبے نوں متاثر کیتا اتھے موسیقی وچ وی وڈیاں تبدیلیاں آئیاں۔ پر سام وید وچ دتا موسیقی دا نظام کافی حد تک راج وی اپنی اصلی حالت وچ موجود اے (2)۔

دائرہ معارفِ اسلامیہ نے ہندی موسیقی بارے نہایت مختصر اکھراں وچ انج جانکاری

دتی اے:

”اگرچہ سنسکرت ادب مذہبی موسیقی (صوتی و آلاتی) کے تذکرے سے بھرا پڑا ہے لیکن مسلمانوں کی آمد سے قبل ہندوستان کی غیر مذہبی موسیقی کے بارے میں کسی قسم کی معلومات نہیں ملتیں۔ اس کے برعکس سندھ کے مند اور رَظ (جٹ) قبیلوں کو غیر مذہبی موسیقی سے جو شغف تھا وہ بخوبی ثابت ہے،“ (3)

ایس ہندو مذہبی موسیقی دا کھلار اینا وڈا اے کہ ایہہ کھلار ای دراصل ایس دی تاریخی وڈیائی دا ثبوت اے۔ اوہ وکھری گل اے کہ ایس موسیقی بارے بوہتیاں جا نکاریاں فرضی روایتاں وجوں ملدیاں نیں۔ پرفیروی نویں موسیقی دا حسن، تاثیر، علمی کھلار تے اوہدا گھیرا ویکھ کے اوس قدیم (روایتی) موسیقی دا گویڑ ضرور لایا جاسکدا اے، جیہدا لوہیا ساری دنیا نے منیا اے۔ مسلمان اتھے آئے تے اوہناں ایس موسیقی نوں مندریں وچوں کڈھ کے درباراں وچ لیان دا چارہ کیتا۔ انج ایہہ خاص موسیقی وی عوام الناس وچ مقبول ہون لگ پئی۔ قدیم ہندی موسیقی وچ راگ، ٹھاٹھ، سُر، تال تے دوہے بے شمار پہلو موجود ای سن مسلمان عالماں نے اپنی محنت، لگن تے اعلیٰ ذوق پاروں بکھرے ہوئے ایس علم نوں اک مربوط شکل دے دتی۔

اسیں بنے آکھیا اے کہ موسیقی نے قدیم مندریں وچ علمی تے فنی حیثیت نوں ودھایا پر ایس گل توں وی منہ نہیں موڑیا جاسکدا کہ موسیقی دی اک حیثیت عوامی وی سی۔ جیہڑی ویاہ شادی، فصلاں دی کٹائی، چاننی رات، دیر نال مینہ ون، اتے مذہبی تے عوامی میلیاں ٹھیلیاں اُتے لوک جیہڑے آپ مہارے گیت گاندے سن اوہ وی ظاہر اے کہ نہ کسے راگ وچ ای ہوندے سن۔ ایس لئی پنجاب دے لوک گیتاں دی اہمیت ہور وی ودھ جاندی اے۔ پرانے ویلیاں وچ لوک گیت ای دراصل عوامی موسیقی دا مکمل تے بھرواں اظہار سن۔ آکھدے نیں حضرت آدم تے اماں وکھو وکھ دھرتی اُتے آئے۔ چوکھے چرتوں بعد اوہناں دی ملاقات ہوئی تاں آدم نے گزرے ہوئے جدائی دے لے ورہیاں دا ذکر ضرور کیتا ہووے گا۔ تاریخی پکھوں ایہو پہلا لوک گیت سی (4)۔

ایہہ گل منن جوگ اے کہ لوک گیت عام انساناں دے مونہوں خوشی، غمی تے دوہے جذباتی ویلیاں اُتے آپ مہارے نکلے ہوئے اوہ بول ہوندے نیں جیہناں وچ سچے تے سچے جذبے گنھے آؤندے نیں۔ بھاریں ایہناں وچ کلادیاں نزاکتاں دا لحاظ نہیں رکھیا گیا ہوندا۔ کیوں جے ایہہ گیت باقاعدہ تے تجربے کار شاعراں نے نہیں جوڑے ہوندے سگوں ایہہ ان پڑھ لوکاں دے مونہوں نکلے بے ساختہ جذبات ہوندے نیں، پر ایہناں گیتاں وچ وی کدے کدے فن دا اینا اُچا دکھالا ہوویندا اے کہ اوہدے اُتے اُچی شاعری دا گمان ہون لگ پیندا اے۔ جیویں ایس لوری وچ سچائی، سادگی، اختصار، فصاحت، بلاغت تے ہور کئی فنی نزاکتاں نظر بندیاں نیں

پر ہے ایہہ کسے نامعلوم ان پڑھ ماں دے دل دی آواز:

اللہ توں والی توں
دتا ای تے پالیں توں

لوک گیتاں بارے زیادہ وضاحت نال گل بات کرن دا تاں ایہہ موقع نہیں پر فیروہی
اسیں انسائیکلو پیڈیا برٹینیکا دا ذکر لازمی کراں گے جیہدے وچ لوک گیتاں دی اک جامع تعریف
توں بعد خصوصی طور تے ہندی (پنجابی) لوک گیتاں بارے انج دس پائی گئی اے:

"Indian folklore exhibits a wide range of topics touching every aspects of traditional life and including secular and religious myths, folklores and historical legends, as well as a rich folk science in stars, plant and animal lore" (5)

ایہہ لوک گیت انج تے دنیا دی ہر زبان وچ موجود نیں پر پنجابی لوک گیتاں دی گتتری
ایہی بوہتی اے کہ ایہناں دی گنتی توں ای پنجاب دے وسیرکاں دی ذہنی لحاظ نال زرخیزی دا پکا
پیڈھا ثبوت ملدا اے (6)۔

’معارف النعمات‘ دے لیکھک ٹھا کر نواب علی خاں نے مقامی موسیقی نوں تن ہزار سال
پرانی دسیا اے پر ساڈے خیال وچ ایہہ گل ٹھیک نہیں کیوں جے آریاواں دے اتھے آن توں کئی
صدیاں پہلے وی پنجاب دی رہتل بڑی ترقی یافتہ سی۔ ایس لئی اسیں ایہہ گل بڑے ہے دعوے
نال کر سکے آں کہ آریاواں دے آن توں پہلے پنجاب دی موسیقی وی کافی حد تک اپنے آپ
نوں اک مخصوص سچے وچ ڈھال چکی سی۔ تاریخی لحاظ نال وی اتھے پہلوں توں لوک آباد سن۔
محمد آصف خاں دے بقول:

’مقامی لوک آریاواں توں وی 1500 ورہے پہلاں اتھے اک سنسکرتی
پیدا کر چکے سن۔ ایس سنسکرتی نوں پہلے منڈاری (منڈا قبیلے دی تہذیب
جیہڑے دراوڑاں توں پہلے اتھے آئے سن) تے فیروہی تہذیب داناں
دتا گیا،‘ (7)

موسیقی دے حوالے نال سرفراز قاضی ہوراں دا ایہہ آکھنا وی کافی اہم اے:

”پنجابی دا پہلا لوک گیت گھٹو گھٹ اوس ویلے گا نویا گیا ہونا اے جس ویلے
کہ حالی آریاواں نے اتھے حملہ نہیں کیتا ہونا۔ ایہہ زمانہ 3000 قبل مسیح
توں لے کے 1500 قبل مسیح تک دا اے“، (8)

اپنی گل ضرور اے کہ مڈھلے لوک گیتاں وچ زبانی نوں بوہتی اہمیت دتی جاندی سی۔
لیونارڈ کاٹرل نے مڈھ قدیم دی دھرتی نوں وی عورت نال تشبیہ دتی اے جیہڑی اک مادہ سی تے
عورت وانگوں ای تخلیق دے عمل وچ مصروف سی تے جیویں آصف خاں نے دیا کہ آریاواں
دے آن توں رتنا چر پہلے اتھے باقاعدہ تہذیبی حیاتی دا مڈھ بچھ چکا سی۔ اسیں ایہہ وی آکھ سکے
آں کہ ایہہ لوک گانے توں دکھ ناچ (Dance) دے گر وی جان چکے سن۔ دراوڑ تے منڈا
قبیلے پوجا پاٹ کرن لئی ناچ، گانے تے دکھو دکھ سازاں توں کم لیندے سن پر سندھ وادی دی ایس
تہذیب کول وی زنانہ نظام سی۔ ایس دی تصدیق مؤن جوڈارو تے ہڑپہ دیاں کھنڈراں وچوں
نکلن والیاں مورتیاں توں ہوندی اے جیہناں وچ دیویاں دے مجسمے دکھائے گئے نیں تے
اوہناں سامنے نچدیاں ہونیاں دو جیاں زنانیاں وی موجود نیں۔ آریاواں نے اتھے آکے لکھن
پڑھن دا جیہڑا سلسلہ شروع کیتا تے دریائے سواں دے کنڈھے بہہ کے دنیا دی قدیم ترین
کتاب ”رگ وید“ لکھی۔ رگ دا مطلب اے گیت تے وید دا مطلب مقدس علم۔ ایس کتاب
وچ ڈھیر سارے علماں توں دکھ دیو مالا، دیوی دی شان وچ بھجن، شعر تے ادب، لغات،
لسانیات، ناچ، ناٹک تے سنگیت دا ذکر وی ملدا اے۔ آریاواں تے دراوڑاں دے مذہبی تے
فکری لحاظ نال اک دوجے اُتے اثرات پئے تاں سنگیت دے حوالے نال وی ایہناں دوواں نے
اک دوجے توں چوکھا اثر قبولیا۔ مفتی فخر الاسلام دے بقول:

”آریاواں کی موسیقی وادی سندھ کی موسیقی سے ٹکرائی اور بالآخر دونوں نے
ایک دوسرے کی شکل کو بدلنے کی کوشش کی۔ نتیجہ یہ نکلا کہ آریا قوم کی موسیقی
پہلے سے زیادہ وسیع ہو گئی“، (9)

مختلف قوماں دے واری واری اتھے آن نال اسیں ایہہ نتیجہ وی کڈھ سکے آں کہ پہلے
پہل جیہڑا وی دوجا قبیلہ اتھے آیا اوہنوں پہلے توں آباد قبیلے دی مزاحمت دا سامنا کرنا پیا ہووے

گا، پر جدوں آون والیاں پہلے والیاں نوں شکست دتی ہونی اے تے فیر اوہ دونوں تہذیبیاں آپوں وچ رل مل گئیاں ہون گئیاں۔ پر دو جے قبیلے دے لوک بوہتے ظالم ہون گے تے اوہناں پہلے والے قبیلے نوں ایہہ دھرتی چھڈ کے کتے ہور جان لئی مجبور کر دتا ہووے گا۔ ڈاکٹر وزیر آغا دے آکھن موجب:

”جب آریاؤں نے وادی سندھ کو تاراج کیا تو ظاہر ہے کہ یہاں کے باشندے نقل مکانی کر گئے ہوں گے، سندھ اور پنجاب کے نقشے کو بغور دیکھنے سے صاف محسوس ہوتا ہے کہ مغرب سے آریاؤں کے حملے کی صورت میں یہاں کے باشندوں کے لئے جنوب کی طرف آجانے کے سوا کوئی چارہ کار نہیں تھا۔ اس لیے کہ اس زمانے میں ابھی گنگا اور جمنا کا میدان گھنے جنگلوں سے ڈھکا ہوا تھا جبکہ جنوبی ہند قریب اور محفوظ ہونے کے علاوہ نسبتاً صاف بھی تھا۔ قیاس غالب ہے کہ وادی سندھ کے کچھ باشندوں نے دکن کی طرف ہجرت کی اور دکن میں آباد ہو کر ایک طویل عرصہ تک آریاؤں کی یلغار سے محفوظ رہے۔ دکنی زبان میں پنجابی زبان کے الفاظ کی فراوانی اس ہجرت کا اہم ثبوت ہے“،⁽¹⁰⁾

پنجاب دی دھرتی اُتے جیہناں قوماں تے قبیلیاں نے حملے کیتے۔ اوہناں وچوں کچھ انتہائی درندہ صفت تے انتاں دے ظالم وی ہوسن۔ ایس لئی مفتی فخر الاسلام دا ایہہ آکھنا بڑا گوہ گوجرا اے:

”پنجاب کے دیہاتوں اور ہندی سنگیت کے ماہر پنڈتوں نے کئی مرتبہ جابر سرداروں اور سپاہیوں کی خدمت میں غمناک لوک گیت اور درد آگیں نغے اشک آلود آنکھوں اور متبسم ہونٹوں سے گائے ہوں گے“،⁽¹¹⁾

ظلم دے نتیجے وچ جدوں لوک لٹے پٹے اپنیاں زنانیاں تے بچیاں نال ایٹھوں دوڑے ہونے نیں تے اوہناں دے کئی جوان قتل ہوئے ہون گے۔ کئی زنانیاں کھس گئیاں ہون گئیاں۔ جنگلاں اجاڑاں دے اوکھے سفران وچ کئی بیمار، بچے، بڈھے وی جان گوا بیٹھے ہون گے۔ ایس بربادی وچوں اداسیاں، جدائیاں، دکھاں تے غماں نے جنم لیا ہونا اے۔ ایہو

ای دُکھ تے غم فیر ہو کیاں دی صورت لوکاں، خاص کر عورتاں دے ہونٹھاں اُتے کھلر گئے ہونے
 نیں۔ ایہہ ای لوک گیت بنے۔ فیر جدوں رونے دھونے گیت بن کے آپ مہارے ہونٹھاں
 اُتے آجاون تاں اوہناں وچ سوائے اندر لے جذبیاں دے کسے فنی ہیئت یاں اچھتا دی بھال
 ایویں جیہی جا پدی اے۔ اوس ویلے دی لوکاں وچ جذبیاں دا ہڑھ سی تے ماں پیو، کس نوئمہ، بھرا
 بھرجائی، دیور جیٹھ، خاوند، بچے، منہ بولے رشتے، سجن، دشمن وی موجود سن۔ ایہناں سارے
 رشتیاں دے آپسی جذباتی تعلقات وی ہون گے تے کدی نفرت کدی محبت ہوندی ہووے گی۔
 ایہناں ساریاں چیزاں دا اظہار جدوں کہتے اوہ لوک گا کے کردے ہون گے اوہو گیت اج تک
 لوک گیتاں دی شکل وچ لوکاں دے دلاں دی دھڑکن بنے ہوئے نیں۔ ایہو لوک گیت بعد والی
 کلاسیکی تے نیم کلاسیکی موسیقی دی بنیاد بنے⁽¹²⁾۔

شاعری وچ لوک گیت اوہ واحد پکار اے جیہڑی کبھی ای گان واسطے جاندی اے۔
 ایس لئی ایہدا انگ انگ سُر تے سنگیت نال جڑیا ہو یا اے۔ لوک گیت تے عام گیت وچ فرق
 ای صرف گائیکی دا اے ایسے لئی اک ان پڑھ نوجوان واہی وان اپنے کھیتاں وچ ہل چلانا ہو یا
 چمکدی دُھپ وچ جاندی ہوئی کسے ٹیار دے تک دا چمکدا بلاق تک کے اک دم ایہہ بول کہہ
 اُٹھدا اے:

ع تیرے لونگ دا پیا لشکارا ہالیاں نے ہل ڈک لئے

پراسیس دس چکے آں کہ عوامی موسیقی دے ساویں اک ہور موسیقی وی پنجاب وچ نالو
 نال اگانہہ ودھ رہی سی یعنی مذہبی موسیقی جیہدا مڈھ مندرائیاں توں بچھدا اے تے جدوں مذہبی
 عالماں نے سُر دی شناخت دا عمل شروع کیتا تے اوہناں عوامی موسیقی بارے وی گوہ کیتا۔ کیوں
 جے مندرائیاں وچ بھجن عام طور تے ترن یاں چار بنیادی سُر ایں وچ ای گائے جاندے سن۔ جد کہ
 لوک گیت آپ مہارے سن ایہناں وچ سُر ایں دا تنوع تے سُر ایں دے لگاؤ بوہتے آگھڑویں سن۔
 ایس لئی مذہبی عالماں ایہناں سُر ایں اُتے گوہ کر کے اوہناں دی فریکوینسی، اوہناں دے ناں تے
 اوس توں بعد خاص ترتیب نال اوہناں راہیں راگ تے ٹھاٹھ وجود وچ لیانے شروع کر دتے۔
 ساڈا پکا قیاس اے جے رگ وید وچ لکھے گئے راگ، ٹھاٹھ تے تال وغیرہ وچ پہلے توں پرچلت
 گیتاں دیاں دھناں توں ضرور لاجھ چکیا گیا ہووے گا چنانچہ مفتی فخر الاسلام لکھدے نیں:

”جب ایک عرصہ تک یہ نظام جاری رہا تو از خود یہ پیشے خاندانی بن گئے برہمنوں کے ذمہ تعلیم و تدریس، دینیات اور مذہبی رسوم کی ادائیگی ہوئی۔ ویدوں کے منتر الاپنے اور گانے کے لئے برہمنوں نے اپنی آواز کو درست کیا اور علم موسیقی کی باریکیوں میں غور و خوض کرنے لگے۔ گویا اب یہ علم سوسائٹی کے ذہین افراد کے زیر نگرانی منظم ہونے لگا۔ مختلف اشلوکوں، بھجوں اور کیرتنوں کو مختلف دیوتاؤں، رشیوں اور منیوں کے نام سے منسوب کر دیا گیا،“ (13)

آگسٹس ولرڈ نے چارلس ولیرز تے سیسل فار سائز دے ایس نظریے نال اتفاق کیتا اے کہ راگ برصغیر دی مٹی وچوں ای پھٹے نیں۔ ایسے لئی افضل پرویز وی ایہہ نتیجہ کڈھن تے مجبور نیں:

”دوسرے علوم کی طرح اعلیٰ موسیقی کا بھی اصل فلسفہ یہ ہے کہ اس کی ابتدا لوک سنگیت سے ہوئی۔ لوک سنگیت اعلیٰ موسیقی کی اک معمولی شاخ نہیں بلکہ اعلیٰ موسیقی لوک سنگیت سے پھوٹی ہے،“ (14)

بھجن دراصل کچھ مخصوص بول ہوندے سن جیہناں دا سہندھ خصوصی عبادتاں نال ہوندا سی تے ایہہ خاص مقررہ وقتاں وچ گا کے پڑھے جاندے سن۔ پر برہمن جیہڑے ہر ویلے دیوی تے دیوتیاں دی پوجا پاٹ وچ لگے رہندے سن۔ اوہناں نے شوجی، رام جی تے شنکر جی دی شان وچ تعریف تے وڈیائی دے بول وی کہنے شروع کیتے تے اوہناں نوں دکھو دکھ سُر اں وچ ڈھال دتا گیا۔ ایہناں دُھناں نوں دُھر پد داناں دتا گیا۔ کلاسیکی موسیقی دا ایہہ ڈھلا روپ سی۔ مسلمان جدوں برصغیر وچ آئے تاں اوہناں ہندوواں دی موسیقی دا بغور مطالعہ کیتا۔ عقل سلیم تے ذوق لطیف رکھن پاروں مسلمان موسیقاراں نہ صرف ہندی موسیقی وچ عربی فارسی موسیقی دا رلا کر کے اوہنوں خوبصورت بنا دتا سگوں ہندی دھر پد توں لائبھ چک کے اوہدے وچ اللہ، رسول ﷺ، اہل بیت، صحابہ تے دوجے بزرگاں دی شان دے بول بٹھنا شروع کر دتے۔ دھر پد گائیکی سدھے سادے کچھ سُر اں دا ملاپ ہندی سی جیہدے چار حصے سن۔ استھائی، انتر، سنجاری تے ابھوگ۔ مسلماناں وچ تلوٹڈی تے کپورتھلہ گھرانیاں وچ دھر پد دے استاد گزرے

نیں۔

مسلمان گویاں نے دُھرپد دے مقابلے وچ خیال ناں دی نوں گائیکی نوں متعارف کرایا۔ امیر خسرو ایس دے بانی سن۔ بعض محققین سلطان حسین شرقی نوں خیال دا بانی قرار دیندے نیں۔ خیال گائیکی وچ پنجاب وچ قصور تے پٹیالہ دے دو گھرانے چوکھے مشہور ہوئے۔ قصور دے استاد بڑے غلام علی خاں، چھوٹے غلام علی خاں تے نیاز حسین شامی دے ناں سرکڈھویں نیں۔ پٹیالہ گھرانے دے علی بخش جرنیل تے فتح علی کرنیل نے وی خیال گائیکی نوں اپنایا۔ ایس گھرانے دے دو بے استادوں وچ اختر حسین، خاں عاشق علی خاں تے استاد امانت علی خاں، فتح علی خاں مشہور ہوئے۔ پنجاب وچ ای اک ہور اہم گھرانہ شام چوراسی دا اے جیس وچ چاند خاں، سورج خاں توں ہوندے ہوئے موجودہ دور وچ استاد سلامت علی خاں، نزاکت علی خاں وڈے ناں نیں۔ (15)

خیال گائیکی دراصل دھرپد دی ترقی یافتہ شکل سی۔ ایہدے وچ استھائی دے بول راگ دی ہیئت، تاثیر، شکل و صورت، رس تے گاؤں، ویلے دے عین مطابق بنھے جاندے سن۔ پنجاب دے گویاں ایہدے وچ پنجابی دے بول وی بنھے تے ہندی دے وی۔ ایس صنف وچ استھائی دے بول ٹھا (طبلے دی اجیہی تال جیہڑی انتہائی سست روی نال چلدی اے) وچ بنھے جاندے سن تے فیراںترے وچ دون لے کردتی جاندی اے۔ حتی کہ ایہدے اخیر تے ترانہ وی پیش کیتا جاندا اے جیہدی لے دُرت یعنی خاصی تیز ہو جاندی اے، اک وگی ویکھو:

اللہ اللہ جلّ شان اللہ

نام لیاں میری ہووے تسلی

خیال وچ دھرپد وانگوں صرف مصرعے ای نہیں دہرائے جاندے سگوں گویے نوں کھل ہوندی اے کہ اوہ اکو مصرعہ بار بار آکھدا ہو یا تان پلٹے توں وی فائدہ چکے لہذا خیال وچ بے شمار تاناں، پلٹے وغیرہ لائے جاندے نیں۔

فیر صنعتی دور دا آغاز ہو یا، یورپی حاکماں دے آن نال ہندی دھرپدی دھرتی اُتے وی ترقی دا نواں دور شروع ہو یا تان پنجاب وچ خیال توں وکھ ہلکی پھلکی نیم کلاسیکی موسیقی دا مڈھ بجھا۔ ایس موسیقی وچ ٹھمری، دادرہ، قول، قلبانہ توں اگے ودھ کے غزل تے گیت وی شامل ہونا شروع ہو

گئے۔ غزل بھادیں بوہتی اردو وچ سی پر پنجاب دے گلوکاراں ایس صنف وچ اونا ای بھرواں حصہ پایا جنا پنجاب دے شاعراں نے اردو غزل نوں لکھن وچ حصہ پایا سی۔ گیت دی صنف پنجاب دی گائیکی وچ بھادیں پچھے درج کیتیاں صنفاں دے نال ای شروع ہوئی پر ایہہ صنف اج وی کسے نہ کسے کچھ نال جاری ساری اے۔ ایہدا تعلق لوک گیتاں وانگوں انسانی جذبات دے نال بوہتا لگا کھاندا اے۔ آخرتے اسیں پنجاب دے لوک گیتاں دی اک اہم ترین صنف ٹپا بارے دسنا چاہواں گے۔ ٹپا پنجاب وچ صدیاں توں گایا جا رہیا اے۔ ایس صنف بارے تاریخاں وچ ایہہ وی ملدا اے کہ پنجاب وچ دور دراز دے سفران تے جان والے پٹری واس جدوں جانوراں تے بیٹھ کے قافلے دی صورت گھراں چوں نکلدے تاں سارے رستے ٹولیاں دی شکل وچ ٹپا گاندے ہوئے جاندے۔ ٹپا دی صنف نے پنجاب توں باہر اپنی مقبولیت حاصل کیتی کہ لکھنؤ دے اک مشہور گویے میاں شوری خاص طور تے پنجاب وچ آئے تے پٹری واساں نال اک لماعرصہ گزار کے واپس گئے۔ اوہناں کلاسیکی موسیقی وچ اک نویں صنف ”ٹپا“ دی نینہ رکھی۔ منشی محمد کرم امام خاں لکھدے نیں:

”اب خیال فرمانا چاہیے کہ آگے اس ملک میں رواج گانے ٹپہ کا نہ تھا۔
 مسمی غلام نبی متخلص شوری نے اس کار میں زبان پنجاب ملائم و خوبصورت
 تصور کر راہی ملک پنجاب ہوا۔ وہاں چندے قیام کر زبان پنجاب حاصل کر
 کے پھر واپس لکھنؤ ہوا اور ہر ایک راگ و راگنی میں ٹپا بنایا اور گایا،“ (16)

حوالے

- 1- محمد آصف خاں: پنجابی بولی دا پچھوکر؛ پاکستان پنجابی ادبی بورڈ، لاہور، 1996ء ص 50
- 2- نواب علی خاں، ٹھاکر: معارف النعمات؛ ادارہ فروغِ فنِ موسیقی، لاہور، ج 1، ص 34
- 3- اردو دائرہ معارفِ اسلامیہ؛ ج 15، ص 616
- 4- سرفراز قاضی، ڈاکٹر: لوک گیتاں دافنی تجزیہ؛ عزیز پبلشرز، لاہور، 1998ء ص 29
- 5- Encyclopedia Britanica, V.IXth. P.578
- 6- نواب علی خاں، ٹھاکر: معارف النعمات؛ ادارہ فروغِ فنِ موسیقی، لاہور، ج 1، ص 34
- 7- محمد آصف خان: پنجابی بولی دا پچھوکر؛ ص 50
- 8- سرفراز قاضی، ڈاکٹر: پنجابی لوک گیتاں دافنی تجزیہ؛ ص 33
- 9- فخرالاسلام، مفتی: ہندوستانی موسیقی؛ ادارہ انیس اردوالہ آباد، س-ن، ص 16
- 10- وزیر آغا، ڈاکٹر: اردو شاعری کا مزاج؛ لاہور، 1996ء ص 169
- 11- فخرالاسلام، مفتی: ہندوستانی موسیقی؛ ص 27
- 12- افضل پرویز: نواہائے راز؛ ادارہ ثقافت پاکستان اسلام آباد، 1983ء ص 17
- 13- فخرالاسلام، مفتی: ہندوستانی موسیقی؛ ص 17
- 14- افضل پرویز، نواہائے راز؛ ص 29
- 15- محمد اسلام شاہ، سید: موسیقی تے پنجاب؛ مکتبہ اعظم، لاہور، 1988ء ص 53
- 16- امام خاں، محمد کرم نشی: معدن الموسیقی؛ ص 39

Khoj
 Research Journal Deptt. of Punjabi
 Language & Literature
 Punjab University Lahore (Pakistan)
 Vol:68, Jan.-June, 2012, pp 69-80

کھوج
 تحقیقی مجلہ شعبہ پنجابی زبان و ادب
 پنجاب یونیورسٹی لاہور (پاکستان)
 جنوری - جون 2012ء، مسلسل شماره 68

وحدت عین عیان تے خواجہ غلام فرید دی شاعری

☆ ڈاکٹر نبیلہ رحمن

Abstract

Khawaja Ghulam Farid is a great classical poet of Punjabi language. He belongs to Chishti order of Sufism. It is therefore "Wahadatul Wajudi" thoughts have de-impacted on his poetry. In subcontinent, both Qadri & Chishti order have received more effects of this thought, more than any other order (the people have been committed). The practitioners of those order promoted love, brotherhood, unity and harmony among the peoples. Khawaja's Poetry is complete with this thought.

وحدت الوجودی فلسفہ کائناتی فلسفے نوں قبولن دے نال جڑیا ہون کر کے ہر اک دے
 من نوں بھاندا اے۔ صوفیاں ایس دے پرچار نال لوکائی اندر سانجھ اُساری داکم لیا۔ ایہہ فلسفہ

☆ پروفیسر شعبہ پنجابی، پنجاب یونیورسٹی اورینٹل کالج، لاہور

ابن عربی کول قدرے زیادہ کھلار تے نکھارناں موجود اے، جیہناں دا خیال اے کہ کائنات تے خُدا اکتونیں، اکتوہجے تون وکھ نہیں، ایس دلیل نوں اوہ انج وچار دے نیں:

1- کوئی شے عدم تون وجود وچ نہیں آسکدی ایس لئی ایہہ عالم ازل تون موجود اے اتے ایس وچ موجود ساریاں چیزاں کسے نہ کسے پاروں اکتوہجے تون مختلف نیں پر ایہناں سبھناں وچ سانجھ وجود دی اے سو وجود دی وحدت نوں مناپوے گا۔

2- قدیم (جیہڑا ازل تون موجود اے) حادث (جیہڑا پیدا کیتا گیا) دا سبب نہیں ہوسکدا ایس لئی حادث دا وجود حقیقی نہیں ہوندا، حقیقی وجود صرف قدیم اے تے اکتوہجے اتے اوہ وجود صرف خُدا دا اے جیہڑا کائنات دی ہر شے وچ موجود اے۔

3- قرآن وچ آکھیا گیا گن (ہوجا) فیکون (ہو گیا) ابن عربی آکھدے نیں گن دا مخاطب خدا دیاں اپنیاں صفتاں ہی سن جیہڑیاں کائنات دی شکل وٹا گئیاں۔ دوہجے لفظاں وچ ذاتِ الہی نے اپنیاں ہی صفتاں نوں آکھیا 'ہوجا' تے صفتاں کائنات بن گئیاں۔ ایس لئی

کائنات ذات (خُدا) تون وکھ نہیں ہوسکدی۔ ابن عربی دا کہن اے **وجود الحق مخلوقاتاں دا وجود عین خالق اے**

4- خدا کائنات دا سبب اے تے کائنات مسبب، سبب اپنے مسبب تون وکھ نہیں ہو سکدا۔

پنجاب وچ ایس نظریے نے اک عقلی شعور پیدا کیتا جس نے اک سانجھ نوں جنم دتا جس دے سُرخیل اتھے دے صوفی تے سادھن، علی عباس جلال پوری آپ دی ایس فکرنوں عقلی سطح اُتے سمجھان لئی لکھدے نیں:

”ابن عربی نے اپنے وحدت الوجود دے نظریے نوں احدیت معقولی کہیا سی جس دا مطلب ایہہ ہے کہ وحدت الوجود سراسر عقلی تے منطقی اے۔ اوہناں دے ایس نظریے نوں اتحاد وی کہیا جاندا اے تے اوہناں دی پیروی کرن والیاں نوں اتحادین کہندے ہن کیونکہ اوہناں دے عقیدے مطابق کائنات تے خدای ذات وچ کامل اتحاد پایا جاندا اے“۔⁽¹⁾

خواجہ غلام فرید نے اس فلسفے نوں کئی طرح بیان کیتا اے، اک تھان پیر، پنجمبراں،

اوتاراں، غوثاں، قطباں، ولیاں، فلسفیاں، عالماں دیاں مثالاں دے کے ذات احد دے بھید
 نوں انج بیان کر دے نیں:

کہاں پاؤں کہاں پاؤں یار
 جن انسان ملائک سارے
 کیا سگلا سنسار
 حیرت دے قلزم وچ کل تھئے
 مستغرق سرشار

کہاں پاؤں کہاں پاؤں یار

صوفی شاعل گیانی دھیانی
 گئے اوڑک سبھ ہار
 عرشی اتے بسطامی لگ
 روون زاروزار

کہاں پاؤں کہاں پاؤں یار

بطیموس تے فیثاغورس
 کر کر سوچ بچار
 کھوج سراغ نہ پایا پتا
 تھک بیٹھے تن مار

کہاں پاؤں کہاں پاؤں یار

بُدھ مجوس یہود نصارا
 ہندو تے دین دار
 آکھن پاک منزہ ہے
 بے انت الکھ اپار

کہاں پاؤں کہاں پاؤں یار

پیر پیغمبرِ غوثِ قطب
کیا مرسل کیا اوتار
کرن منادی رو رو کے

لایب ر ک ر الالب ر ر

کہاں پاؤں کہاں پاؤں یار

عالم فاضل عارف کامل
عجز کینا اقرار
آکھ فرید نما ناں بھولا
توں وچ کون قطار

(2) کہاں پاؤں کہاں پاؤں یار

انسان دا وجود بارے سب توں پہلا سوال ایہہ ہوندا اے اوہ کون ہے؟ اوہ حیرت نال
پُرچیا سوچدا اے کہ ہر رنگ وچ رت کویں موجود اے ایس امرنوں اوہناں ہوو مثالان دے
دے سمجھایا ہے:

حسن فتح سب مظہر ذاتی

ہر رنگ میں بیرنگ پیارا

ن راز انوکھا ن آقا ر ب

و ش و علیا ہوکا م

سمجھ سونجانو عالم لوکا

(3) ہے ہر روپ میں عین نظارہ

ایسے گل نون خواجہ فرید آسان لفظان وچ انج وی سمجھاندے نیں:

بن دلبر شکل جہاں آیا

(4) ہر صورت عین عیان آیا

خواجہ غلام فرید اپنی شاعری وچ اک سوجھوان، عالم تے فلسفی دے روپ وچ
نظر آؤندے نیں جیناں لئی کائنات اک سوال بنی کھڑی اے ایہہ کیہ ہے؟ ایس نون کس نے

سرچیا؟ ظاہر کیہ اے باطن کیہ؟ او تھے کیہ اے؟ میں کون آں؟ ایہہ سارے اوہ سوال میں جیہناں دا جواب اوہناں نوں اپنے اندروں لہدا اے جتھے باطن دی اکھ اوہناں نوں کائنات دے بھید دکھاوندی اے شیخ سعدی نے بوستان وچ اک تھاں فرمایا اے:

الست از ازل ہم چُناں شاں بہ گوش

بفریادِ قَـلِّ اَلرَّخِشِ وَبَـلِّ اَلْجَـلِّ

(روز ازل توں ایہناں اللہ والیاں دے کناں وچ اَلرَّخِشِ بِـلِّ اَلْجَـلِّ اَلْمُخِجِّ مَرَج

رہی اے کہ ایہہ محبتاں دے مارے قَالُوْا بَلِّ قَالُوْا بَلِّ اے اپنے عشق دی آگ نوں بھڑکاندے رہندے نیں)

آصف خاں ہوری ایس کیفیت نوں انج بیان کردے نیں:

”ساڈے سارے بزرگاں بھاویں اوہ وحدت الوجودی سن یاں وحدت الشہودی ایہہ واضح کیتا ہے کہ اوہ ایہہ گلاں اپنے روحانی تجربے دی بنیاد تے کریندے پئے ہن۔ اسیں کیوں جو کدے وی اجیے تجربے وچوں نہیں لنگھے، ایہہ سبھ کجھ ہنڈایا نہیں، ایس پاروں ایہناں بارے پکا تھتھا کجھ، کہن جو گے نہیں،“ (5)

خواجہ غلام فرید اپنے ایس روحانی تجربے بارے لکھدے نیں:

انہد مُرلی شور مچایا
گُر نے پورے بید بتائے
عقل فکر سب فہم گمائے
مدہوشی وچ ہوش سکھائے
سارا سفر عروج سمجھایا
انہد مُرلی شور مچایا

وحدت عین عیان ڈھوسے
طمس حقیقی سمجھ لپوسے
مخفی کل اظہار تھیوسے

ہر گن گیان دے گیت نوں پایا
انہد مُرلی شور مچایا

تھئے واضح مشہور دقائِق
تھئے لائِح انوار حقائق
ظاہر کُجھ سب کجھ دے لائق
قرب تے بُعد دا فرق اُٹھایا (6)

اپنی ایس وحدت الوجودی فکر نوں بیان لئی خواجہ غلام فرید نے اپنے وسیب دیاں تشبیہاں، استعارے تے علامتاں ورتیاں۔ میر حسان الحیدری چانڈیوالیوں حوالے نال لکھدے نیں:

”خواجہ فرید کو اپنی دھرتی، اپنے وسیب اپنی تہذیب و ثقافت اپنے وسیب
راستوں، بستیاں، قصبوں، درختوں، پرندوں، پھولوں اور پھلوں سے گہری
محبت اور روحانی لگاؤ ہے وہ شاہ عبداللطیف بھٹائی کی طرح اپنی دھرتی،
اپنے ماحول اور اپنے وسیب کی ہر ایک چیز سے بے پناہ محبت کرن والا شاعر
ہے۔“ (7)

خواجہ غلام فرید دے اندر موہ، محبت دا ایہہ بوٹا روہی، پُئل، سسی، پیلو، ٹوبھہ، ماگھ،
چیترا، ماروتھل دی صورت وچ موجود اے پر اصل صورت اوس ذات دی ہی ہے جیہڑی اوہناں
نوں ایہناں شیواں تے رُتاں وچ نظر آؤندی اے، اوہناں اپنے اندر دُھروں لگی عشق دی
جوت نال ’ہک‘ اور صرف ’ہک‘ دی سوچ نوں اوس سماج وچ اوہناں وسیب استعاریاں راہیں انج
کھنڈایا کہ نوآبادیاتی نظام دے مختلف حوالیاں نال محرومی محسوس کردے طبقیوں نوں موہ دی تار
نال بندھ دتا، اتے ایہہ اک فقیر ہی کر سکا اے۔ خواجہ صاحب اپنے عہد وچ پرچلت عقیدیاں
دے کٹڑ پن اتے فلسفہ وحدت الوجود دے وچکار اُٹھن والے اختلاف توں وی چنگی طرح جانو
سن اوہ جان دے سن کہ ایہناں دونوں سوچاں تے فکراں وچکار اختلاف مُکان لئی تشریحاں
تے تفسیراں ناکافی نیں۔ ایس لئی اوہناں کدرے دی ایہناں وچکار ربطیاں جُوت دی گل نہیں

کیٹی سگوں عقیدہ پرستی نوں بند کے وحدت الوجودی فکر نال جُوت دا اعلان کیتا جیہدا اظہار اوہناں دی شاعری دی صورت نظر آؤندا اے۔ ذاتِ حق دے وسیلے نال ہر ہر وچ اوس دی ای صورت اوہناں دے عشقِ دائمہ بولدا ثبوت اے۔ ایہہ عشق اوہناں نوں کائنات دی رنگارنگی دکھاندا اے، ونون بہار دکھاندا اے، روہی دی صورت، رانجھے دی صورت، اتے منصور دی صورت، فخر الدین دی صورت جس نال اوہناں نوں بلھے شاہ وانگوں انتاں دا عشق ہے فرماندے نیں:

یار کوں کر مسجود
چھڈ دے بیو معبود
ہر صورت وچ یار کوں جانیں
غیر نہیں موجود
سبھ اعداد کوں سمجھیں واحد
کثرت ہے مفقود
فخر الدین مٹھل دے شوقوں
دم دم نکلم دور (8)

وحدت الوجودی فکر اتے اوس دور دی سیاست، سماج، اتے مذہب اُتے نفسیاتی اثرات نے خواجہ غلام فرید دے خیالاں نوں اکسارتا دتی ایسے لئی اوہناں دی فکر وچ سانوں بے پناہ انسان دوستی تے روشن خیالی اتے فرقہ بندی، عقیدہ پرستی توں بے زاری نظر آؤندی اے۔ لیکن اوہناں دی وحدت الوجودی فکر دا خاصا ایہہ وے کہ اوہ انسانی خودی دی نفی نوں روحانی معراج نہیں سمجھدے سگوں ایہناں دے ہاں فردی آزادی تے خود اعتمادی قائم رہندی اے بظاہر ایہ گل اچرج جاپدی اے کہ ابن عربی تے منصور دی فکر اپنان والا صوفی خودی تے خود اعتمادی دی گل کویں کر دا اے؟ لیکن خواجہ غلام فرید ہوراں دی ایس فکر دا خاصا ایہہ ہے کہ آپ اک فردی ہستی نوں مطلق ہستی وچ ضم نہیں کر دے یاں رلا نہیں دیندے سگوں فرد تے ذات دے میل نوں اعلیٰ آدرش جان دے نیں اتے ایہ آدرش اودوں حاصل ہوندا اے جد انسان دوئی نوں مکا دیوے، اوہ آکھدے نیں:

تُھ وہم خطرے دی ادا
 ڈو جھا نوہی ہے ہک خُدا
 اندر تے باہر ہے سدا
 موجود حق موجود حق

تُوں بن فقط بیا کو نہیں
 مُنڈھوں غیر دی اتھ بو نہیں
 ہے ہک سدا تے ڈو نہیں
 ہک نال تھی ہک سٹ فرق⁽⁹⁾

خواجہ غلام فرید دے کہن موجب جد خودی مضبوط ہوندی اے تے اپنا آپا مکمل کردی
 اے، اپنے آپ نوں سیہانندی اے۔

ڈاکٹر شہزاد قیصر، خواجہ غلام فرید دی ایس فکر نوں اسلام دے مابعد الطبیعیاتی نظام نال
 جوڑ دے ہوئے اوہناں نوں بایزید بسطامی، منصور حلاج تے ابن عربی دا تابع قرار دیندے نیں
 تے خواجہ غلام فرید دی مابعد الطبیعیاتی فکر دے حوالے نال ایہہ رائے دیندے نیں:

He commits himself to the traditional metaphysics of Islam. The structure of his metaphysics is characterized by the doctrine of Oneness of Being (wahdat al wajud), which accounts for the undifferentiated Reality and the differentiated one, by virtue of the Principle of Ahmad (Logos) and gives a metaphysical vision of wholeness. He accepts the doctrinal formulations of Oneness of Being (Wahdat al Wajud) as held and realised by a number of sufies including Bayazid Bistamai,

Mansur Hallaj and Ibn-Arbi. (10)

کالاسنگھ بیدی آپ دی ایس فکر بارے ایہہ وچار پیش کر دے نیں:
 ”آپ توحید وجودی دے قائل سن اتے ایسے منزل توں ہی تصوف وچ
 توحید۔ وجودی دا خیال پیدا ہوندا ہے۔ خواجہ صاحب نے اس تصور نوں
 سچائی دا پوشا کا پاؤن لئی عشق دا گوڑھا رنگ بھر یا اتے اس نوں اپنے نجی
 تجربات دے آدھار اُپر اس قدر نکھار یا کہ عشق مجازی دی جلن، اس حقیقی
 عشق دے ٹا کرے وچ پھلّی پئے گئی۔“ (11)

خواجہ غلام فرید ہمہ اوستی فکر دا پرچار کر دے ہوئے انسان نوں کائنات دے بھید جان
 دی اتے اوہناں لطفان نوں مانن دی پرینا دیندے نیں جیہڑے اوہ آپ ویکھ چکے نیں تے
 اوس سرور وچ مست نیں:

ہمہ اوست دے بھید نیارے
 جان وحدت دے ونجارے
 ہر ہر شے وچ کرن نظارے
 اصل تجلّی طوری نوں (12)

اصل وچ حقیقی عشق انسان دے وجود نوں شیشہ کر دیندا اے جس وچ اوہ ذات دے
 جلوے ویکھد انہیں رجا۔ محمد اسلم میتلا اس حوالے نال لکھدے نیں:

”عشق ایک ایسا جذبہ ہے جس کے ذریعے انسان حُسن حقیقی کی جھلک اپنے
 دل کی دُنیا میں دیکھ لیتا ہے اس جذبے کو خواجہ صاحب نہایت عزیز جانتے
 ہیں ان کا عشق مجازی بھی ہے اور حقیقی بھی۔ وہ حُسن حقیقی کا گرویدہ ہو کر
 اُس کے مظاہر کی تلاش کرتے ہیں اور کائنات انہیں نئے رنگ اور نئے
 روپ میں دکھائی دینے لگتی ہے،“ (13)

قسم خدا دی قسم نبی دی
 عشق ہے چیز لذیذ عجیب
 خواجہ غلام فرید ہوراں دا دین ایمان، ظاہر باطن، عشق ہے جیہڈے نظارے اوہناں

نوں ہر دم اڈلے لگدے نیں:

سُن سمجھ ڑے زاہد جاہد توں
 ہن عشق دے اے کلمات عجب
 ہے گاہہ عجب ہے حال عجب
 ہے چال عجب ہے گھات عجب
 ہے ذکر عجب ہے فکر عجب
 ہے نفی عجب اثبات عجب
 ہک ذاتوں سہسن ذوات عجب

اسما افعال صفات عجب⁽¹⁴⁾

عشق تے وحدت دا ایہہ فلسفہ خواجہ غلام فرید دے دور دے عمرانی حالات دے پچھو کڑ
 وچ دیکھیے تے اک فکری وحدت اُسردی نظر آؤندی اے اتے انج بابا فرید توں لے کے خواجہ
 غلام فرید تیکر چشتی فکری دھارے دا گوہ لگدا اے، بابا فرید جیہناں اپنے ویلے دیاں لوڑاں نوں
 جان کے لوکائی دی شخصی یاں ظاہری تربیت کیتی اتے خواجہ غلام فرید نے او سے سوچ نوں اگانہہ
 ودھان دیاں باطنی تربیت دین دے نال نال سماجی شعور دتا، لوکائی دیاں اوڑاں دا اُپا کیتا۔ اوں
 سے وچ نو آبادیاتی نظام دے جبر تے سوڑ وچوں سکھ دا ساہ دوایا جیہدے لئی اوہناں وحدت
 دے فلسفے نوں اپنایا تے اپنے چشتی فکری دھارے دی پالنا کیتی جیہدے دو وڈے گن سانجھ تے
 محبت دے نیں۔ ایہہ دو وین گن خواجہ صاحب دی ذات دا نورسن ایس لئی اوہناں دی شخصیت
 محبت دا مرکز بنی تے اج وی لوکائی نوں چائن دیندی اے۔

حوالے

- 1- علی عباس جلال پوری: وحدت الوجود تے پنجابی شاعری؛ پاکستان پنجابی ادبی بورڈ، لاہور 1993ء ص 169
- 2- محمد عزیز الرحمن: مرتب، مترجم و مشرح۔ دیوان فرید: اردو اکیڈمی، بہاولپور 1995ء 183-185
- 3- ایضاً ص 20-21
- 4- ایضاً ص 8
- 5- محمد آصف خان۔ مرتب: آکھیا بلتھے شاہ نے؛ پاکستان پنجابی ادبی بورڈ، لاہور 1992ء ص 34
- 6- محمد عزیز الرحمن: مرتب، مترجم و مشرح۔ دیوان فرید؛ ص 5-6
- 7- میرحسان الحیدری چانڈیو: ترتیب، حواشی، مقدمہ۔ اردو دیوان فرید؛ سرائیکی ادبی مجلس (رجسٹرڈ)، بہاولپور 2005ء ص 30-31
- 8- اسلم رانا، ڈاکٹر: انتخاب کافیاں خواجہ غلام فرید مٹھن کوٹی؛ عزیز پبلشرز، اردو بازار، لاہور 1992ء ص 89
- 9- ایضاً ص 220
- 10- Shazad Qaisar, Dr.: Translation and Introduction- The Message of DIWAN-FARID: Suhail Academy, Lahore 2009 P-xxi-xxii
- 11- کالا سنگھ بیدی، ڈاکٹر: سنگر بیہ کوتا؛ کافیاں خواجہ غلام فرید، پہلی کیشنز بیورو، پنجابی یونیورسٹی، پٹیالہ 1997ء xxix
- 12- محمد عزیز الرحمن: مرتب، مترجم و مشرح۔ دیوان فرید؛ ص 397
- 13- محمد اسلم میتلا: تذکار فرید؛ سرائیکی ادبی بورڈ، ملتان 2002ء ص 123
- 14- محمد عزیز الرحمن: مرتب، مترجم و مشرح۔ دیوان فرید؛ ص 67

اج دا سچ کل جھوٹھ دا ورقہ نوں کتاب دے اندر
پانی دی اک جھلک جہی اک نوں سراب دے اندر
(نظم: ویلے توں وڈی کوئی حقیقت، منیر نیازی)

Khoj
 Research Journal Deptt. of Punjabi
 Language & Literature
 Punjab University Lahore (Pakistan)
 Vol:68, Jan.-June. 2012, pp 81-88

کھوج
 تحقیقی مجلہ شعبہ پنجابی زبان و ادب
 پنجاب یونیورسٹی لاہور (پاکستان)
 جنوری - جون 2012ء، مسلسل شماره 68

سعدی شناسی و پنجابی لکھاریاں دا حصہ

☆ ڈاکٹر محمد اقبال ثاقب

Abstract:

Hazrat Sheikh Saadi major part of his thoughts included in his famous books "Gulstan" and "Bustan". To spread Saadi's thought among the people unaware of Persian language, some translators other then "Gulstan and Bustan" translated all books of Saadi into deferent languages of the world. In this work of translation punjabi writers also contributed a lot. In this article these translations are discussed.

حضرت شیخ سعدیؒ نے اپنی سوچ دا وڈا حصہ اپنی مشہور و معروف کتاباں ”گلستان“ تے ”بوستان“ وچ بیان کیتا اے۔ سعدیؒ دی سوچ نوں فارسی نہ سمجھن والے لوکاں وچ پھیلاون لئی گلستان تے بوستان دے علاوہ سعدیؒ دیاں ساریاں کتاباں دے وٹوون زبانان وچ ترجمے

☆ صدر شعبہ فارسی، جی سی یونیورسٹی لاہور

کہتے گئے۔ ایس کم وچ پنجابی لکھاریاں وی اپنا حصہ پایا اے۔ ایس مقالے وچ ایہناں کتاباں دا ویروا کیتا گیا اے۔

برصغیر دی دھرتی اُتے انگریزاں دے عمل دخل توں پہلاں فارسی زبان نے دینی، دفتری تے علمی زبان دی حیثیت نال اپنے پیر جمائے ہوئے سن تے فارسی زبان دے ایس رُکھ دی عمر گھٹ ودھ اک ہزار سال ہو گئی سی۔ انگریزاں دے آون مگروں فارسی دی ایہہ شان و شوکت قائم نہ رہ سکی تے انگریزاں نے اپنی زبان انگریزی نوں رواج دین لئی فارسی دیاں جڑاں وڈھیاں شروع کر دیتیاں۔ انگریزاں نے فارسی زبان نوں ایہتوں تیکر نقصان پہنچایا کہ ایہہ خطرہ پیدا ہو گیا جے ایس دھرتی دے لوک گلستان، بوستان اتے کریمیا ورگیاں اخلاقی تے علمی کتاباں نوں بھلا دین گے۔ ایس خطرے دے احساس نے کجھ دانشمنداں نوں مجبور کر دتا جے اوہ ایس قیمتی میراث نوں اگلی نسل تک پہنچاؤن لئی ایہناں کتاباں دا علاقائی زباناں وچ ترجمہ کرن۔ برصغیر وچ اُردو توں وکھ سعدی دیاں کتاباں دے بنگالی، سندھی، پشتو، سنسکرت، پنجابی اتے دوجیاں مقامی زبان وچ ترجمے کیتے گئے۔ اتھے کجھ دستیاب ترجمیاں دے بارے جانکاری دتی جا رہی اے۔

گلستانِ سعدی دے پنجابی ترجمے

o غلام مصطفیٰ نوشاہی ہوراں نے ”کریمیا“ دے ترجمے توں بعد ”گلستانِ سعدی“ دا ترجمہ کیتا۔ کتاب دے اخیر وچ اوہناں ایس ترجمے دی تاریخ 20 جون 1925ء لکھی اے۔ گلستان دے ایس ترجمے دے نال کریمیا دے ترجمے نوں شامل کر کے جناب محمد سرفراز ظفر ہوراں نے اک کتاب دی صورت وچ مرکز تحقیقاتِ فارسی ایران و پاکستان اسلام آباد تے ادارہ معارفِ نوشاہیہ دی مدد نال 1985ء وچ چھپوا دتا۔ ایس کتاب وچ گلستان دے کل 674 صفحے تے کریمیا دے کل 33 صفحے نیں۔

o عبدالغفور اظہر ہوراں نے گلستانِ سعدی نوں پنجابی زبان وچ ترجمہ کیتا تے ایہہ ترجمہ خطی نسخے دی صورت وچ کتاب خانہ اقبال صلاح الدین، اوکاڑا (پنجاب) وچ موجود

اے۔ خطی نسخے وچ ایس ترجمے دی تاریخ 1973 عیسوی درج اے۔ ایس ترجمے دی خاص گل ایہہ وے جے مترجم نے نظم دا ترجمہ نظم وچ تے نثر دا ترجمہ نثر وچ کیتا اے۔ آغاز: ”اک بادشاہ دے بارے سُنیا سی پئی اوہنے اک قیدی دے“.....⁽¹⁾ توں ہوندا اے۔

o حکیم فضل الہی ہوراں نے گلستانِ سعدی دا منظوم پنجابی ترجمہ کیتا تے ایہہ ترجمہ 1938ء وچ چراغِ دین تے سراجِ دین دی کوشش نال لاہور وچ چھاپے چڑھیا۔ ایس کتاب دے کل 320 صفحے نیں۔

o محمد بشیر احمد نظامی بہاولپوری ہوراں نے ”گلستانِ سعدی“ دیاں 101 حکایتاں دا ”سعدی آکھیا“ دے عنوان نال لہندی پنجابی وچ ترجمہ کیتا۔ مترجم نے ایس کتاب نوں 8 گلدستیاں وچ ونڈ کے 1988ء وچ بہاولپور توں شائع کیتا۔ ایہہ کتاب گل 130 صفحیاں تے مشتمل اے۔⁽²⁾

o دائم اقبال دائم ہوراں وی گلستانِ سعدی دا پنجابی زبان وچ ترجمہ کیتا اے۔ ایہہ ترجمہ 1981ء وچ مکتبہ رومی تے جامی منڈی بہاء الدین دے تعاون نال چھاپیا گیا۔ ایہہ کتاب 152 صفحیاں تے مشتمل اے۔⁽³⁾

o محمد شریف صابر ہوراں نے ”سعدی نامہ“ دے عنوان نال گلستان تے بوستان دا پنجابی ترجمہ کیتا اے۔ ایس کتاب نوں پنجاب انسٹیٹیوٹ آف لیگنوج، آرٹ اینڈ کلچر لاہور دے اوس ویلے دے ڈائریکٹر جناب ڈاکٹر محمد عباس نجمی ہوراں نے چھاپن دا پر بندھ کیتا۔ ایہہ کتاب پنجاب انسٹیٹیوٹ ولوں پہلی وار 2009ء وچ چھاپی گئی۔ کتاب دے شروع وچ ”مترجم دیاں خیال اڈاریاں“ دے عنوان نال اک تحریر شامل اے جس وچ مترجم نے ایس ترجمے دی اہمیت تے ضرورت بارے اِنج بیان کیتا اے:

”ست صدیاں تائیں شیخ سعدی جیہڑے برصغیر دے لوکاں دے دل دماغ اُتے اپنا سکھ جمائی بیٹھے رہے نیں، اساں اوہناں دی علمی دولت اپنی مٹھ وچ لے کے مٹھ میٹھ رکھی سی۔ پراسانس تے ٹیکنالوجی دے ایس دور وچ سعدی دے علمی موتی ریت وانگوں ساڈی مٹھ وچوں کر رہے نیں۔“

ہن بے سعدی نامہ پنجابی زبان وچ ترجمہ کر دتا جاوے تاں پنجابی بولن
تے سمجھن والے لوکاں دے ذہناں اُتے شیخ سعدیؒ دی علمی پکڑ چوکھی پکی
تے پیدھی ہو جاوے گی تے ایہہ علمی ورثہ اگلیاں نسلاں تاںیں اپڑ
جاوے گا، (4)

ایس تحریر توں بعد ”شیخ سعدیؒ، اک معلم اک ہادی“ دے عنوان نال جناب محمد رشید
ظفر ہوراں دی وی اک تحریر چھاپی گئی اے جیہدے وچ سعدی دے حالات زندگی، سیر و سیاحت
اتے کتاباں بارے بیان کیتا گیا اے۔ ایہہ ترجمہ فارسی متن دے بغیر چھاپیا گیا اے۔ گلستان
دے ترجمے دا آغاز اِنج ہوندا اے:

”عزت تے جلالت والے خدا دا احسان مند ہاں کہ جیہدی حکم عدولی نہیں سگوں آ گیا
کاری اوہدے نیڑے ہون دا سبب اے تے اوہدے شکر وچ سگوں ودھ نعمت اے۔ ہر ساہ
جیہڑا تھلے جاندا اے اوہ حیاتی دا مددگار اے تے جدوں باہر آوندا اے جی نوں فرحت دیندا
اے۔ پھیر ہر ساہ وچ دو نعمتاں موجود نیں ہر نعمت اُتے اک شکر واجب اے۔“

بیت

جو کچھ وی ہتھ دی کرنی، تے زبان دا بول اے، اوہ اوسے (خدا) دا شکر ادا کرن دی
ذمہ داری پوری کرن واسطے وے۔ ”اے داؤد دے گھر دیوٹسیں شکر گزاری کرو تے میرے
بندیاں وچوں شکر کرن والے تھوڑے نیں،“ (5) گلستانِ سعدی دا پورا ترجمہ 247 صفحیاں تے
چھاپیا گیا اے۔

بوستانِ سعدی دے پنجابی ترجمے

o غلام مصطفیٰ نوشاہی ہوراں نے کریماتے گلستانِ سعدی دے پنجابی زبان وچ
ترجمے مگروں بوستانِ سعدی دا وی پنجابی ترجمہ کیتا۔ ترجمے دی ایہہ کتاب خطی نسخے دی صورت
وچ کتاب خانہ نوشاہیہ ساہنپال، گجرات وچ محفوظ اے۔ بوستان دا فارسی متن بشیر احمد بشارت
نوشاہی دے قلم دا لکھیا ہویا اے اتے پنجابی ترجمے دی کتابت خود مصطفیٰ نوشاہی ہوراں نے کیتی

اے۔ ایہہ خطی نسخہ 470 صفحات پر مشتمل اے۔ ایس نسخے دی کتابت 1932ء وچ مکمل ہوئی۔
مقدمے توں بعد ایس نسخے دا آغاز ایہناں لفظاں نال ہوندا اے:

”بنام جہاندار... شروع کرناں میں ایس کتاب نوں نال نام جہان رکھنے
والے دے“، (6)

o پنجابی دے اک نامعلوم لکھاری نے بوستانِ سعدی دا پنجابی ترجمہ کیتا۔ ایس ترجمے
دے مترجم دی طرح سالِ تالیف وی نامعلوم اے۔ ترجمے دی ایہہ کتاب خطی نسخے دی صورت
وچ کتاب خانہ قریشیہ گجرات وچ محفوظ اے تے ایس دے ورقیاں دی تعداد 212 اے۔ نسخے
دا آغاز ایہناں لفظاں نال ہوندا اے:

”شروع کرناں ہاں میں جہان رکھنے والے اتے جان پیدا کرنے
والے“، (7)

o محمد شریف صابر ہوراں نے ”سعدی نامہ“ دے عنوان نال گلستان تے بوستان دا
پنجابی ترجمہ کیتا اے۔ سعدی نامہ دا تفصیلی ویروا ایس توں پہلاں ہو چکیا اے۔ بوستانِ سعدی دا
مکمل نثری ترجمہ صفحہ 251 توں شروع ہو کے 482 تے ختم ہوندا اے۔ بوستان دے ترجمے
دے اخیر وچ اک صفحے اُتے صابر ہوراں دی زندگی اتے کتاباں بارے تفصیل درج کیتی گئی
اے۔ بوستان دے ترجمے دا آغاز ایج ہوندا اے:

”اوس اللہ دے ناں نال شروع کردا ہاں جیہڑا وڈا مہربان، نہایت رحم والا
اے۔

جہان نوں قائم رکھن تے جان نوں پیدا کرن والے خدا دے ناں نال
شروع کردا ہاں۔ جیہڑا اجیہا حکیم اے کہ زبان نال گل پیدا کرن والا اے،
امداد لئی ہتھ پھرن والا، بخشہار تے مالک اے۔ غلطی معاف کرن والا،
سخی تے عذر قبول کرن والا اے۔ اجیہا ڈاڈا اے کہ جیہنے وی اوہدی درگاہ
توں سر پھیر لیا تے پھیر جس وی دروازے تے گیا، کوئی آدر نہ پاپوسو۔
اُچی دھون والے بادشاہاں دے سر اوہدی درگاہ وچ عاجزی دی زمین

اُتے نیں۔ نافرماناں نوں چھیتی نہیں پھڑلیندا۔ معافی منگن والیاں نوں سختی نال نہیں چک دیندا تے جے کوچھیاں کرتوتاں پاروں غصے وچ آجاوے، تاں جدوں تُو نہہ باز آجاویں تے اوہ وی معاملہ ٹھپ دیندا اے۔“ (8)

کریمائے سعدی دے پنجابی ترجمے:

o غلام مصطفیٰ نوشاہی، ساہن پال ضلع گجرات (پنجاب، پاکستان) دے واسی نیں۔ گلستانِ سعدی تے کریمادا پنجابی زبان وچ تحت اللفظ ترجمہ کیتا۔ ایس کتاب دے شروع وچ نوشاہی ہوری لکھدے نیں کہ:

”ایہہ ترجمہ فارسی دے نویں سکھن والیاں واسطے کیتا گیا اے تے ایس ترجمے دی نثر بالکل سادہ اے۔“ (9)

مترجم نے ایس ترجمے دی تاریخ 9 جون 1924ء لکھی اے۔

o بھائی کشن سنگھ عارف امرتسری ہوراں نے کریمادا پنجابی زبان وچ ترجمہ کیتا تے ترجمے دی ایہہ کتاب 1888ء وچ لالہ نرسنگھ داس دے تعاون نال امرتسر وچ چھاپی گئی۔ ایہہ کتاب کل 32 صفحات تے مشتمل اے۔ (10)

o پنجابی دے کسے نامعلوم مترجم نے کریمادا ترجمہ کیتا۔ ایہہ کتاب 1888ء وچ مطبع چشمہ نور امرتسر وچ چھاپی گئی۔ ایس کتاب دے کل 36 صفحے نیں۔ (11)

میری ہُن تک دی جانکاری دے مطابق سعدی شناسی دے میدان وچ ایہناں لکھاریاں ای اپنا حصہ پایا اے۔ ایس اپنے موضوع دی تاریخ تے غور کریئے تے ایس دا کھلار گھٹ ودھ سو سال بن دا اے۔ کیوں جے سعدی دی کریمادا پہلا ترجمہ پنجابی زبان وچ 1888ء وچ کیتا گیا، اتے دائم اقبال دائم ہوراں دا ”گلستانِ سعدی“ دا پنجابی ترجمہ 1981ء وچ ویکھن نوں ملیا۔ ایس تاریخ تے ہور ڈونگھی جھات پائیے تے پتا لگدا اے جے پنجابی لکھاریاں دا ایس موضوع تے کم دا بہت حصہ پاکستان بن توں پہلاں دا اے۔ پاکستان بن توں بعد سعدی شناسی دے حوالے نال صرف تن کتاباں ای لکھیاں گئیاں نیں۔ ڈھیر حیرت دی

گل ایہہ اے جے 1981ء توں بعد ہُن تک پچھلے تہہ ورھیاں وچ ایس موضوع تے صرف اک کتاب ای لکھی گئی اے۔ مشرقی تے اسلامی دُنیا دے سعدی ورگے اک بہت وڈے معلم اخلاق و لوں ایس طرح منہ موڑنا بڑی بد نصیبی دی گل اے۔ لگدا اے حضرت علامہ محمد اقبالؒ تے حضرت قائد اعظم محمد علی جناحؒ نے پاکستان نوں اسلامی رسماں تے ریتاں دی جیہڑی تجربہ گاہ بناون دے ارادے نال ایس مملکت خُداداد دی نینہہ رکھی سی اسیں ایس مقصد نوں ہولی ہولی بھلدے جا رہے آں۔ اسیں جدوں دا سعدی جیہے بزرگاں دے مکتب توں اخلاق، بھائی چارہ، برداشت تے خدمت دا سبق لینا چھڈیا اے ساڈیاں آبادیاں، سکولاں تے مسیتاں نوں دہشت گردی دی آگ نے گھیر لیا اے۔ ایس آگ توں بچن لئی سانوں سعدی ورگے اُستاداں دی درگاہ تے اعلیٰ اخلاقی قدریں دے درس لئی اک واری فی ریس نوادنا پئے گا۔

O

حوالے

- 1- منزوی، احمد: سعدی برمنای نسخہ ہای خطی؛ پاکستان، اسلام آباد، 1985ء ص 177، معین نظامی: گلستان دا اک ان چھپیا ترجمہ؛ (غیر مطبوعہ مقالہ)، لاہور، ص 1
- 2- عارف نوشاہی: فہرست چاپ ہای آثار سعدی؛ اسلام آباد، 1984ء ص 112
- 3- دائم اقبال دائم: پنجابی گلستان؛ مکتبہ رومی و جامی منڈی بہاؤ الدین، 1981ء ص 1
- 4- صابر، محمد شریف: سعدی نامہ؛ پنجاب انسٹیٹیوٹ آف لینگویج، آرٹ اینڈ کلچر لاہور، 2009ء ص iii
- 5- ایضاً ص 1
- 6- منزوی، احمد: سعدی برمنای نسخہ ہای خطی؛ ص 73
- 7- ایضاً ص 73
- 8- صابر، محمد شریف: سعدی نامہ؛ ص 250
- 9- غلام مصطفیٰ نوشاہی: گلستان سعدی تے کریم (پنجابی ترجمہ)؛ اسلام آباد، 1985ء ص 1
- 10- شہباز ملک: پنجابی کتابیات؛ مطبع اکادمی ادبیات پاکستان، اسلام آباد، 1991ء ص 120
- 11- عارف نوشاہی: فہرست چاپ ہای آثار سعدی؛ ص 50

منگنا واں دولت پیاراں دی
نہیں حاجت موج بہاراں دی
ایہہ پل وچ قسمت سور دی اے
جے بھیکھ ملے اقراراں دی
ہر دُکھ نوں ملے دوا مولا
مینوں سدھے رستے پا مولا
سلیم کاشتر

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June. 2012, pp 89-94

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

ماں بولی بارے مذہبی نقطہ نظر

☆ ڈاکٹر ظہیر احمد شفیق

Abstract:

In this Article, the researcher has highlighted the point of view of different religions regarding the mother languages and has tried to prove that all the languages belongs to Almighty Allah. All the languages are important for the identification of Countries and nations, the researcher has also explained that all the mother languages are important at their on please.

آکھیا جاندا اے کہ زباناں دا کوئی مذہب نہیں ہوندا البتہ زباناں مذہباں دی لوڑ ضرور ہوندیاں نیں۔ یاں انج آکھ لئو پئی دنیا دے ہر مذہب نے اپنیاں تعلیمات تے مذہبی معاملات لئی زباناں دا ای سہارا لیا، پر خاص گل ایہہ وے کہ کسے وی پیغمبر، رسول یاں اوتار نے اللہ دے حکماں نوں عام لوکاں تیکر اپڑان لئی کدی وی کسے غیر مادری زبان دا سہارا نہیں لیا۔ جیہڑیاں

☆ اسٹنٹ پروفیسر پنجابی، پنجاب یونیورسٹی اوری اینٹیل کالج، لاہور

اسانی کتاباں نازل ہوئیاں اوہ وی اوہناں پیغمبراں دی مادری زبان وچ ای آئیاں تے پیغمبر
یاں رسول نے جس وی علاقے یاں وسوں وچ اپنیاں تعلیمات دا پرچار کیتا اوتھوں دی زبان تے
ثقافت نوں نہیں بدلایا۔ سوائے اوہناں عنصران توں جیہڑے اوہناں دی مڈھلی تعلیم نال ٹکرا
کھاندے سن۔ انج ایہہ گل نتر کے سامنے آؤندی اے کہ پیغمبراں، رسولاں تے دوہے مذہبی
آگواں دا ایہو نقطہ نظر رہیا، کہ کسے وی علاقے یاں قوم دی زبان تے ثقافت نوں نہ چھیڑیا
جائے کیوں جے انسان دی اپنی دھرتی زبان تے ثقافت نال جڑت اک فطری عمل اے۔ ایس
جڑت نوں کسے جبریاں زور نال توڑیا نہیں جاسکدا تے ایس طرح کرن نال اوتھوں دی لوکائی دا
اک سخت ردعمل سامنے آؤندا اے جیہڑا کہ بغاوت نوں جنم دیندا اے۔ جیویں محمد حسین بیگل اپنی
کتاب عمر فاروق اعظم وچ لکھدے نیں:

” (ترجمہ) زبان دا معاملہ بالکل اجیہا ای اے جیویں دین دا معاملہ۔
ایہوں لوکی اودوں تیکر اپنی مرضی نال قبول نہیں کردے جدوں تیکر اوہناں
نوں ایہہ محسوس نہ ہووے کہ ایہدے سکھن وچ اوہناں دا کوئی وڈا فائدہ
اے ایس توں بغیر زبان سکھنا تے دور دی گل اوہناں نوں کسے دوہی زبان
دے بولن اُتے وی مجبور نہیں کیتا جاسکدا۔“ (1)

ایس لئی فاتحین نے مفتوحہ علاقیاں وچ کسے خاص زبان دے فروغ تے پرچار لئی اکثر
لوبھ تے لالچ توں کم لیا تے کئی واری اوہ ایہدے وچ کامیاب ہوئے پر اکثر اوہناں ناکامی دا
منہ دیکھیا۔ ایہو وجہ اے کہ ہر مذہب نے اپنی لوکائی دی زبان نوں ای اختیار کیتا۔ زبانان دے
حوالے نال یہودی مذہب دا نقطہ نظر کجھ وکھرا اے جیہدی اوہ تورات توں روایت کردے نیں۔
اوہناں دے مطابق:

” (ترجمہ) رب نے انسان نوں پیدا کیتا تے اک زبان دتی تے جدوں
اوہناں پوڑی لا کے رب دے لاگے آنا چاہیا تاں رب نے اوہناں اُتے
عذاب نازل کیتا تے اک زبان دی بجائے کئی زبانان کردتیاں تاں جے
اوہ اک دوہے نوں سمجھ نہ سکن۔“ (2)

انجیل مقدس وچ زبانان بارے کجھ انج بیان کیتا گیا اے:

” (ترجمہ) کسی کو معجزوں کی قدرت، کسی کو روح کا امتیاز، کسی کو طرح طرح کی زبانیں اور کسی کو زبانوں کا ترجمہ کرنا لیکن یہ سب تاثیر وہی اک روح کرتا ہے اور جس کو جو چاہتا ہے بانٹتا ہے۔“ (3)

جدوں کہ قرآن پاک دی سورۃ روم وچ اللہ تعالیٰ بڑی وضاحت نال انج بیان کردے نیں:

” (ترجمہ) ضرور ایس وچ نیں نشانیاں لوکاں واسطے جیہڑے سوچدے نیں تے اوہدیاں نشانیاں وچوں ای پیدا کرنا اسماناں تے زمیناں داتے بھات بھات ہونا تہاڈیاں بولیاں داتے تہاڈے رنگاں دا ضرور ایس وچ نشانیاں دانا لوکاں واسطے۔“ (4)

قرآن پاک دی ایہہ آیت ای اصل حقیقت اے پئی خالق کائنات نے قوماں اندر بولیاں تے رنگاں، نسلاں دا فرق ایس لئی رکھیا اے تاں جے اوہ اک دوہے دی پہچان کر سکن یعنی ہر قوم دی اک خاص پہچان تے شناخت اوہدی اپنی اک دکھری بولی تے ثقافت وچ اے۔ اسٹھے ایہہ گل وی خاص اہمیت رکھدی اے کہ دنیا وچ جیہڑیاں جیہڑیاں زباناں اُتے کسے خاص مذہب پنتھ یاں عقیدے دی چھاپ لگی یا جیہناں زبانوں کسے خاص مذہب دے منن والیاں اپنے عقیدے دے پرچار لئی ورتیا، اوہ زبانوں ویلے دی ٹٹ بھج توں نہ صرف محفوظ رہیاں سگوں اوہناں بدلے لسانی حالات دا زیادہ بھرویں انداز نال مقابلہ کیتا۔ جیویں عربی زبان و ادب نوں اسلام دے آؤن توں بعد زیادہ وسعت ملی۔ کیوں جے آپ دی ولادت توں پہلاں عرب وچ ہر قبیلے دی زبان داناں اوہدے قبیلے دی نسبت نال دکھرا سی۔ آپ دے آؤن توں بعد ایہہ سارے اک ناں یعنی عربی زبان دی چھتر چھاویں آگئے تے فیر عرب فاتح جیہناں علاقیاں وچ گئے اوہناں اوٹھے دیاں زبانوں تے ادباں توں متاثر ہوکے اپنی زبانوں نوں نویں تجریاں توں آشنا کروایا۔ جدوں عرباں ایران نوں فتح کیتا تے ایہتوں دی فارسی زبان دے مضبوط علمی ادبی سرمائے توں عربی زبان و ادب وی متاثر ہویا۔ انج ای یہودیاں اپنی مذہبی زبان عبرانی نوں اپنی مذہبی عقیدت پاروں نویں سریوں دنیا دیاں زبانوں دی فہرست وچ شامل کروا دتا۔ ایس طرح ای پالی جیہڑی گوتم بدھ دی زبان سی، اوہ وی تاریخ دے پنیوں اُتے اک لما عرصہ زندہ رہی۔ ایسے طرح پنجاب وچ جدوں سکھ پنتھ دی اک وڈی تحریک نے

ایہتوں دی لوکائی نوں متاثر کیتا تے پنجابی زبان سکھ مت دے نال مذہبی حوالے پکھوں جڑ گئی تے سکھ مذہب دے پرچار دا ذریعہ بنی۔ جد کہ اردو اوہ واحد زبان اے جیہدا کوئی مذہبی حوالہ نہیں۔ ایہہ حملہ آور حکمراناں تے مقامی زبانوں دی آپسی سانجھ پاروں سامنے آئی پر ایہہ عموماً ساڈے اک خاص طبقے نے پاکستان اتے خاص کر پاکستانی پنجاب وچ مذہبی بنیاداں اُتے لاگو کرن دی کوشش کیتی۔

ایس توں دکھ اردو نوں دو قومی نظریے دی بنیاد دے طور تے پیش کیتا گیا تے ایہتوں دی مسلم لوکائی نوں مختلف حلقیاں ولوں ایہہ احساس دوا یا گیا کہ اردو مسلماناں دی تے ہندی ہندوواں دی زبان اے۔ جیویں سید روح الامین اپنی کتاب ”اردو ہے جس کا نام“ وچ مولانا اشرف علی تھانوی ہوراں دا ایہہ فرمان لکھدے نیں:

”اس وقت اردو زبان کی حفاظت دین کی حفاظت ہے، اس بنا پر کہ یہ حفاظت حسب استطاعت واجب اور طاعت ہو اور باوجود قدرت کے اس میں غفلت کرنا معصیت موجب مواخذہ آخرت ہوگا۔“⁽⁵⁾

حالانکہ زبانوں دا کدے وی کوئی مذہب نہیں ہوندا تے نہ کوئی زبان یا بولی خالق کائنات دے نیڑے چنگی یا ماڑی ہوندی اے۔ ایسں ایہہ وی کہہ سکے آں کہ کوئی وی زبان دینی یا لادینی نہیں ہوندی بلکہ مذہب یا دین اپنی تعلیمات دے فروغ لئی زبانوں دا سہارا لیندے نیں۔ جیویں پنجاب وچ صوفیاں پنجابی زبان وچ مذہب دا پرچار کیتا ایویں ای پنجابی زبان وچ تخلیق ہون والا منظوم فقہی ادب اے، جس نوں ساڈے پنڈاں، گراواں وچ عام لوکائی دی مذہبی تربیت واسطے اپنایا گیا۔

نبی پاکؐ اپنے کول آؤن والیاں دے سوالاں دا جواب اوہناں دی مادری زبان وچ ای دیندے سگوں اوہناں دے لہجے دا وی خیال رکھدے کیوں جے ہر علاقے دی وسوں دا اپنا اک اسلوب تے لہجہ ہوندا اے۔ جیویں اک دفعہ آپؐ نوں حضرت صدیق اکبرؓ نے عرض کیتی کہ حضور! میں دو نویں اکو شہر دے رہن والے آں پر تہاڈی زبان وچ فصاحت تے بلاغت ساڈے نالوں ودھ اے تے آپ نے ایہدے جواب وچ فرمایا کہ میری پرورش وی تے قبیلہ بنو سعد وچ ہوئی اے۔ ایہتوں ہر علاقے دے دُھ تے مٹی دی تاثیر دی اہمیت دا اندازہ ہوندا اے۔

نبی پاکؐ دی سنت تے عمل کردیاں مسلمان صوفیاں تے مبلغاں نے وی جس جس علاقے وچ تبلیغ کیتی اوتھوں دی مادری زبان تے لہجے نوں اپنا کے کیتی۔ انج ای ہر مذہب دے مبلغاں جس علاقے دا وی رُخ کیتا پہلوں اوتھوں دی علاقائی زبان نوں سمجھن تے سکھن دی کوشش کیتی جیویں انگریزاں دے قبضے مگروں جدوں ہندوستان وچ پادریاں عیسائیت دی تبلیغ دا مڈھ بٹھیا تے پہلوں اوہناں ایتھوں دیاں علاقائی زبانناں جانیان تے لسانیات دے حوالے نال کم کیتا تے مقامی زبانناں نوں سکھن لئی کتاباں تے گرائمرں مرتب کیتیاں ایس حوالے نال پادری ولیم کیری دا ناں اہم اے۔ ایس لئی اسیں آکھ سکے آں کہ زبان تے مذہب دی سنگت بڑی گورھی اے تے دنیا دے مذہباں کسے وی علاقے دی کسے خاص زبان دی مخالفت نہیں کیتی بلکہ اوسے علاقے دی زبان نوں اپنی تعلیمات دے پرچار دا ذریعہ بنایا۔ البتہ ایتھے ایہہ گل منن یوگ اے کہ کسے وی مذہب دے آؤن نال اوتھوں دی زبان وچ کجھ تبدیلیاں ضرور واقع ہوندیاں نیں، جیویں جدوں عرباں ایران فتح کیتا تے عربی ادب دے فارسی تے فارسی دے عربی اُتے اثرات ہوئے۔ ایسے طرح جدوں پنجاب وچ اسلام دا کھلار ہویا تے ایتھوں دی مقامی زبان پنجابی وچ نویاں ترکیباں تے نویں لفظاں دا اضافہ ہویا۔ انج ای سکھ مت آؤن نال پنجابی وچ سنسکرت تے ہندی لفظاں شامل ہوئی۔ ایہدے وچ کوئی شک نہیں کہ جتھے اک زبان دا دوجی زبان اُتے علمی ادب تے لفظاں دے حوالے نال بھرواں اثر ہوندا اے، انج ای مذہباں دے زبانناں اُتے اثرات توں وی انکار ممکن نہیں، پر کسے وی بولی نوں دینی یا لادینی آکھ کے چنگی یاں ماڑی نہیں سمجھنا چاہیدا۔ کیوں جے ایہہ ساریاں وکھ وکھ بولیاں ایس کائنات دا حسن نیں تے ایہناں دا دکھریواں اک دوجے دی پہچان دا سبب اے۔ رسول حمزہ توف دا آکھن اے کہ:

”(ترجمہ) میرے نزدیک زبانیں آسمان پر بکھرے ہوئے ستاروں کی حیثیت رکھتی ہیں اور میں یہ نہیں کہوں گا کہ تمام ستارے ایک دوسرے میں ضم ہو کر ایک بڑے ستارے کا روپ لے لیں، کیونکہ اس کے لیے تو سورج موجود ہے۔ لیکن سورج کے وجود کے بعد بھی یہ ضرورت باقی رہ جاتی ہے کہ ستارے آسمان پر چمکتے رہیں اور ہر آدمی کے پاس اس

کا اپنا ستارہ ہو۔“ (6)

تارا حیاتی اے تے کسے کولوں اوہدی حیاتی کھوہن دا حق کسے نوں نہیں۔ ہر کسے دی
ماں بولی آدر یوگ ہوندی اے تے ہر بولی وچ وڈے وچار سا نچھے کیتے جاسکدے نیں۔

O

حوالے

- 1- محمد حسین ہیکل: عمر فاروقِ اعظم، مترجم۔ حبیب اشعر، مکتبہ میری لائبریری، لاہور 1963ء
- 2- ڈاکٹر نوید شہزاد: پنج آبی کتھا؛ پنجابی ادبی مرکز، لاہور 2008ء ص 21
- 3- یسوع مسیح کا نیا عہد نامہ؛ پاکستان بائبل سوسائٹی، لاہور پاکستان، ص 236
- 4- قرآن مجید مترجم مولانا ہدایت اللہ، آیت نمبر 21 سورۃ روم، پنجابی ادبی لیگ، لاہور
1968ء ص 407
- 5- سید روح الامین: اردو ہے جس کا نام؛ عزت اکیڈمی، گجرات 2004ء ص 74
- 6- رسول حمزہ توف: میرا داغستان (ترجمہ: اجمل اجملی)، فلکشن ہاؤس، لاہور 2009ء ص 60

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June, 2012, pp 95-110

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

وارث شاہ سے دا وارث

☆ واصف لطیف

Abstract:

This article deals with universality of "Heer Waris Shah". It has been theorized that Heer of waris is infect an encyclopedia on Punjab. The "Heer" even today presents living Punjabi culture, tradition as it was at the time of its composition.

وارث شاہ سخن دا وارث نندے کون انہاں نوں
حرف اوہدے تے انگل دھرنی ناہیں قدر اسانوں

میاں محمد بخش ہوراں ایس شعروچ اپنے تنقیدی وچار موجب وارث شاہ نوں سخن دا وارث آکھ کے وڈیا اے۔ مطلب ایہہ پئی وارث شاہ دی قدر و قیمت نوں اپڑنا ہر شاعر دے وس دی گل نہیں۔ وارث شاہ سخن دا وارث تے ہے ای اے جیہدا اعتراف میاں صاحب ہوراں بڑے ڈھکویں انداز وچ کردتا اے پر ”وارث شاہ سے دا وارث“ ایہہ گل وی کوئی وزن رکھدی اے یا نہیں؟ ایہدے لئی وارث شاہ دی ”ہیز“ پھولن دی لوڑ اے۔ ایہہ حقیقت اے پئی ہر

☆ لیکچرار شعبہ پنجابی، جی سی یونیورسٹی لاہور

شاعر اپنے ویلے دامصور، مورخ، نباض تے نقاد ہوندا اے، فیر شاعر دا حیاتی تے اوہدی روزمرہ دی واپرتا نوں ویکھن، سمجھن تے اوہدے توں تہ کڈھن دا ڈھنگ وی عام بندے نالوں کدھرے وکھ تے اچھا ہوندا اے۔ کسے واقعے یاں مشاہدے توں اک عام بندہ اپنی بت موجب نتیجہ اخذ کر لیندا اے پر اوسے ای واقعے یاں مشاہدے نوں جدوں اک شاعر دی اکھ ویکھدی اے تے اوہدا ویکھن ڈھنگ اکا وکھرا ہوندا اے۔ کیوں جے شاعر عام بندے نالوں ودھ حساس تے باریک بین ہوندا اے۔ اوہدی قوت مشاہدہ بڑی کپی پیڈی ہوندی اے۔ عام بندہ اوس واقعے یا مشاہدے دا وقتی جیہا اثر لے کے اوہنوں بھل بھلا جاندا اے پر شاعر اوسے ای واقعے یا مشاہدے توں اچھی تصویر گھڑ لیندا اے جیہڑی شاعری دی شکل وچ ساڈے سامنے آؤندی اے تے ہمیشہ زندہ رہندی اے۔

وارث شاہ اک نیا پر نیا شاعر سی اوہدا انداز فکر، قوت مشاہدہ، فنی بصیرت، بیان ڈھنگ (اسلوب)، سیانپ، وسعت نظری، شعری کمال، لفظالی، علم و حکمت، دانائی، سوجھ بوجھ تے اپنے سسے تے عہد دا شعور اوہنوں اوہدے کئی ہم عصر شاعراں نالوں نکھیر داتے سبھ نالوں اتانہہ تے اگیرے کردا اے۔ وارث شاہ دیاں اتلیاں ساریاں خوبیاں نوں جے اوہدی تخلیق ”ہیر“ وچوں لکھنا ہووے تے تھاؤں تھائیں ونگیاں مل جاندیاں نیں بندے نوں اچھا آہر نہیں کرنا پیندا پر ایس لیکھ دا سرنواں ”ہیر“ پھر ون دی منگ ضرور کردا اے۔

وارث شاہ دے ہمعصر شاعر بلھے شاہ کول صرف سیاسی تے کجھ حد تک سماجی صورتحال ای نظریں پیندی اے۔ مطلب ایہہ پئی باہری حملہ آوراں جیہڑی بڑھ گردی تے ات گردی مچائی ہوئی سی اوس پاروں مغلاں دا زوال تے سکھاں دا زور پھڑنا ایس سبھ بارے بلھے شاہ دی شاعری وچوں اشارے ملدے نیں تے اٹھارویں صدی دی صورتحال ساڈے سامنے آؤندی اے۔ وارث شاہ دا معاملہ بلھے شاہ توں ڈھیر وکھ اے۔ وارث شاہ کول اپنے سسے تے عہد دا شعور ایس حد تک اے پئی اوہنے پورے دا پورا پنجاب ای اپنی ”ہیر“ وچ قید کر چھڈیا اے۔ یعنی ”ہیر“ وچ وارث سسے دا پنجاب انج وی چمکدا دکدا، جگ مگ کردا تے لشکاں پیا ماردا اے۔ انج جے کر ”ہیر“ نوں وارث سسے دے پنجاب دا Miniature⁽¹⁾ آکھیا جاوے تاں غلط نہیں ہوے گا۔

ہُن اسیں ایہہ دیکھن دا آہر کرنے آں پئی وارث شاہ کول اپنے سے تے عہد دا شعور تے اوس شعور دا اپنی شاعری راہیں ابلاغ کس حد توڑی اے۔ وارث شاہ نون الہن دنیا تون گزریاں نیڑے تیرے ڈھائی سو ورہے ہو گئے نیں پر اوہدی رچی ”ہیر“ اچ تیکر پنجابیاں دے دلاں اُتے راج کر رہی اے۔ ایہدی کیہ وجہ اے؟ ایس گل دا جواب حسین شاہد ہوراں دی گل تون کافی حد تیکر بتر جاندا اے کہ:

”رب نہ کرے جے کدے پنجاب اپنی ہر شکل گوا دیوے پر ”ہیر“ بچ

رہوے تے ”ہیر“ دی گوہ بنھ کے پنجاب دی ہر شکل اوسے روپ وچ

اساری جاسکدی اے جیہڑا روپ پنجاب دا اصل روپ اے“۔ (2)

جیویں اُتے ذکر ہو یا پئی ”ہیر“ پنجاب دا مٹی اپچر اے تے ایہہ گل وی طے ہو گئی کہ

”ہیر“ دی گوہ بنھ کے جیہڑا پنجاب اُسے گا اوہ بلاشبہ وارث شاہ سے دا پنجاب ہووے گا۔ ایسے ای گل نال میل کھاندا (راقم دے ایم۔ اے دے تھیسر دا) انتساب وی ملاحظہ ہووے:

”ماں بولی دے سیوا کار وارث شاہ دے نال جینے اپنی پوتر تخلیق راہیں

دھرتی ماں تے ماں بولی دی اجیہی رکشا کیتی کہ جدوں توڑی ”ہیر“ زندہ

رہوے گی اودوں تائیں ماں بولی تے دیس پنجاب پوری آن، بان تے

شان نال ہسدا کھیڈ دا، جیوندا جاگدا تے موجاں مان دار ہووے گا“۔ (3)

وارث شاہ سے لوکاں دا رہن سہن، اٹھن بہن، ورت ورتارا، رسماں رواج، کھان پین،

ذات برادری، سیاسی، سماجی، معاشی، نفسیاتی تے تاریخی سوجھ بوجھ دی ”ہیر“ وچوں کس حد تیکر

جانکاری ملدی اے تے ایس جانکاری تون اسیں وارث شاہی عہد تے دور نال کس حد تیکر

واقف ہونے آں ملاحظہ کرو۔ وارث شاہ سے دے سماج دا جیہڑا نقشہ ”ہیر“ راہیں ساڈے سامنے

اُگھڑا اے اوہ مجموعی طور تے خود غرض سماج دا اے۔ یعنی اوس سے لوکاں دی اکثریت خود غرض،

مطلب پرست تے مفاد پرست سی جیہدی دس ”ہیر“ دے کرداراں تون پیندی اے جیہڑے

اصل وچ وارث شاہی سماج دے جیوندے جاگدے لوکاں دا ای سوانگ نیں۔ وارث شاہ آ کھدا

اے:

ع وارث شاہ، ایہہ غرض ہے بہت پیاری ہوو ساک نہ سین نہ انگ دے نے (4)

ساک، سین تے انگ ایہناں تئاں لفظاں دی وضاحت نجم حسین سید ہوراں انج کیتی اے:
 ”مالکی و بہار دی ٹبرداری وچ سانگیاں دے ترے رنگ نیں۔ ساک، سین
 تے انگ۔ ”خون“ دے سانگے، ویاہ راہیں جڑے سانگے تے واہ ورتن
 راہیں جڑے سانگے۔ پر چار یا ایہو جاندا اے جو ایہہ رنگ سانگیاں دے
 غرضوں پاک ہوندے نیں۔ پر اتھے رانجھے دے بھراواں دا ورتارا دسدا
 اے جو مالکی و بہار وچ بندے دے سارے سانگے غرض پر نے ہن“ (5)۔

یعنی وارث شاہی سماج وچ کوئی وی سکا سودھرا یاں نیڑے دور دا سانگا یاں رشتہ ناطا
 بے مطلب، بے مقصد تے غرضوں پاک نہیں سی۔ رانجھے نال اوہدے ماپیاں دا پیار ایس پاروں
 سی پئی اوہ سبھ نالوں نکا پت سی تے حالے تیکر کوارا سی تے اوہناں نوں تا نگھ سی پئی اوہناں دے
 بڈھاپے تے اخیری عمر دا سہارا تے آسرا بنے گا:

ع وارث شاہ ایہہ قدرتاں رب دیاں نیں دھیدو نال اوس بہت پیار آہا (6)
 بھائیاں تے بھرجائیاں دا رانجھے نال پیار تے سلوک وی بے غرض نہیں سی۔ ایس گل دا
 اندازہ رانجھے تے بھرجائیاں دے مکالمے توں بخوبی ہو جاندا اے۔ ملاں دی خود غرضی ویکھو پئی
 اوہ آپ تے مذہب دا ٹھیکیدار بن کے مسیت اُتے مل ماری بیٹھا اے تے جدوں رانجھارات
 گزارن لئی مسیت وچ رُکدا اے تے اوہنوں کیویں کھریاں کھوٹیاں سناندا اے۔ ملاں نے فتویٰ
 صادر کر کے رانجھے نوں غیر شرع قرار دے دتا اے تے مسیت وچ رات لنگھاؤن توں ہٹک دتا۔
 لڈن ملاح وی خود غرضی وچ پھس کے ایس حد تک مفاد پرست ہو گیا اے پئی اوہنوں کسے دے
 جذبات دی کوئی قدر نہیں سگوں اوہدے لئی پیسہ ای سبھ کجھ اے۔ انج ای چوچک (ہیر دا پیو) تے
 ملکی (ہیر دی ماں) دی خود غرضی دا معاملہ اے جیہنوں سگوں بے غیرتی آکھیا جاوے تے زیادہ
 چنگا ہووے گا۔ وگی ویکھو:

ع ساڈی دھی دا کجھ نہ لاہ لیندا سبھا ٹہل ٹکور کرا لینے (7)

ایس توں اڈ قاضی، پینچ، کیدو، سہتی، بالنا تھ، ہیر تے رانجھے دیاں ساریاں مثاللاں
 وارث شاہی سماج تے عہد دا اصلا ساڈے سامنے لیا کھلہا ر دیاں نیں تے ایہناں کرداراں نوں
 پڑھ کے گمان ہون لگ پیندا اے پئی اسیں وارث شاہ سے وچ ای ساہ پئے لینے آں۔

ہُن تیکر دی معلوم تاریخ توں پتہ لگدا اے کہ پنج آبی دھرتی نال مڈھوں ای دھرو ہوندا لگا آ رہیا اے۔ باہری حملہ آوراں نے ایہدی زرخیزی تے سپہن پاروں ہمیشہ ای ایہدے ول میلی اکھیں ویکھیا تے بُرا سلوک کیتا۔ دراوڑ، آریا، ایرانی، یونانی، بدھ مت، عربی، فارسی، سکھ تے انگریز مڈھوں ای ایس زرخیز دھرتی دی زرخیزی نوں پیراں پٹھ مڈھولدے رہے تے ایہدی دولت نوں دوہیں ہتھیں لُڈے رہے۔ وارث شاہ سے وی دیس پنجاب وچ امن و امان ناں دی کوئی شے نہیں سی۔ مغلاں دی حکومت ڈانواں ڈول سی۔ باہری حملہ آور احمد شاہ ابدالی تے نادر شاہ درانی نے ات گردی چکی ہوئی سی تے اک وڈی طاقت ابھر کے سامنے آرہی سی جیہڑی سکھاں دی سی۔ وارث شاہ نے ایس ساری صورتحال دے ”ہیر“ وچ تھاوں تھائیں اشارے دتے نیں جیہدے توں ایسے اوں سے دی صورتحال توں جانو ہونے آں، آکھدے نیں:

ع جدوں دیس تے جٹ سردار ہوئے گھر وگھری جاں نوں سرکار ہوئی (8)

1756ء وچ احمد شاہ ابدالی نے چوتھا حملہ کر کے دلی نوں فتح کیتا تے اوہدیاں فوجاں نے متھرا فتح کر کے خوب لُٹ مار کیتی۔ ایس تاریخی واقعہ دا ذکر وارث شاہ دے اک مصرعے وچ اِنج اے:

ع فوجاں شاہ دیاں وارثا مار متھرا مُ پھیر لاہور نوں آئیاں نیں (9)

ایسے طرح دے کجھ ہور ٹانویں ٹانویں اشارے وی لہدے نیں جیہڑے وارث سے دی تاریخ تے صورتحال نوں واضح کردے نیں مثلاً ہیر دا سراپا بیان کردیاں کجھ اجیے لفظ ورتوں وچ لیاندے گئے نیں جیہڑے تاریخی اشارے نیں جیویں:

سرمہ نیناں دی دھار وچ پھب رہیا چڑھیا ہند تے کٹک پنجاب دا جی

پھرے چھٹندی چاؤ دے نال جٹی چڑھیا غضب دا کٹک قندھار وچوں

قزلباش جلاذ اسوار خونی نکل دوڑیا اُرد بازار وچوں (10)

اتلے مصرعیاں وچ ”کٹک پنجاب“ توں مراد سکھاں دی فوج ”کٹک قندھار“ توں مراد احمد شاہ ابدالی دی فوج نے نادر شاہ درانی دے لشکر لئی ”قزلباش جلاذ“ وغیرہ دے اکھ ورت کے بھر پور سیاسی صورتحال دا منظر پیش کیتا گیا اے۔

”ہیر“ دے کرداراں دے مطالعے توں بخوبی پتہ لگ جاندا اے پئی اوں سے لوکاں

دی سوچ تے سوچن دا انداز کیوں داسی۔ ایس گل دی وضاحت لئی شریف کنجاہی ہوراں دی کتاب ”جھاتیاں“ دے دو مضمون مثال لئی پیش کیے جاسکدے نیں جیہناں دے سرنا نویں درج ذیل نیں: پہلا ”رانجھا، اک وگڑیا ہو یا بال“ تے دوجا ”ہیر، اک ضدل کڑی“۔ پہلے مضمون دا تت ایہہ بن دا اے پئی رانجھے دا فیملی بیک گراؤنڈ چنگا سی اوہ کھاندے پیندے ٹبر دا لو ڈاپت سی تے لوڈ پئے وچ پلے بال عام کر کے ڈھیٹھ تے ضدی وی ہوندے نیں اوہ ہر حال وچ آپدی گل منوانا جاندے نیں۔ ایسے ای مضمون دیاں دو سطران ملاحظہ کرو:

”رانجھا ہوڑ دا پورا سی تے لاڈلے بال کڑیاں عام طور تے ہوڑی ہوندے
 نیں۔ ایس ہوڑ دا پتہ اگاں چل کے وی لگدا اے جس ویلے ملاح اوس نوں
 مفت پار نہیں لنگھاندے تے اوہ دریا وچ ٹھل پیندا اے“،⁽¹¹⁾

دوجے مضمون ”ہیر اک ضدل کڑی“ توں ایہہ دس پیندی اے پئی اوہ چوچک سیال دی اکلوتی تے نازاں وچ پئی لاڈلی دھی سی اوہدا مزاج بڑا اتھرا سی ایسے لئی کسے نوں وی خاطر وچ نہیں سی لیاندی پردل ہتھوں مجبوری۔ شریف کنجاہی آکھدے نیں:

”ڈاہڈے سبھا آلیاں وچ ایہہ کمزوری وی ہوندی اے اوہناں دا ڈاہڈا پن
 ایسے گلے ہوندا اے جے اوہ دل دے وس وچ ہوندے نیں، دل اوہناں
 دے وس نہیں ہوندا“،⁽¹²⁾

لہذا ہیر تے رانجھا دونوں لاڈ پیار تے نازاں وچ پلے بال سی انج دونوں ولوں صورت حال ”جیہدے گھر دانے اوہدے کملے وی سیانے“ والی بن دی اے۔ دونوں ای ضدی تے اپنی ضد مناؤن دافن جان دے سن۔ ایسے لئی اخیر توڑی اپنی ہٹھ تے ڈٹے رہندے نیں۔ اصل وچ اوس سے جیہناں لوکاں دا کھان پین چنگا چوکھاتے ٹبر پروار خوشحال سن وارث شاہ نے اوہناں لوکاں نوں ای ہیر تے رانجھے دے سوانگ وچ پیش کر کے آپدے سمے دے حالات نوں پیش کیتا اے۔ ایسے طرح ملاں، ملاح، قاضی، کیدو، چوچک، ملکی تے سہتی دے کرداراں دا مطالعہ وی آپنی تھاں وارثی سمے دی بھرپور نفسیاتی صورت حال دا ترجمان اے۔ گل نوں سمجھن لئی ملاح دی مثال ملاحظہ کرو۔ رانجھا گھروں رس کے آیا اے۔ اوہدے کول پیسہ دھیلا ہے کوئی نہیں پر اوہنے دریا وی ضرور پار کرنا اے، تاں جے جھنگ سیال اڑ سکے۔ رانجھا لڈن ملاح دی منت سماجت تے ترلا

کردا اے پر لڈن ملاح تے کسے دیاں ترلیاں دا کوئی اثر نہیں ہوندا۔ اوہدا پرتاوا جواب دیکھو:

جیہڑا کپڑا دئے تے نقد مینوں ، سبھو اوس دے کم سوارنا ہاں
ڈوماں اتے فقیراں تے مفت خوراں، دوروں کتیاں وانگ درکارنا ہاں⁽¹³⁾

ایہہ جے وارث سے دے ملاح دی ذہنی تے نفسیاتی کیفیت دی نمائندہ تصویر۔
اوہنوں کسے دیاں منتاں، ہاڑیاں یاں لوڑ نال کوئی غرض نہیں اُکا اپنے مطلب تے مفادات عزیز
نیں تے گویا رانجھے دے جذبات دی کوئی قدر قیمت نہیں۔ وارث سے دے سماج وچ انصاف دا
کیہ مُل سی یاں اوس سے دے قاضی تے پینچ کیویں دے سن ایہہ وی بڑی گوہ جوگ بحث اے۔
ایس توں صاف صاف معلوم ہو جاندا اے پئی اوس سے وی انصاف دا کوئی معیار نہیں سی ذمے
دار تے کرتے دھرتے حضرات مثلاً قاضی تے پینچ سبھ وڈھی خورسن بھوئیں دی ونڈ توں لے کے
ہیر دے مرن تائیں کسے وی نوعیت دے کم دا من بھاون پھل قاضی دی مٹھ گرم کر کے ای
حاصل کیتا جاسکدا سی۔ مختصر ایہہ پئی وارث سے دے لوک کنج سوچدے سن؟ اوہناں دی سوچ
دے معیار کیہ سن؟ لوک سوسائٹی توں کس قسم دی منگ کردے سن تے سوسائٹی اوہناں دیاں
منگاں نوں کس حد تک پورا کردی سی ایہناں ساریاں گلاں بارے جانکاری ”ہیر“ دے کردار
تھاؤں تھائیں پئے دیندے نیں۔

ہُن اگا ہاں وارث شاہی سے دیاں سماجک لوڑاں تھوڑاں مثلاً ملن ورتن، رسماں رواج،
ویاہ شادی، کھان پین، پیشے، علم حکمت تے ذات برادری بارے جانکاری پیش اے۔
وارث شاہی سماج دے لوکاں دا کھان پین مال ڈنگر تے بھوئیں نال جڑیا ہو یا سی۔
وارث شاہ نے ”ہیر“ وچ تخت ہزارے تے جھنگ سیال دے نال نال ہیر تے رانجھے دے ٹبر
پرور، بھوئیں تے مال ڈنگر بارے چوکھی جانکاری دتی اے۔ بھوئیں تے مال ڈنگر دونوں کم ای
افرادى قوت دی منگ کردے نیں تے ایسے پاروں ای وڈے ٹبر تے پروار نوں آدر جوگ نیا
جاندا سی کیوں جے جنے ہتھ زیادہ ہوندے سن اونا ای کم زیادہ نبر داسی تے خوشحالی وی ودھیری
ہوندی سی۔ ایس پس منظر وچ بھائیاں دی لوڑ، قدر و قیمت تے اہمیت دے نمائندہ مصرعے
ملاحظہ کرو:

بھائیاں باجھ نہ مجلساں سوہندیاں نی اتے بھائیاں باجھ بہار ناہیں

بھائی مرن تاں پوندیاں بھج بانہاں بناں بھائیاں پرھے پروار ناہیں⁽¹⁴⁾

وارث شاہ نے ”ہیر“ وچ اوس سے دے مدرسیاں دے نصاب بارے وی جانکاری دتی اے۔ اوس ویلے دیاں پرچلت عربی، فارسی کتاباں دے ناں ملاحظہ کرو:

کتاب التعلیل، صرف بھائی، صرف میر، قاضی قطب، کنز انواع، صلوة مسعودی، مجموعہ فتاویٰ خانی، مجموعہ سلطانی، حیرت الفقہ، فتاویٰ برہنہ، منظوم شاہاں، زبدۃ، معارج النبوت، خلاصہ کیدانی، روضۃ الاصفیانی ذکر الانبیاء، زرادتی، شرح ملا، رنجانی، انشاء ہر کرن، نام حق، خالق باری، گلستان، بوستان، بہار دانش، طوطی نامہ، رازق باری، نشیات نصاب، ابوالفضل، شاہنامہ، واحد باری، قرآن السعدین، دیوان حافظ تے شیریں خسرو۔⁽¹⁵⁾

ماہر طبیب وانگوں وارث شاہ ہوراں ”ہیر“ وچ اوس سے دیاں بیماریاں تے نال علاج وی دسیا اے۔ ”ہیر“ وچ ذکر ہوئیاں بیماریاں دے ناں:

”کھنگ، کھرک، ساہ، اکھ آنا، دند پیڑ، قونج، تپ دق، تپ محرقہ، سرسام، سودا، نزلہ زکام، سل، نفع، استسقاء، لحم طبل، واؤ، لوط، پھوڑے، چنبل، پیٹ دی پیڑ، ادھ سیسی، ادھرنگ، مکھ بھوں، مرگی، جھولا، بانہ سک، ٹنگ سن، کام، نامردی، بادفرنگ، پر میو، سوزاک تے ایتسار (پچش) وغیرہ۔“⁽¹⁶⁾

بیماریاں دی جانکاری دے نال علم طب دیاں مشہور کتاباں دے ناں وی ملاحظہ کرو۔ ایتھوں پتہ لگدا اے پی وارث شاہ ہوراں علم طب وی باقاعدہ پڑھیا تے سکھیا ہووے گا:

”یوسفی طب، طب میزان، طب اکبر، قرابادین، پران سنگلی، کفایہ منصور، تحفہ موئی، موجز قانون، قرطاس سکندری، دستور العلاج، ذخیرہ تے وید منوت وغیرہ۔“⁽¹⁷⁾

وارث شاہ موسیقی دا وی ماہر سی اوہنے ”ہیر“ دے اک پورے بند وچ مختلف قسم دے راگاں تے راگنیاں دا ذکر کیتا اے جیہڑے اوس سے پرچلت سن:

”راگ پہاڑی، یو بنا، جھیوری، سوہلے، سارنگ، تلنگ، سورٹھ، گجری، پوربی، لکت بھیروں، دیپک، ٹوڈی، میگھ ملہار، گوندھنا سری، چت سرے، مال سری، پرچ راگ، ماروا، کدارا، بہاگڑا، کاہنڑا، کلیمان، مالکنس، منگلا،

جھنجھوٹی، آسا، بسنت، ہنڈول تے پلاسی راگ وغیرہ۔“ (18)

رانجھا ہیر دی خاطر جوگی بنیا کیوں بے ویاہ مگروں ہیر نے رانجھے نوں سنیہا گھلیا پئی جوگی دا روپ وٹا کے رنگپور کھیڑے اڑے۔ رانجھا ہیر دا آکھا من کے جوگ لین لئی بالنتا تھ دے ٹلے جا اڑدا اے۔ انج جا پدا اے جیویں اوس سے جوگ مت دا ودھیرے رواج ہووے گا تہے ای وارث شاہ ہوراں جوگ مت بارے چوکی جانکاری دتی اے۔ وارث شاہ موجب جوگ مت دا اک کچھ تے ایہہ دکھالی دیندا اے پئی ایہدے وچ کچھ خاص محنت نہیں سی کرنی پیندی تے کھان پین نوں بغیر محنتوں چوکھا لہجہ جاندا سی، بس اپنا حلیہ وگاڑنا پیندا سی اپنے آپ نوں جوگی اکھوان لئی۔ لگدا اے پئی دنیا داری دیاں ذمے داریاں توں نئے لوکاں نوں ایہہ کسب واہوا وارے کھاندا ہونا اے مصرعے ملاحظہ کرو:

منگ کھاونا کم نہ کاج کرنا نہ کچھ چارنا تے نہیں چوونا بے
ذرا کن پڑائیکے سواہ ملنی گورو سارے ہی جگ دا ہوونا بے
نہیں دینی ودھائی پھیر جمنے دی کسے موئے نوں مول نہ روونا بے
نہ دہاڑ نہ کسب روزگار کرنا بادشاہ پھیر مفت دا ہوونا بے (19)

اگے رانجھے تے بالنتا تھ وچکار لہما چوڑا مکالمہ اے۔ پردن دا مقصد ایہہ اے پئی وارث شاہ جدوں کسے واقعے نوں چھوہندا اے تے اوہدے نال پورا پورا انصاف کردا اے اوہدے بارے مکمل جانکاری دیندا اے۔ جوگ مت کیہ اے؟ جوگ مت وچ کیہڑیاں کیہڑیاں پابندیاں تے ممانعتاں نیں؟ جتی سستی جوگی دے اوصاف کیہ نیں؟ تے جوگ مت دے تقاضے کیہ نیں؟ ایہہ اوہ سارے سوال نیں جیہناں دے جواب رانجھے تے بالنتا تھ دے مکالمے وچ موجود نیں۔ جدوں ہیر نوں سہتی دے مکرو فریب داسپ لڑدا اے تے رانجھا جوگی علاج لئی جاندا اے۔ رانجھا جوگی سپاں دیاں مختلف قسماں دیکھو کڈی روانی تے چابکدستی نال گنواندا اے: باشک ناگ، کرنڈیا، میڈ تھک، چھینا، تزا، گلگی دار، اڈنا، بھوند آبی، اسرال، کھرال، تندورڑا، بورڑا، پھنی پھنیر، منی دار، کھرنیال، گنگوریا، دھامیا، بس بساتی، رتواڑیا، کجلیا، کھجوریا، تیلیا، بنت جنگھا، تہواریا، کوجھیا، بلشتیا، چیپا، سنگ تاپو، چلملا وڑا تے داوڑا۔

وارث شاہ سے مختلف قوماں تے طبقیوں دی ونڈ پیشے دے لحاظ نال کمیٹی جاندی سی۔

مختلف قوم تے طبقے دیاں عورتاں دے ناں ملاحظہ کرو: مہری، کھترانی، باہمی، ترکھانی، جٹی، لوہاری، خوجی، پھلیارن، سینریٹی (سناری)، منہارن، تیلن، ماچھن، پٹھانی، مغلانی، بنجارن، چمپیان، راجپوتی، بھٹیانی، درزانی، ماچھن، سیدزادی، شیخانی، کہاری، چنگڑی، نائن، میرزادی، بھاڑی، بازی گرنی، نٹی، رنگریزن، پیراگن، ڈومنی، قصائن، بلوچن تے مہیونی۔

وارث شاہ ہوراں جٹاں دیاں مختلف گوتاں دا ”ہیر“ وچ ذکر کیتا اے۔ سید علی عباس جلاپوری ہوراں جٹاں دیاں گوتاں (ذاتاں) دے درج ذیل ناں گنوائے نیں:

سندھو، باجوے، کھرل، ترگڑ، تارڑ، ساہی، پیچے، چٹھے، ڈوگر، ٹوانے، وینس، وڑانچ، چدھڑ، باگڑی، ورک، گوندل، چوہان، گکھڑ، چھ تے کھوکھر۔⁽²⁰⁾

وارث شاہ سے سیپ دارواج عام سی۔ وڈے زمیندار، کسان تے کھاندے پیندے ٹبر پروار اپنے روزمرہ دے کماں لئی سیپی رکھدے سن جیہڑے روز دے کم بلا معاوضہ کردے سن تے صرف فصل دے فصل اوہناں نوں اجرت دے طور تے دانے یا جنس دے دتی جاندی سی۔ ایہہ طریقہ سیپ اکھوانداسی۔ کجھ سیپ پیٹھے جیہناں دا ”ہیر“ وچ ذکر ملدا اے درج ذیل نیں:

”نائی، موچی، واگی، ماچھی، ڈوم، چوہڑا، کلال تے چاک وغیرہ۔ سپیاں دے ناں وی ذکر جوگ نیں: اولیا نائی، الفو موچی، موبجھاں واگی، دھدی ماچھی، جھنگڑ ڈوم، فتو کلال، بیلا چوہڑا، تے جھنڈا چاک۔⁽²¹⁾

ہیر دے ویاہ تے باراتیاں لئی مختلف قسم دے پکوان تے مٹھائیاں تیار کروائیاں گئیاں۔ وارث شاہ ہوراں جیویں مٹھائیاں دا تے مختلف قسم دے پکوان توں اڈ چاولاں دیاں مختلف قسماں دا ذکر کیتا اے۔ ایس توں اندازہ ہوندا اے پئی اوس سے دے کھاندے پیندے ٹبر پروار ویاہ شادی اُتے پروہنیاں تے جانجیاں دی خاطر مدارت لئی ودھیرے اچھ کر دے سن۔ مختلف مٹھائیاں دے ناں:

نگدی، شکر پارے، گھیورڑ، جلیب، بوندی لڈو، ٹکلیاں، قلاقند، مکھانے، مٹھیاں، کھجوراں، پراکڑیاں، سمو سے، اندر سے، کچوریاں، لُچیاں، بڑے، کھنڈ دے خرے، پیڑے، خطائیاں وغیرہ⁽²²⁾

کجھ ایسے کھانے تے پکوان جیہڑے جانجیاں تے پروہنیاں توں اڈ صرف کامیاں،

نوکراں، چاکراں، راہیاں تے مزارعیاں لئی خاص طور تے تیار کیتے گئے سن درج ذیل نہیں:
منڈے، ماس (گوشت)، چاول دال، دہیس دھکڑا (دہی تے ادھ پکی موٹی
روٹی)، رسا (شوربا) تے مٹھے منڈے وغیرہ۔ (23)

چاولاں دیاں مختلف قسماں دے ناں جیہناں دا ذخیرہ ویاہ دی تیاری دے سلسلے وچ
پہلاں توں ای کر لیا گیا سی۔ مُشکی چاول، سوَن پتی، جھونا، باسنتی، مسافری، بیگی، زردیئے، سٹھی،
کرچکا، سیولا، کرت، کنتل، ککھلا، تیرا، کشمیری (24)۔

ہیر دے ویاہ دے سلسلے وچ تیار کروائے جان والے مختلف قسم دیاں زیوراں دے ناں:
کنگن، زنجیریاں، پنج منے ہار، لونگ، ترگے، کپورے، سچے جٹ،
پانوٹے، گجرے، پہونچیاں، چونکیاں، حمیل مالاواں، مہر بچھوے،
پازبیاں، گھنگھرو، نوگری مالا، چونپ کلیاں، کان پھول، سیس پھول،
اسکندری، نیوری، بیربلیاں، پیل پترے، جھمکے، کڑے، چھڑکنگن،
بودابھی، چن ہار، لوہلاں، ٹکا، بیڑا، جگنی، چوڑیاں، مچھلیاں، بُندے،
آرسی تے انگوٹھیاں۔ (25)

وارث شاہ سے کڑیاں نوں داچ وچ کس قسم دے کپڑے تے بسترے دتے جان دے سی ملاحظہ کرو:
لال پنکھیاں، لاپے، کھیس، سلاریاں، مانگ چونک، پٹا گلاں، بوندناں، چوپ
چھائیلاں، سالو، بانفے دیاں چدراں، بھوچھن، پھلکاریاں، لال کمدار
گھگھرے، مشرومشکی پگاں، دریائی دیاں چولیاں، کخواب، پیلیاں چنڑیاں،
بوک بند، عنبری بادلاسی، چار خانیئے، ڈوریئے، ململ الاہ تے جالی دیاں
جھمیاں وغیرہ (26)

داچ دے نئے وڈے بھانڈے:

سُرے دانیاں، تھالیاں، تھال، چھنے، لوہ، کڑچھ، کڑاہیاں، کول، پرات،
تچے بیلوے، دوہنی، دیگے، خوائے، مٹی دے مٹ۔ (27)

بارات آؤن تے جیہڑی آتش بازی کیتی گئی اوہدیاں وی مختلف قسماں تے ناں ”ہیر“

وچوں پتہ چلدے نیں:

پھل جھڑی، پھونس، باغ ہوا، ہاتھی مور، چرخیاں، پٹاکے، گجیاں، ٹنڈ
چوہیاں، مہتابیاں، چکیاں وغیرہ۔ (28)

”ہیر“ دی بارات آؤن تے جانجیاں نال مختلف قسم دیاں رسماں ادا کیتیاں گئیاں:
سُون سپت، سُر مہ پوائی، کھڈکنا، تھال چھناں، ددھ پیائی تے گھڑولی
وغیرہ (29)

اخیر وچ وارث شاہ ہوراں لکھیا اے:

جو کوہ پڑھے سو بہت خورسند ہووے واہ واہ سبھ خلق پُکار دی سی (30)

یعنی جیہڑا وی ہیر پڑھے گا اوہ بہت خوش ہووے گا تے واہ واہ کر اُٹھے گا۔ وارث شاہ
ہوراں ایہہ گل آپدی رچی ”ہیر“ دے اخیر وچ کہتی اے پر ایس دا مطلب ایہہ وی تے لیا جا
سکدا اے پئی اوس سے ”ہیر“ پڑھنا تے سننا لوکاں دا ذوق، شوق تے شغل ہوندا ہووے گا یعنی
لوکی وارث شاہ دی ہیر توں پہلاں وی ”ہیر“ پڑھدے تے مزہ مان دے سن۔ انج جاپدا اے پئی
وارث شاہ دی فنی عظمت توں متاثر ہو کے آپ دے یاراں دوستاں نے نویں سرپوں ہیر دا قصہ
لکھن دی فرمائش کیتی ہووے مصرعے ملاحظہ کرو:

یاراں اساں نوں آن سوال کیتا، عشق ہیر دا نوں بنا یے جی

ایس پریم دی جھوک دا سبھ قصہ جیہہ سوئی نال سنایے جی (31)

یاراں دوستاں دی فرمائش نوں وارث شاہ ہوراں قبولیا تے اوسے ای پرانے قصے نوں
پرانی بحروچ اجیے ایچھے، نروے تے سجرے ڈھنگ نال پیش کیتا کہ اپنے آپ نوں ہمیشہ لمی امر
کر لیا تے ایس پُربہار قصے وچ اپنے سے، عہد تے دور نوں محفوظ کر کے اپنے آپ نوں
اٹھارویں صدی دا وارث شاعر بنا لیا۔ حتی گل ایہہ وے پئی اسیں جدوں وی ”ہیر“ پڑھنے یا سننے
آں تاں انج جاپدا اے پئی اسیں ڈھائی سو ورہے پچھاں دے پنجاب وچ اپڑ گئے آں تے
وارث شاہ آپ اساڈے سامنے بہہ کے ”ہیر“ دے شعر پڑھ پڑھ کے پیاساندا اے تے داد
وصولدا اے۔ وارث شاہ ہوراں ”ہیر“ وچ کوئی وی اجیہا کچھ یاں پہلو نہیں چھڈیا جیہڑا اوہدی

اکھوں پر دکھا رہ گیا ہووے تے ایہوای اک حساس، باریک بین تے نظری کھلھ ڈلھ رکھن والے شاعر دی اچھتا ہوندی اے۔ پروفیسر ڈاکٹر عصمت اللہ زاہد ہوراں دے مضمون ”وارث اپنے ویلے دا مورخ“ دے اقتباس نال مضمون نوں بنے لاونا آں:

”وارث شاہ نے اک اُچی پدھر دا شاعر ہون پاروں اپنے قصے نوں رومانی، روحانی، صوفیانہ، فلسفیانہ، مذہبی تے تصوف دے سوہنے تے سچے نظریات دی لڑی وچ پرون توں دکھ اپنے ویلے دے سماج تے معاشرے دی اچھی ستھری تصویر وی کھچ دتی اے پئی سانوں آکھنا پیندا اے کہ وارث شاہ اپنے ویلے دا اک اُچا تے سچا مورخ وی اے جیہڑا اپنے سسے دی تاریخ نوں شعراں وچ بیان کردا اے“۔ (32)

O

حوالے

1. منی ایچرتوں مراد اے بالکل کئی جیہی تصویریاں کسے شے دا نکا جیہا نمونہ، مغلان نے اپنے دور حکومت وچ منی ایچر پینٹنگز نوں ایس خطے وچ رواج دتا تے ایہہ تکنیک اصل وچ ایران توں ایس خطے وچ آئی سی۔ منی ایچر پینٹنگ دی مثال نوں انج سمجھیا جاسکدا اے۔ پئی پورے پنجاب دے نقشے نوں اک کتابی ساز دے پنے اُتے انج الیکیا جاوے کہ ہر شے دی بخوبی تے دکھو دکھ چھان ہو سکے۔ اوس اک پنے دی تصویریاں نقشے نوں پورے پنجاب دا منی ایچر آکھیا جاوے گا۔
2. حسین شاہد: پورے، عزیز پبلشرز، لاہور 1991ء ص 71
3. واصف لطیف: ہیر وارث شاہ وچ آفاقی سچائیاں (مقالہ برائے ایم اے)، شعبہ پنجابی، پنجاب یونیورسٹی لاہور، ص 6
4. وارث شاہ: ہیر وارث شاہ؛ مرتب۔ شیخ عبدالعزیز پنجابی ادبی اکیڈمی، لاہور 1964ء ص 5
5. نجم حسین، سید: لوکاں کملیاں نوں قصہ ہشیار؛ سچیت کتاب گھر، لاہور 2004ء ص 25
6. ہیر وارث شاہ؛ ص 5
7. ایضاً ص 53
8. ایضاً ص 387
9. ایضاً ص 74
10. ایضاً ص 28,29,30
11. شریف کنجاہی: جھانیاں؛ عزیز بکڈپو، لاہور 1994ء ص 58
12. ایضاً ص 61
13. ہیر وارث شاہ؛ ص 22
14. ایضاً ص 14,15
15. وارث شاہ: ہیر وارث شاہ؛ مترجم۔ پروفیسر حمید اللہ شاہ ہاشمی، شیخ محمد بشیر اینڈ سنز، لاہور 2000ء ص 34,35

- .16 ہیر وارث شاہ؛ ص 222, 223
- .17 ایضاً ص 217
- .18 ایضاً ص 61,62
- .19 ایضاً ص 138
- .20 علی عباس جلالپوری: مقاماتِ وارث شاہ؛ تخلیقات، لاہور 1999ء ص 119
- .21 ہیر وارث شاہ؛ ص 67
- .22 ایضاً ص 99,100
- .23 ایضاً ص 100,101
- .24 ایضاً ص 101,102
- .25 ایضاً ص 101,103
- .26 ایضاً ص 103,104
- .27 ایضاً ص 104
- .28 ایضاً ص 107
- .29 ایضاً ص 107,108
- .30 ایضاً ص 389
- .31 ایضاً ص 3
- .32 عصمت اللہ زاہد، ڈاکٹر: پرکھ پراگے؛ ادارہ التحریر، لاہور 1980ء ص 142

کون بندے نوں یاد کر لسی ، ڈھونڈے کون قبر نوں
کس نوں درد اساڈا ہو سی ، روگ نہ رنڈے ورنوں
میاں محمد بخش

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:68, Jan.-June. 2012, pp 111-120

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جنوری - جون 2012ء، مسلسل شماره 68

ہٹلر کا نظریہ قومیت و مقامیت

☆ ڈاکٹر نوید شہزاد

Abstract

This article presents a brief study of Hitler's theory of nationalism and regionalism. Besides analyzing his both theories, a comparison has been made with presnet condition of Punjab with special reference to theory of nationalism and regionalism.

دنیا میں قومیت کی بنیاد مذاہب پر بھی رکھی گئی اور مختلف ممالک سے تعلق رکھنے والے ہم مذہب گروہوں کو ایک قوم قرار دیا گیا۔ مگر اڈولف ہٹلر کا تصور قومیت نسلی بنیاد پر ہے۔ اس کے علاوہ کسی دوسری بنیاد پر قائم تصور قومیت کو وہ ماننے کے لیے تیار نہ تھا۔ کہتا ہے: ”ہر حیوان اپنا جوڑا صرف اپنی ہی نسل میں تلاش کرتا ہے۔ چڑا صرف چڑیا کو بیوی بناتا ہے۔ بطخ فقط بطخ سے بیاہ کرتا ہے۔ جنگلی چوہا صرف جنگلی چوہیا کا رشتہ قبول کرتا ہے۔ گھریلو چوہا خالی گھریلو چوہیا سے ہی گھر آباد کرتا ہے۔ زرگرگ صرف مادہ گرگ سے شادی کرتا ہے۔ اس قاعدہ سے انحراف یا

☆ ایسوسی ایٹ پروفیسر پنجابی، پنجاب یونیورسٹی اوری اینٹل کالج، لاہور

تو جبر کا نتیجہ ہوتا ہے یا قید کا۔“ (1) ہٹلر صرف طاقت کے قانون کو مانتا تھا۔ اُس کے مطابق: ”جو طاقت ور ہے اُسے کمزور پر مسلط ہونا چاہیے، نہ کہ اس سے اختلاط قبول کر کے اپنی برتر فطرت کو بھینٹ چڑھا دینا چاہیے۔“ (2) وہ اختلاط کو دوستی یا صلح کے مترادف سمجھتا تھا اور اس اختلاط کو حاکم، قابض، فاتح اور برتر حیثیت کے حاملین کے لیے مضر جانتا تھا۔ وہ تاریخ کے مطالعے سے اس نتیجے پر پہنچ چکا تھا کہ طاقت ور، کمزوروں کو زیادہ دیر آزادی کے ساتھ جینے کا حق نہیں دیتا اور یہ کہ کمزور افراد و اقوام نے جلد یا بہ دیر مفتوحین کی صف میں شامل ہونا ہوتا ہے اور لاشعور سے شعور تک پہنچتے پہنچتے اس عمل کے نقوش اس حد تک نمایاں ہو جاتے ہیں کہ جسے دیکھنے، جاننے کے لیے کسی خاص تردد کی ضرورت نہیں پڑتی۔ ہندوستان میں ان نقوش کے نمایاں خدوخال ڈی۔ ڈی کوئیمی کو یوں نظر آئے تھے:

”ہندوستان میں اب تک انگریزی زبان ہی حکومت کے نظم و نسق، بڑے پیمانے کے کاروبار اور اعلیٰ تعلیم کی زبان ہے۔ اسے تبدیل کرنے کے لیے تدبیر و بے اثر کمیٹیوں میں مقدس قرار دادوں کو منظور کرنے کے علاوہ کوئی بامعنی کوشش نہیں کی گئی ہے۔ دانش ور طبقہ نہ صرف لباس کے معاملے میں بلکہ اس سے بھی زیادہ ادب و فنون کے میدانوں میں تازہ ترین برطانوی طریق کی نقل کرتا ہے۔“ (3)

ہٹلر آریا نسل کو دنیا کی بہترین نسل قرار دیتا ہے۔ اُس کا مفروضہ ہے کہ: ”انسانی تہذیب و تمدن کا ہر نمونہ، فنون لطیفہ اور وہ تمام فنون جو آج دنیا میں ہمارے سامنے موجود ہیں دراصل آریاؤں کی ایجاد ہیں۔ صرف آریاؤں نے ہی اعلیٰ قسم کے انسان پیدا کیے ہیں۔ لفظ انسان سے ہمارا جو کچھ مفہوم ہو سکتا ہے، اس کا اصل نمونہ آریا ہی ہیں۔“ (4) لفظ ’انسان‘ کا جو معنی و مفہوم ہٹلر لیتا ہے وہ مذاہب کے بیان کردہ انسان اور انسانیت کے معنوں سے قطعی مختلف ہے۔ خاص طور پر آریا کو دنیا کی بہترین نسل قرار دینا اُس کی ذاتی پسند اور اُسی سوچ کا عکاس ہے جس کے تحت وہ کہتا ہے کہ: ”جو زندہ رہنا چاہتا ہے اُسے لڑنا بھی ہوگا۔ اس دنیا میں زندگی کا مستقل قانون کشمکش اور جدوجہد ہے۔ یہاں جو شخص جنگ پر آمادہ نہیں اُسے زندہ رہنے کا بھی

کوئی حق نہیں۔“ (5) پنجاب میں دراوڑ بھی حملہ آور تھے انہوں نے پنجاب کے قدیم باشندوں پر فتح پائی۔ فتح پانے کے بعد پنجاب میں مکمل طور پر سکونت اختیار کرنے والے وہ پہلے حملہ آور، فاتح تھے۔ یقیناً انہوں نے بھی مقامیوں کے ساتھ وہی کیا ہوگا جو ایک حملہ آور مقبوضہ علاقے میں مفتوحین کے ساتھ کرتا ہے۔ یعنی کچھ مقامی مارے گئے، کچھ بھاگ نکلنے میں کامیاب ہوئے اور کچھ غلام بنا لیے گئے ہوں گے۔ بہر حال پنجاب کی پہلی دریافت شدہ بھرپور تہذیب دراوڑی ہی مانی جاتی ہے۔ اس تہذیب میں مقامیوں کا کتنا حصہ ہے، قابضین کا کتنا اور دونوں کے اختلاط کا کتنا؟ یہ الگ بحث ہے۔ دراوڑوں نے بھی مقامی لوگوں پر اپنی جنگجو صلاحیتوں کی بنیاد پر ہی برتری حاصل کی تھی۔ مگر دریافت شدہ دراوڑ تہذیب کا عروج یہ بتاتا ہے کہ شاید وہ اپنی جنگجو صلاحیتوں کو برقرار نہ رکھ سکے تھے، یا شاید برقرار رکھنے کے باوجود آریاؤں کو جنگی صلاحیت میں ان پر فوقیت حاصل تھی اور اسی فوقیت کے کارن انہوں نے دراوڑوں پر فتح پائی۔ بہر حال تاریخ بتاتی ہے کہ آریاؤں کو پنجاب میں سخت مزاحمت کا سامنا کرنا پڑا:

”رگ وید سے معلوم ہوتا ہے کہ آریا ایک ایسے خطے میں آباد ہوئے جہاں داس یا داسیو (یعنی دراوڑ پنجابی) بکثرت آباد تھے۔ ان داسیوں سے آریاؤں کی مسلسل چپقلش رہتی تھی۔ گویا وہ ایک دشمن دیس میں آباد ہوئے۔ آریاؤں کی کشمکش داسیوں سے بھی رہتی تھی اور داسوں سے بھی۔ اس لیے یہ کہنا زیادہ درست ہوگا کہ داس مقامی حکمران طبقات میں سے تھے اور داسیو مقامی عوام تھے جو غلام تھے اور بعد میں شودر بنے۔“ (6)

دوغلی نسل کے ادنیٰ پن کے حوالے سے جو بات ہٹلر کرتا ہے وہی احساس آریاؤں کو قابض کی حیثیت سے پنجاب میں بس جانے کے بعد تھا۔ مؤرخین لکھتے ہیں کہ: ”آریاؤں میں اپنی نسل کو خالص رکھنے کا احساس شدید تر ہو چکا تھا کہ کوئی قلیل التعداد فاتح قوم اپنی پوری حفاظت نہ کرے تو وہ بہت جلد مفتوح اقوام میں کھپ جاتی ہے اور اس کا نام و نشان باقی نہیں رہتا۔ انہیں یہ بھی معلوم ہو چکا تھا کہ اگر ماں اور باپ کی نسل ایک نہ ہو تو اولاد نہایت کم درجہ کی پیدا ہوتی ہے۔“ (7) تاریخ سے یہ بھی ثابت ہے کہ آریاؤں نے جن دراوڑوں کو غلام بنایا ان

سے کوئی رشتہ ناطہ نہ رکھا۔ بلکہ آریا سماج میں جو ”شودر“ ہیں، یہ دراوڑ ہی ہیں۔ رمانشکر تراپٹھی کے مطابق: ”بہت سے داسیو (دراوڑ) فاتحین (آریا) کے غلام (داس) بن گئے۔ جنہیں بعد میں سماج میں شودر کی حیثیت سے شامل کر لیا گیا۔“ (8) شودروں کو آریا ”داس“ کہتے تھے یا ”داسیو“، (9) اس بحث میں پڑے بغیر آریاؤں نے یہاں سے جو کچھ لیا وہ انفرادی و اجتماعی سطح پر اُن کی بقا سے وابستہ تھا اور جو دیا وہ انسانی و تہذیبی تباہی کے سوا کچھ نہ تھا۔ یہ بھی لکھا گیا کہ: ”آریوں کو جو مقامی تکنیک اپنے لیے مناسب نظر آئی وہ انہوں نے اپنا لی اور آگے چل دیئے۔ جو بربادی وہ پیچھے چھوڑ جاتے تھے وہ پامال شدہ لوگوں کے لیے ناقابل تلافی تھی..... جب آریا لوگ ان بستیوں سے گزر جاتے تو انسانی سماج اور انسانی تاریخ اگر پھر شروع بھی ہوتی تھی تو ایک یکسر مختلف سطح پر شروع ہوتی تھی۔“ (10)

اس طرح آریاؤں نے زندہ بچ جانے والے دراوڑوں / شودروں کو زندگی کے اس حق سے بے دخل کر دیا جو پنجاب میں صدیوں کی سکونت اور حکمرانی کے باعث انہیں حاصل تھا۔ ہٹلر جس بناء پر آریا کو دنیا کی بہترین قوم قرار دیتا ہے وہ دراصل ”ہیرازم“ کے حوالے سے ہے کہ ایک قوم کے قاتل دوسری قوم کے ہیرو اور دوسری قوم کے قاتل پہلی کے ہیرو۔ بہر حال آریاؤں میں جنگجو صلاحیتوں کی برتری کے سوا اور کوئی قابل ذکر ایسی صلاحیت نہ تھی، جسے قابل فخر ٹھہرایا جا سکے۔ آریا کے حوالے سے لکھا گیا کہ:

”وہ جنگجو، لوٹ مار کرنے والے، کانسی کے زمانے کے پدرسری قبائل تھے..... یہ گھڑ سوار لوگ تھے۔ لاشوں کو جلاتے تھے۔ ان کے لیے آگ مقدس تھی۔“ (11)

لہذا ہٹلر کا یہ کہنا خلاف حقیقت ہے کہ: ”اگر ہم انسانوں کو تین انواع پر تقسیم کریں اول وہ جو تمدن کی بناء رکھتے ہیں، دوسرے وہ جو تمدن کی بناء تو نہیں رکھ سکتے لیکن پہلے سے قائم شدہ تمدن کو قائم رکھ کر پھیلانے میں مدد دیتے ہیں اور تیسرے وہ جو تمدن کو تباہ کر دیتے ہیں تو پہلی قسم میں صرف آریاؤں کا نام شمار کیا جاسکتا ہے۔“ (12)

پنجاب کے حوالے سے دیکھا جائے تو آریا تیسری قسم میں شامل ہیں۔ اگر ہٹلر کی بات

مانتے ہوئے آریاؤں کو اس کرہ ارض پر تہذیب و تمدن کے حقیقی بانی مان بھی لیا جائے تو پھر بھی یہ حقیقت اپنی جگہ موجود رہے گی کہ اس کرہ ارض میں وسیع سطح پر تہذیب و تمدن کی تباہی کا باعث بھی آریا ہی بنے۔ تلوار اور گولی کے زور پر حاصل کی گئی کامیابی کو مہذب دنیا میں نہ کبھی پسندیدگی کی نظر سے دیکھا گیا ہے اور نہ دیکھا جائے گا۔ حملہ آور، قابض، فاتح کی ہمدردی یا رشتہ مقبوضات کے ساتھ اُس نوع کا ہو ہی نہیں ہو سکتا جو ایک مقامی کا اپنی دھرتی ماں کے ساتھ ہوتا ہے۔ ہٹلر جب یہ کہتا ہے کہ: ”ادنیٰ نسلیں وہ پہلے اوزار تھے جن سے کام لے کر اعلیٰ تہذیب و تمدن کی بنیادیں استوار کی گئیں“،⁽¹³⁾ تو یہ بھول جاتا ہے کہ تہذیب و تمدن کی تخلیق عام طور پر مکینیکل عمل نہیں اور اسے مقامی لوگ اپنی دھرتی ماں پر جنم دیتے ہیں اور یہ کہ حملہ آور، قابضین و فاتحین کے نقوش مقبوضات کی تہذیب و تمدن کے چند گنے چنے عناصر میں سے ہوتے ہیں۔ قابضین کے ہاتھوں یہ عمل اس لیے بھی انجام نہیں پاسکتا کیونکہ ایسے عوامل کی تکمیل خلوص کی اُس انتہائی شدت کی طالب ہوتی ہے جو عام طور پر لاشعوری راستے کی متقاضی ہوتی ہے۔ ہٹلر چونکہ آقا اور غلام کا قائل تھا، وہ مادی دنیا میں قائم حفظِ مراتب کو قانون خداوندی کا حصہ سمجھتا تھا، اس لیے وہ طاقت کے بل بوتے پر بنائے جانے والے غلاموں کی غلامی جائز مانتا ہے اور اس غلامی کو برقرار رکھنا فاتحین کا حق سمجھتا ہے۔ دوسرا یہ کہ وہ صرف اور صرف آریا نسل کو کرہ ارض پر انسانی تمدن اور تہذیب کا علمبردار سمجھتا ہے۔ وہ ”انسانی تہذیب و تمدن“ سے کیا مراد لیتا ہے یہ ایک الگ بحث ہے۔ اُس کے مطابق: ”اگر آریا تباہ ہو گئے، اگر آریا غلام بن گئے، تو دنیا پر ابدی وحشت و بربریت کی تاریکی چھا جائے گی۔“⁽¹⁴⁾ یہی نیشنل ازم کا پہلا نقطہ ہے جو جرمن قوم پرستی کی تحریک کی بنیاد بنا۔ اگر قوم پرستی کی کسی تحریک میں یہ چیز بنیادی حیثیت کی حامل نہ ہو تو وہ قومی تحریک کبھی بھی کامیابی سے ہم کنار نہیں ہو سکتی۔ ہٹلر کا یہ بھی کہنا ہے کہ ’کامیابی یا فتح ہمیشہ ’سچ‘ کی ہوتی ہے۔‘ مگر یہاں قابل توجہ بات یہ ہے کہ سچ کون سا؟ کیوں کہ عام طور پر ہر تحریک، ہر جماعت اور ہر مذہب کا سچ اپنا اپنا ہوتا ہے۔ جو بعض صورتوں میں دوسروں کے لیے سو فیصدی ناقابل قبول ہوتا ہے۔ ایسی صورت میں عام طور پر ’سچ‘ بھی متنازع صورت اختیار کر جاتا ہے۔ بالکل اسی طرح جیسے پنجاب میں لسانی حوالے سے تین سچ بولے جا رہے ہیں۔ ایک

سچ یہ کہ پنجاب کے بچوں کو انگریزی زبان میں تعلیم دی جائے، دوسرا یہ کہ انہیں اردو میں تعلیم دی جائے کیونکہ اس اقدام میں ملکی مفاد پوشیدہ ہے اور تیسرا یہ کہ ذریعہ تعلیم مادری زبان یعنی پنجابی ہو۔ کیونکہ یہ پنجابیوں کا بنیادی حق ہے جو کہ تعلیمی و لسانی اصولوں کے مطابق بھی ہے۔

زبان کے حوالے سے ہٹلر نے بہت سے خیالات کا اظہار کیا۔ وہ کہتا ہے کہ: ”نئی زبان سیکھ کر نیا ذہن حاصل نہیں ہو جاتا۔“ (15) جہاں وہ یہ کہتا ہے کہ ’زبان بدلنے سے شجرہ نسب نہیں بدل جاتا، وہاں جرمنی میں بسنے والے یہودیوں کے حوالے سے کہتا ہے کہ: ’’بس جرمن زبان کی مہارت ہی تھی جس کی بناء پر یہودی جرمن ہونے کا دعویٰ کر سکتا تھا۔ لیکن ایک نسلی اُمت کے اراکین صرف زبان ہی کے بندھن سے باہم وابستہ نہیں ہوتے۔ بلکہ اُن کے اتحاد کی اساس خون کے رشتہ پر ہوتی ہے..... یہی وجہ ہے کہ جہاں یہودی اپنی زبان کو بچانے سے لاپرواہ نہیں وہاں وہ اپنے خون کو دوسری نسل کے ساتھ غلط ملط ہونے سے بچانے کے لیے ایڑی چوٹی کا زور لگا دیتا ہے..... نئی زبان سیکھ کر انسان کی فطرت نہیں بدل جایا کرتی۔‘‘ (16) زبان کے دائرہ اثر اور دائرہ عمل کے حوالے سے اُس نے تفصیل کے ساتھ بات کی۔ وہ First اور Second Language کے فرق کو کھول کر بیان کرتا ہے۔ کہتا ہے:

”قومی زبان کی حمایت اس لیے کی جاتی ہے کہ اس طرح سرکار کے ہاتھ میں ایک ایسا ٹھوس حربہ ہوگا جس سے سرکار کی ارضی حدود سے باہر بھی اقتدار قائم رہ سکے گا۔ اس کے علاوہ واحد زبان کا ایک فائدہ یہ بھی تصور کیا جاتا ہے کہ ملت میں حب قوم کے جذبے کی ترقی اور توسیع کے لیے ایک واضح رُخ معین ہو جائے گا۔ یہ خوش فہمی ایک بنیادی مغالطے پر مبنی ہے..... جرمن پرستی کا غلبہ اور تسلط کسی علاقے پر ہو سکتا ہے، کسی غیر جرمن نسل کے باشندوں پر نہیں ہو سکتا۔ جرمن پرستی سے ان (نام نہاد جرمن پرستی کے حامیوں) کا مفہوم فقط یہ ہوتا تھا کہ غیر جرمن باشندوں کو جرمن بولنے پر مجبور کیا جائے۔ نہ معلوم کہ وہ اس زبردست مغالطہ کا شکار کس طرح ہو جاتے تھے کہ جرمن زبان سیکھ لینے سے کوئی چینی یا حبشی جرمن بن جائے

گا۔ کیا ہمیشہ کے لیے جرمن زبان بولنے کی عادت اختیار کرنے سے یا کسی جرمن سیاسی پارٹی کو ووٹ دینے سے کوئی غیر جرمن، جرمن بن سکتا ہے؟ فرض کیجئے مختلف قوموں کے مابین تمام موٹے موٹے اور ظاہری امتیازات ختم کر کے محض ایک زبان کی مدد سے ان کو متحد بھی کیا جاسکے تو اس طرح ایک سیاسی دوغلی نسل وجود میں آجائے گی جس سے جرمن پرستی کو فروغ اور تسلط حاصل نہ ہوگا بلکہ صحیح النسب جرمنوں کا خاتمہ ہو جائے گا۔“ (17)

وہ اس چیز پر زور دیتا ہے کہ قوم کو جو چیز ایک قوم بناتی ہے وہ زبان نہیں بلکہ وہ نسل ہے جو ایک کھچر کو جنم دیتی ہے۔ وہ یہ بھی کہتا ہے کہ: ”(دونسلوں کے) اختلاط کے نتیجے کے طور پر پیدا ہونے والی نچر نسل فاتحوں کی زبان بولنے میں خود فاتحوں پر بھی ہزار درجے بازی لے جائے۔ ایک عرصے تک دونوں مخلوط ذہنوں میں کش مکش رہتی ہے۔“ (18)

ہٹلر آسٹریا کے اُن جرمنوں کا ذکر بھی کرتا ہے جنہوں نے اپنی مادری زبان کی حفاظت کا بیڑا اٹھایا تھا۔ وہ اُن جرمن بچوں کا ذکر کرتا ہے جنہوں نے اپنے آپ کو جرمن زبان، کچر اور نسل بچانے کے لیے وقف کر ڈالا تھا۔ آسٹریا میں مقیم جرمن بچوں کے حوالے سے لکھتا ہے: ”کبھی تو وہ غیر زبانوں کے گیت گانے سے انکار کر دیتے۔ کبھی وہ اپنے خرچ سے پیسے بچا کر قومی روایات برقرار رکھنے کے لیے چندہ دیتے۔ غرض جتنا انہیں جرمن قوم سے دور لے جانے کی کوشش کی جاتی، اتنے ہی زور کے ساتھ وہ اس کے پہلو سے لپٹتے تھے۔ دن رات جرمن مشاہیر کے چرچے اُن کی زبانوں پر تھے۔ جب کوئی غیر جرمن استاد کوئی ایسی ایسی بات منہ سے نکالتا، فوراً اُن کے کان کھڑے ہو جاتے۔ متحدہ آواز ہو کر وہیں اس کی تردید کر دی جاتی۔ جرمن لباس پہننا ممنوع تھا۔ طالب علم یہی لباس پہن کر اسکول آتے۔ پھر جب اس جرم کے لیے انہیں جسمانی سزا دی جاتی تو وہ اس پر فخر کرتے۔“ (19)

وہ کسی قوم میں موجود انفرادیت کے رجحان کی بھی مخالفت کرتا ہے اور اسے خون میں ملاوٹ کا نتیجہ گردانتا ہے۔ اسی طرح فرقہ وارانہ اور مذہبی اختلافات کو قوم کی یکجہتی کے لیے مضر سمجھتا ہے اور ان گروہوں سے منسلک افراد کو قوم کے بدترین دشمن قرار دیتا ہے۔ وہ مرکز اور

صوبوں کی اہمیت کے حوالے سے کہتا ہے کہ: ”صوبوں کی اہمیت ثقافتی ہونی چاہیے اور مرکز کی اہمیت سیاسی ہونی چاہیے۔ (ملک میں موجود) ریاستوں کو ثقافت، تمدن اور مقامی نسل کو محفوظ رکھنے کے مراکز بن جانا چاہیے۔“⁽²⁰⁾ اس کے نزدیک ہر صوبے کی مقامی ثقافت اور زبان (لہجہ سمیت) جس قدر ترقی کرے گی اور خالص رہے گی، اُسی قدر ملک ترقی کرے گا۔ ملکی بقا کے لیے ضروری ہے کہ مقامیت کو دوام بخشا جائے۔ یہی قانون اسلام نے بھی روا رکھا کہ وہ جس علاقے میں داخل ہوا وہاں کی مقامیت کو مسخ کرنے کی کوشش نہ کی۔ سوائے اُن چند چیزوں کے جو بلا واسطہ اسلامی تعلیمات سے متصادم تھیں۔ یہی وجہ ہے کہ آج مسلمان نہ صرف ان گنت زبانیں بول رہے ہیں بلکہ لاتعداد تہذیبوں کے بھی امین ہیں۔

جہاں تک قوم پرستی کی بات ہے تو یہ وراثت ایک باشعور نسل اپنی اگلی/نئی نسل کو شعوری سطح پر منتقل کرتی ہے۔ جس کے تین بنیادی ذرائع ہیں: پہلا ماں کی گود یعنی لوریوں کا بڑا موضوع قوم پرستی کی تعلیمات پر مبنی ہونا چاہیے، دوسرا تعلیمی نصاب، جو قوم کے تاریخی واقعات اور کارناموں کو سامنے لے کر آئیں اور تیسرا اخبارات کہ جو نہ صرف قوم پرستی کی تعلیم دیں بلکہ مخالفین کے پراپیگنڈہ کا بھی جواب دیں۔ اس طرح ان تربیتی مراحل سے گزر کر آنے والوں کی ایک ایسی جماعت تیار ہو جائے گی جن کے لیے اپنی تہذیب، مادری زبان اور ماں دھرتی قابل فخر ہوگی۔

حوالے

- 1- اڈولف ہٹلر: تزکِ ہٹلری؛ مترجم محمد ابراہیم علی چشتی، فکشن ہاؤس لاہور، 1998ء ص 359,360
- 2- ایضاً ص 360
- 3- ڈی ڈی کوہمی: قدیم ہندوستان؛ مترجم بالملند عرش ملیانی، پرنٹ لائن پبلشرز لاہور، 1999ء ص 11
- 4- تزکِ ہٹلری؛ ص 366
- 5- ایضاً ص 365
- 6- یحییٰ امجد: تاریخ پاکستان، قدیم دور؛ سنگ میل پبلی کیشنز لاہور، 1997ء ص 418
- 7- نگار سجاد: مطالعہ تہذیب، حصہ اول؛ شعبہ تاریخ جامعہ کراچی، جون 1993ء ص 54
- 8- رما شنکر ترپاٹھی: تاریخ قدیم ہندوستان؛ مترجم سید سخی حسن نقوی، سٹی بک پوائنٹ کراچی، 2003ء ص 37
- 9- یحییٰ امجد: تاریخ پاکستان، قدیم دور؛ ص 450
- 10- ڈی ڈی کوہمی: قدیم ہندوستان؛ ص 105
- 11- یحییٰ امجد: تاریخ پاکستان، قدیم دور؛ ص 411
- 12- تزکِ ہٹلری؛ ص 366
- 13- ایضاً ص 373
- 14- ایضاً ص 448
- 15- ایضاً ص 386
- 16- ایضاً ص 393
- 17- تزکِ ہٹلری؛ ص 496,497
- 18- ایضاً ص 497
- 19- ایضاً ص 54
- 20- ایضاً ص 734, 735

دلبر یار میرے دس ہو یا ، میں اُسدا اوہ میرا
غیر نہ کول محمد بخشا ، اک اساڈا ڈیرا
میاں محمد بخش

ISSN: 1992-6545

- Editor : Prof. Dr. Ismat Ullah Zahid
- Deputy Editor : Dr. Naveed Shahzad
- Editorial Board: Dr. Saeed Khawar Bhutta, Dr. Naheed Shahid,
Dr. Nabila Rehman, Dr. Anjum Rehmani,
Dr. Younas Ahqer (Pakistan)
Dr. Karnail Singh Thind (India)
- Advisory Board: Dr. Syed Akhtar Hussain Akhtar,
Dr. Abdul Razzaq Shahid, Dr. Suryya Ahmad
Dr. Shahid Kashmiri, Khalid Hamayoun,
Imran Khalid (Pakistan)
Dr. Staish Kumar Varma (India)
- Composer : Muhammad Sudheer
- Printing : Punjab University Press, Lahore
- Address : Deptt. of Punjabi Language & Literature,
Punjab University Oriental College,
Allama Iqbal Campus, Lahore. (Pakistan)
- E-mail : info.punjabi@pu.edu.pk
- Tel./Fax No. : 042-99210834
- Price : Rs. 250/- (in Pakistan)
: US \$. 10/- (Abroad)